

Uku pillugit siunnersummut missingiut

**Meeqqat inatsiseqartitaanerannik Kalaallit Nunaanni inatsisip
atorunnaarsinnejnarnera pillugu inatsit aamma appariilerneq
appariikkunnaarnerlu pillugit Kalaallit Nunaanni inatsisip, angajoqqaat
akisussaanerat pillugu inatsisip aamma Kalaallit Nunaanni
eqqartuussisarnermik inatsisip allangortinnejnqarnissaa pillugu
inatsit**

(Meeqqat pillugit inatsisip amma meeqqat pilorsorneqarnissaat il.il. pillugit inatsisip
Kalaallit Nunaannut atortuulersinnejnarnerisa kingunerisaanik allanguinerit)

Isumaginninnermut- Utoqqarnullu Ministereqarfik

§ 1

Inatsimmik nalunaarut nr. 805, 30. juni 2015-imeersoq malillugu Kalaallit Nunaanni meeqqat
inatsiseqartitaanerannik inatsit atorunnaarsinnejnqassaaq.

§ 2

Kalaallit Nunaanni Appariilerneq appariikkunnaarnerlu pillugit inatsimmi, kunngip peqqussutaatigut nr.
307-imi 14. maj 1993-imeersukkut atuulatorsinnejnqartumi, kunngip peqqussutaatigut nr. 321-imi 26. april 1996-
imeersukkut kunngip peqqussutaatigut nr. 197-imi 7. marts 2016-imeersukkut, kunngip peqqussutaatigut nr.
679-imi 6. juni 2016-imeersukkut, kunngip peqqussutaatigut nr. YY-kkut YY¹-imeersukkut aamma
inatsisikkut nr. XX-imi XX²-imeersukkut allangortinnejnqarsimasi tulliuttut allangortinnejnqassapput:

1. § 34, imm. 2-mi, oqaaseqatigiinni siullerni peerneqassaaq », 42«.
2. § 34, imm. 2-mi, oqaaseqatigiit aappaanni », aamma § 42, imm. 2«.
3. §§ 42 aamma 45 atorunnaarsinnejnqassapput.

§ 3

Inatsimmik nalunaarut nr. 1768, 30. november 2020-immersoq malillugu angajoqqaat akisussaanerat
pillugu inatsimmi, tulliuttoq allangortinnejnqassaaq:

1. § 49-imi imm. 2-tut ikkunnejnqassaaq:

¹ Appariit pigisaasa agguernerat il.il. pillugit inatsisip Kalaallit Nunaannut atortuulersinnejnqarnissaanut
peqqussutissatut missingiut, Inatsisartut upernaakkut ataatsimiinneranni immikkoortoq 131-itut
saqqummiunnejnqarsimasoq.

² Kalaallit Nunaanni eqqartuussisarnermik inatsisip, Kalaallit Nunaanni meeqqat inatsiseqartitaanerannik inatsisip,
Kalaallit Nunaannut atuutilersinnejnqarneranut inatsisip aamma appariinerup atuutilerneranut aamma
atuukkunnaarneranut Kalaallit Nunaannut inatsisip allangortinnejnqarnissaanut inatsit appariinnerup inatsisitigut
sunniutai pillugit inatsisip (Allannguutit Kalaallit Nunaanni kingornussisarnermut inatsip nutarteriffingineqarnerata
kingorna), Inatsisartunut upernaakkut 2022 katersuunnerannut oqluuserisassatut pkt. 158-tut qaqinneqartoq.

»Imm. 2. §§ 6-imi aamma 7-imi ilaasut, imm. 1 malillugu Kalaallit Nunaannut atortuulersinneqarsimangitsut, Kalaallit Nunaanni pissutsit pissutigalugit allanngortitsinerit ilanngullugit, kunngip peqqussutaatigut tamakkiisumik ilaannakoortumilluunniit Kalaallit Nunaannut atortuulersinneqarsinnaapput.«

Inatsiseqarnermut ministereqarfik

§ 4

Inatsimmik nalunaarut nr. 1581, 13. december 2016-imeersoq malillugu Kalaallit Nunaanni eqqartuussisarnermik inatsimmi, kingusinnerusukkut kingullerpaamik inatsisikkut nr. 572-imi 10. maj 2022-imeersukkut allanngortinneqartumi, tulliuttut allanngortinneqassapput:

1. § 9, imm. 1, 1. *Oqaaseqatigiinni siullerni*, aamma § 55-imi »ataatassarsiunermik suliat« allanngortinneqassapput imaalillugit: »ataataassuseq aamma anaanaaqataassuseq pillugit suliat«.

2. § 20, imm. 4, nr. 1-imi, aamma § 54, nr. 5-imi »Ataatassarsiunermik suliat« allanngortinneqassapput imaalillugit: »Atataassuseq aamma anaanaaqataassuseq pillugit suliat«.

3. Kapiteli 26 ima oqaasertalersorneqassaaq:

»Kapiteli 26
Atataassuseq aamma anaanaaqataassuseq pillugit suliat

§ 272. Meeqcanut ataataassuseq aamma anaanaaqataassuseq pillugu suliani kapitalimi uani malittarisassat atorneqassapput, matumani sulianik taamaattunik suliareqqitassangortitsinerit ilanngullugit.

§ 273. Pisuni tulliuttuni ataataassuseq anaanaaqataassuserluunniit pillugu suliaq Kalaallit Nunaanni najukkami eqqartuussivimmut suliassanngortinneqarsinnaavoq, taamaattoq immikkoortoq 3 takuuk:

1) Anaanaasoq Kalaallit Nunaanni najugaqarpat imaluunniit meeraq Kalaallit Nunaanni najugaqarpat.

2) § 274, imm. 1, nr. 3, malillugu inuk suliami peqataasoq Kalaallit Nunaanni najugaqarpat, imaluunniit inuup toqusimasup pigisai pillugit Kalaallit Nunaanni suliariinnittoqarpat imaluunniit suliariinnittoqarsimappat.

3) Meeqqat pillugit inatsimmi kapitali 1 imaluunniit 1 a malillugit ataataassuseq imaluunniit anaanaaqataassuseq Kalaallit Nunaanni nalunaarsorneqarsimappat, meeqqat pillugit inatsimmi §§ 14 imaluunniit 19 malillugit akuersissutigineqarsimappat imaluunniit eqqartuussut malillugu aalajangersarneqarsimappat.

Imm. 2. Inummit, meeqqat pillugit inatsimmi § 6 imaluunniit § 6 a malillugit, pineqartup meeqqamut ataataanerluni anaanaaqataanerluniluunniit misissuisoqarnissaanik piumasaqarsinnaatitaasumit anaasaasoq aamma meeraq Kalaallit Nunaanni najugaqarpata, qinnuteqarneq malillugu suliaq taamaallaat Kalaallit Nunaanni najukkami eqqartuussivimmut suliassanngortinneqarsinnaavoq, taamaattoq immikkoortoq 3 takuuk.

Imm. 3. Naalagaaffimik allamik isumaqtigiiqeqarnikkut imm. 1-imi aamma 2-mi malittarisassat avaqqunneqarsinnaapput.

§ 273 a. § 272 malillugu anaanaasup najugaani eqqartuussisoqarfimmut, Naalagaaffiup Sinniisuata suliaq saqqummiutissavaa. Kalaallit Nunaanni pineqartoq najukkami eqqartuussisoqarfimmut saqqummiunneqarsinnaanngippat, § 274, imm. 1, nr. 3, malillugu peqataasup najugaqarfiani suliaq eqqartuussisoqarfimmut saqqummiunneqassaaq. Peqataasut arlaqarpata, najukkami eqqartuussivik sorleq suliamik saqqummiussiffigineqassanersoq Naalagaaffiup Sinniisuata aalajangissavaa. Peqataasuut arlaannaalluunniit Kalaallit Nunaanni najukkami eqqartuussivimmut saqqummiussinnaatitaanngippata, najukkami eqqartuussivik sorleq, suliamik saqqummiussiffigineqassanersoq Naalagaaffiup Sinniisuata aalajangissavaa.

Imm. 2. Suliap tassani suliarineqarnissaa naleqqunnerpaappat, najukkami eqqartuussiviup suliamik saqqummiussiffigineqartup, najukkami eqqartuussivimmut allamut suliap suliarineqarnissaa innersuussutigisinnaavaa.

§ 273 b. Naalagaaffiuup Sinnisaaniit suliaq eqqartuussivimmit tiguneqarpat, suliaq najukkami eqqartuussivimmut saqqummiunneqartutut isigineqassaaq.

§ 274. Suliami peqataasut tassaapput tulliuttut:

- 1) Meeraq imaluunniit meeqqap toqunermini pigisaasa aqutsisua.
- 2) Anaanaasoq, imaluunniit anaanaasup toqunermini pigisaasa aqutsisua.
- 3) Meeqqat pillugit inatsimmi § 17 malillugu, inuk imaluunniit inuit, imaluunniit toqusut pigisaasa aqutsisui suliami ilanngunneqartussat.

Imm. 2. Peqataasoq 18-t inorlugit ukioqarpat, peqataasoq sinnerlugu angajoqqaatut akisussaatitaasoq sassassaaq. Aammattaaq, nammineersinnaassusiagaasimaneq aamma angajoqqaattut akisussaatitaasumik isumasiueqqaarluni pisuussutit pillugit aalajangiisinhaaneq soqtiginagit, peqataasut nammineerlutik sassassapput. Namminersorsinnaanermik inatsimmi §§ 56 aamma 57 malillugit, peqataasup immikkut ittumik angajoqqaatut akisussaatitaasumik peqarnissaa najukkami eqqartuussiviup nalilerpagu, taanna angajoqqaatut akisussaatitaasunngortinnejarsinnaavoq.

§ 274 a. Suliap najukkami eqqartuussivimmut sassartinneqarnera pillugu nalunaarut, eqqartuussiviup iliuuseqarneratigut peqataasunut tunniunneqassaaq. Suliap ingerlanneqarnerata nalaani inuk peqataasutut ilanngunneqarpat, taamatuttaaq nalunaarut pineqartumut tunniunneqassaaq.

Imm. 2. Peqataasoq toqusimappat, nalunaarut toqusup pigisaasa aqutsisuanut tunniunneqassaaq.

§ 274 b. Inummut peqataasumut taamaaliortoqarnissaanik pisariaqartitsisumut, peqataasoq sinnerlugu eqqartuussinermi peqataasussamik fuldmægtigimik najukkami eqqartuussivik ivertitsinnaavoq. § 137, imm. 1 malillugu tamanut ammasumik nalunaaruteqartoqarsimatillugu, imaluunniit pisuni angajoqqaaq taaneqarsimasoq toqusimappat, pineqartoq imaluunniit toqusup pigisaanik aqutsisoq aggersinnaanngippat, suliami ilaasumut inummut, peqataasoq sinnerlugu eqqartuussinermi peqataasussamik fuldmægtigimik najukkami eqqartuussivik ivertitsissaqaq.

§ 275. Suliap paasissutissanik imaqartinneqarnissaa najukkami eqqartuussiviup isumagissavaa.

Imm. 2. Peqataasut ilisimannittullu tusarniaavigineqarnissaat pillugit aamma suliamik paasisimasalimmit oqaaseqaatit uppernarsaatillu allat pissarsiarineqarnissaat pillugit, najukkami eqqartuussivik nammineerluni aalajangiissaqaq. Peqataasut ilisimannittullu eqqartuussiviup nammineerluni aggersassaval.

Imm. 3. Suliap paasissutissanik imaqartinneqarnissaanut najukkami eqqartuussivik politit ikiussavaat, matumani ataataasinnaasutut- imaluunniit anaanaaqataasinnaasutut taaneqarsimasut ujarneqarneri ilanngullugit

Imm. 4. Kapitali manna malillugu suliani, peqataasup takkutinngitsoornerata imaluunniit akerliliinani takkunnerata sunniutai pillugit inatsimmi matumani aalajangersakkat atuutinngillat.

Imm. 5. Peqataasut takkutinngitsoornerata imaluunniit akerliliinani takkunnerata sunniutai pillugit inatsimmi matumani aalajangersakkat atuutinngillat. Peqataasut takkutinngitsoornerata imaluunniit akerliliinani takkunnerata sunniutai pillugit inatsimmi matumani aalajangersakkat atuutinngillat. Peqataasut takkutinngitsoornerata imaluunniit akerliliinani takkunnerata sunniutai pillugit inatsimmi matumani aalajangersakkat atuutinngillat. Peqataasut takkutinngitsoornerata imaluunniit akerliliinani takkunnerata sunniutai pillugit inatsimmi matumani aalajangersakkat atuutinngillat.

Imm. 6. Peqataasup eqqartuussinermut qaaqquneqarnissaa najukkami eqqartuussiviup pinngitsoortissinnaavaa, imaluunniit peqataasumut allamut imaluunniit suliap paasissutissanik ilaneqarnissaata eqqarsaatigineqarnerisa pisariaqartippassuk, peqataasup eqqartuussinermi tamakkiisumik ilaannakoortumilluunniit isiginnaartuunissaata itigartitsissuginissaa aalajangersinnaallugu. Suliaq aalajangiiffingineqartinnagu, pineqartoq paasissutissat saqqummiunneqartut pillugit ilisimatinneqassaaq.

Imm. 7. Meeqqat pillugit inatsimmi § 18 malillugu dna pillugu misissuinissat naammassineqarnissaat pillugit najukkami eqqartuussivik aalajangersakkamik aalajangiissaqaq. § 150-imi aalajangersakkat taamatuttaaq atuupput.

§ 276. Anaanaasoq, meeqqat pillugit inatsimmi § 16 malillugu kiap ataataasinnaanissaa anaanaaqataasinnaanissaaluunniit pillugit najukkami eqqartuussivimmut takkunnissaminut

nassuaanissaminullu pisussaaffeqarpoq. § 144, imm. 2, nr. 1-imi, aamma §§ 150-imiit 152 ilanngullugu malittarisassat taamatuttaaq atuupput.

Imm. 2. § 274, imm. 1, nr. 3, mallugit inuk peqataasoq imaluunniit inuit peqataasut, anaanaasumut, piffissami anaanaasup naartulerfiani kinguaassiutitigut atoqateqarsimanerlutik, imaluunniit meeqqat pillugit inatsimmi §§ 27, 27 a imaluunniit 27 b malillugit ikiorneqarluni kinguaassiornissamut katsorsarneqarnissamut imaluunniit assigisaanik katsorsarneqarnermik naartulersitsinermik akuersissuteqarsimanerlutik, najukkami eqqartuussivimmun takkunnissaminut nassuaanissaminullu pisussaaffeqarput. § 144, imm. 2, nr. 1-imi, aamma §§ 150-imiit 152 ilanngullugu malittarisassat taamatuttaaq atuupput.

Imm. 3. § 160-imi malittarisassat malillugit peqataasoq angalanernut taarsiivigineqarsinnaavoq.

§ 277. Najukkami eqqartuussivimmunt akuersinerit eqqartuussisut allattaavianni saqqummiunneqassapput.

§ 278. Peqataasut piumasaqaataat pisimasullu pillugit oqaatigisaat eqqarsaatiginagit najukkami eqqartuussivik aalajangiissaq.

Imm. 2. Inuuq suliami peqataasutut ilaatinneqarunnaarnissaa najukkami eqqartuussiviup kisimi aalajangiiffigisinnavaa.

Imm. 3. Ima pisoqartillugu najukkami eqqartuussiviup suliaq naamassissavaa:

1) Meeqqat pillugu inatsimmi § 19 malillugu ataataassuseq anaanaaqataassuserluunniit akuersissutigineqarpat.

2) § 274, imm. 1, nr. 3, malillugu inuit peqataasut ataataasutut anaanaaqataasutulluunniit arlaannaalluunniit eqqartuunneqanngippata.

3) Meeqqat pillugit inatsimmi § 7, imm. 2, atorneqartinnagu, meeraq toqusimappat.

4) Ataataasutut- anaanaaqataasutulluunniit perarfissat ilisimatitsissutigineqarsimannngippata, kinaassusersineqarsinnaasimannngippata imaluunniit nassaarineqarsinnaasimannngippata.

§ 278 a. Uppernarsaanermut aningaasartuutit § 275 malillugu naalagaaffiup karsianit aningaasartuutigineqassapput. Pissutsit immikkut ittu tunngavissaqtippassuk, aningaasartuutit taakku tamakkisumik ilaannakoortumilluunniit najukkami eqqartuussiviup peqataasumit taarseqquisinnaavai.

§ 278 b. Eqqartuussinerit matoqqasumik ingerlanneqassapput. Anaanaasup kissaateqarneratigut, kommunimi sulisoq, anaanaasoq ilagalugu aggersinnaavoq.

Imm. 2. Eqqartuussutit tamanut ammasumik allaaserineqarneranni, eqqartuussummi taaneqartut inuit arlaannaataluunniit atii, atorfii najugarisaalluunniit kinaassusaalluunniit allatut tamanut saqqummiunneqassanngillat. Inerteqummik taassuminnga unioqqutitsisoq, pinerluttulerinermi inatsit malillugu pineqaatissinneqassaaq.

Imm. 3. Immikkut itumik tamanna pillugu najukkami eqqartuussivik aalajangiisimatillugu, suliap eqqartuussivimmun saqqummiunneqarnera pillugu nalunaarutiginninnermi, § 137 malillugu aggeqqusinermi aamma eqqartuussutini, anaanaasup meeqqallu aqqi taamaallaat § 137, imm. 1, malillugu tamanut ammasumik nalunaaruteqarnermi ilanngunneqarsinnaapput.

Imm. 4. Meeraq qitornavissianngortinneqarsimappat, angajoqqaajusullu qitornavissiartaartut atii naluppassuk, qitornavissiartaartut atii, peqataasut ilisimannittullu atii eqqartuussisut allattaaviinit takussutissiani imaluunniit eqqartuussiviup aalajangiinerini ilaatinneqassanngillat.

§ 278 c. Ataataassuseq anaanaaqataassuserluunniit aalajangerneqarpat, suliari luunniit taamaatitinneqarpat, najukkami eqqartuussiviup piaernerpaamik Naalagaaffiup Siniisua nalunaarfigissavaa. Eqqartuussisut allattaaviannut saqqummiunneqartumik akuersinerup assilineranik nalunaarut ilaqtinnejqassaaq imaluunniit eqqartuussummik ilaqtinnejqassalluni, eqqartuussisut allattaaviata assilineranik aamma inuttut uppernarsaatit suliami saqqummiunneqarsimasut assilinerinik ilaqtinnejqassalluni.

Imm. 2. Eqqartuussummik nalunaarutiginnineq najukkami eqqartuussiviup isumagissavaa.

§ 279. Suliareqqitassanngortitsineq najukkami eqqartuussivimmun nalunaaruteqarnikkut pissaaq. Eqqartuussisut allattaaviannut nalunaaruteqarneq oqalulluni pisinnaavoq. Nalunaarut imaluunniit oqaaseqatigiit aappaanni pisut taaneqartut pillugit, eqqartuussisut allattaaviata assilinera aamma suliami uppernarsaatit najukkami eqqartuussiviup Nunatta Eqqartuussisuuneqarfianut nassiuissavai.

Imm. 2. Suliareqqitassangortitsinermi malittarisassat kapitalimi uaniittut pisariaqartinneqartumik oqilisaavigalugit atorneqassapput.

Imm. 3. Suliareqqitassangortitsinermi piffissaliussat apeqqutaatinnagit, najukkami eqqartuussivimmi peqataasutut ilanngunneqarsimasut kikkulluunniit, Nunatta Eqqartuussisuuneqarfiata suliareqqitassangortitsinerup ingerlanneqarnerani ilanngussinnaavai. Inuit allat ilanngunneqarnissaat pillugit apeqqummik saqqumertoqarpal, suliaq najukkami eqqartuussivimmi nutaamik suliareqqitassanngorlugu nassiunneqarsinnaavoq.«

4. § 283, *imm. 1-imi*, »§ 448 c« ima allanngortinneqassaaq: »§ 448 f«.

5. § 283, *imm. 2-mi*, »§ 448 f« ima allanngortinneqassaaq: »§ 448 g«.

6. § 716, *nr. 4-imi*, »ataataassuseq« kingorna ikkunneqassaaq: »aamma anaanaaqataassuseq«.

Atortuulersitsineq il.il.

§ 5

Imm. 1. Inatsit ullormi [...] atuutilissaaq.

Imm. 2. Inatsimmi uani §§ 1 aamma 4 apeqqutaatinnagit, inatsimmik nalunaarut nr. 805, 30. juni 2015-imeersoq malillugu Kalaallit Nunaanni meeqqat inatsiseqartitaanerannik inatsimmi kapitali 1 aamma § 23 a, aamma inatsimmik nalunaarut nr. 1581 decembarip 13-ianni 2016-imeersoq malillugu Kalaallit Nunaanni eqqartuussisarnermi inatsimmi kapitali 26, meeqqanit, inatsisip atuutilersinneqannginnerani inuusimasunit, atorneqassaaq, taamaattoq imm. 3 takuuq.

Imm. 3. Imm. 2 apeqqutaatinnagu, meeqqamut inatsisip atuutilinnginnerani inuusimasumut ataatassarsiuneq pillugu suliaq, inatsisip atuutilernerata kingorna meeqqat pillugit inatsimmi § 22 malillugu ataatassarsiunerup suliareqqinnejarnissaat qinnutigineqarpat, inatsimmik nalunaarut nr. 805, 30. juni 2015-imeersoq malillugu Kalaallit Nunaanni meeqqat inatsiseqartitaanerannik inatsimmi kapitali 1 atuutissanngilaq.

Imm. 4. Inatsimmi matumani § 1 apeqqutaatinnagu, toqusoqarneq inatsisip atuutilinnginnerani pisimappat, inatsimmik nalunaarut nr. 805, 30. juni 2015-imeersoq malillugu Kalaallit Nunaanni meeqqat inatsiseqartitaanerannik inatsimmi §§ 21 aamma 22 atuutissapput. Taamaattoq, inatsisip atuutilinnginnerani pigisat nikisinnagit pigiinnarnejarnissaat pillugit aalajangiisoqarsimatillugu, inatsimmik nalunaarut nr. 805, 30. juni 2015-imeersoq malillugu Kalaallit Nunaanni meeqqat inatsiseqartitaanerannik inatsimmi § 21, imm. 2 aamma § 22, imm. 2, aatsaat atorneqarsinnaapput.

Imm. 5. Uani inatsimmi §§ 1 aamma 2 apeqqutaatinnagit, inatsimmik nalunaarut nr. 805, 30. juni 2015-imeersoq malillugu Kalaallit Nunaanni meeqqat inatsiseqartitaanerannik inatsimmi kapitali 2 aamma 3, aamma Kalaallit Nunaanni aappariilerneq aappariikkunnaarnerlu pillugit inatsimmi §§ 42 aamma 45, kunngip peqqussutaatigut nr. 307-imi 14. maj 1993-imeersukkut atortuulersinneqarsimasumi, kunngip peqqussutaatigut nr. 321-imi 26. april 1996-imeersukkut kunngip peqqussutaatigut nr. 197-imi 7. marts 2016-imeersukkut, kunngip peqqussutaatigut nr. 679-imi 6. juni 2016-imeersukkut, kunngip peqqussutaatigut nr. YY-kkut YY-imeersukkut aamma inatsisikkut nr. XX-imi XX-imeersukkut allanngortinneqarsimasumi, meeqqanut akilersuutit aalajangersarnejarnissaat imaluunniit allanngortinneqarnissaat pillugit qinnuteqaatinut inatsisip atuutilinnginnerani tunniunneqarsimasunut atorneqassapput.

Imm. 6. Uani inatsimmi § 1 apeqqutaatinnagu, inatsimmik nalunaarut nr. 805, 30. juni 2015-imeersoq malillugu Kalaallit Nunaanni meeqqat inatsiseqartitaanerannik inatsimmi kapitali 2 aamma 3, meeqqanut akilersuutit pillugit sorianut, tassani Kalaallit Nunaanni meeqqat inatsiseqartitaanerannut inatsit nr. 197, 16. juni 1962-imeersumi § 6, imm. 2 malillugu angut akilersuisussaatitaasutut isigineqarluni, aamma meeqqanut akilersuutit allanngortinneqarnissaat pillugit qinnuteqaatinut inatsisip massuma atuutilernerata kingorna tunniunneqarsimasunut, aammattaaq atuutissapput. Qinnuteqaatit taamaattut Kalaallit Nunaanni Naalagaaffiup Siniisoqarfianit suliarineqassapput.

§ 6

Savalimmiunut Kalaallit Nunaannullu § 3 atuutinngilaq.

Inatsisissatut siunnersummut nassuaatit

Nassuaatit nalinginnaasut

1. Aallaqqaasiut

Kalaallit Nunaannut ilaqtariinnut inatsiseqartitsinerup nutarteriffingineqarneranut atatillugu, meeqqat pillugit inatsit aamma meeqqat pilersorneqarnissaat pillugu inatsit Kalaallit Nunaannut kunngip peqqussutaasigut atuulersinnejassapput. Meeqqat pillugit inatsimmik atortuulersitsinermi aammattaaq anaanaaqataassuseq pillugu inatsimmi aalajangersakkat ilaassapput, taamaalluni arnat marluk ataatsimoorlutik meeqqamut angajoqqaanngorsinnaaniassammata.

Meeqqat pillugit inatsisip aamma meeqqat pilersorneqarnissaat pillugu inatsisip atuutersinnejcarnerisa malitsigisaannik, inatsisissatut siunnersuut manna inatsisit allangortinnejcarneranik imaqarpoq. Kalaallit Nunaanni meeqqat inatsiseqartitaanerannik inatsimmi ataataassuseq aamma meeqqanut akilersuutit pillugit inatsisit atorunnaarsinnejcarnerat, aamma Kalaallit Nunaanni appariilerneq appariikkunnaarnerlu pillugit inatsimmi meeqqanut akilersuutit pillugit malittarisassat allangortinnejcarneri uani pineqarput, kiisalu ataataassuseq pillugu suliarinnitarnerit pillugit Kalaallit Nunaanni eqqartuussisarnermik inatsimmi malittarisassat naleqqussarnejarnissaat, taamaalluni inatsisip Kalaallit Nunannut atortuulersinnejcarnerani, meeqqat pillugit inatsimmut naleqquttungortinnejassamat, matumanit Kalaallit Nunaanni eqqartuussisarnermik inatsisip eqqartuussivit anaanaaqataassuseq pillugu sulianik suliarinnitarnerat pillugu aalajangersakkanik aamma imaqalernissaa ilanngullugu.

[Inatsisissatut siunnersuut Inatsisartut 2022-imi ukiakkut ataatsimiinnerminni akuersissutigaat.]

2. Inatsisissatut siunnersummi immikkoortut pingaarcerit

2.1. Meeqqat pillugit inatsisip Kalaallit Nunaanni atuutersinnejcarnera

2.1.1. Inatsisit atuuttut

Inatsimmik nalunaarut nr. 805, 30. juni 2015-imeersoq malillugu Kalaallit Nunaanni meeqqat inatsiseqartitaanerannik inatsit, inatsisikkut nr. XX-imi XX³-imeersukkut allangortinnejqartoq, (meeqqat pillugit Kalaallit Nunaannut inatsit) ataataatitaaneq (kapitali 1), meeqqanut akilersuutit il.il. (kapitali 2 aamma 3) aamma meeqqat kingornussisussaatitaanikkut inissisimanerat (kapitali 4-mi §§ 21 aamma 22) pillugit malittarisassanik imaqarpoq. Aammattaaq piginnaatitsinerit-, atuutilerfissa- aamma ikaarsaariarnermi malittarisassat pillugit malittarisassanik inatsisip kapitali 4-raa imaqarpoq.

2.1.1.1. Ataataassuseq

Meeqqat pillugit Kalaallit Nunaannut inatsit, meeqqat appariinnerup iluani inuusimasut pillugit, §§ 1-imiit 5 ilanngullugu, malittarisassanik imaqarpoq. Meeqqanut taakkununnga, meeraviusutut taaneqartartunut, anaanaasup apparisaa meeqqamut ataataasutut isigineqartarnera aallaaviuvoq (pater est-imik taasagaannik malittarisassaq). Taamaattoq tamanna pillugu eqqartuussisutigut suliassangortitsinikkut, anaanaasup, ataataasup meeqqallu ataataassuseq apeqqusersinnaavaat.

Meeqqat pillugit Kalaallit Nunaannut inatsit, meeqqat appariinnerup avataani inuusimasut pillugit, §§ 6-imiit 12 ilanngullugu, malittarisassanik imaqarpoq. §§ 7-imiit 9 ilanngullugu meeqqanut taakkununnga ataataassuseq aalajangersarniarneqassaaq, aamma meeqqap anaanata meerartaarniarlarluni politiinut saaffiginninnikkut ataatassarsiuinermik suliaq aallartitissavaa. Tamatumta peqatigisaanik kikkut tamarmik,

³ Kalaallit Nunaanni eqqartuussisarnermik inatsisip, Kalaallit Nunaanni meeqqat inatsiseqartitaanerannik inatsisip, Kalaallit Nunaannut atuutersinnejcarneranut inatsisip aamma appariinnerup atuutilerneranut aamma atuukkunnaarneranut Kalaallit Nunaannut inatsisip allangortinnejqarnissaannut inatsit appariinnerup inatsisit gut sunniutai pillugit inatsisip (Allannguutit Kalaallit Nunaanni kingornussisarnermut inatsip nutarteriffingineqarnerata kingorna), Inatsisartunut upernaakkut 2022 katersuunnerannut oqaluuserisassatut Meeqqanut Inuuusuttunut Ilaqtariinnullu Naalakkersuisoqarfimmut nassiuunnejqartoq.

meeqqap aappariinnerup avataani inuusimasup inunngornerani sullisisimasut, nakorsatut juumuutulluunniit, sukkanerpaamik tamanna pillugu politiinut nalunaarutiginnissapput. Meeqqap inuunerani arlaannaalluunniit ikiuussimanngippat, anaanaasup ernineq pillugu nalunaaruteqarnissani pisussaaffigaa. Ataatassarsiuinerit taakkut aallarniutitut politiinit suliarineqartarpuit.

Inatsimmi § 10, imm. 1, malillugu, meeqqamut aappariinnerup avataani inuusimasunut, kina ataataanersoq imaluunniit ataataasinnaanersoq, anaanaasup nalunaarutigissallugu pisussaaffigaa. Aalajangersakkami imm. 2 malillugu, ataataassutsip kaleriutigineqannginnissaa meeqqamut pitsaanerusussanut akerliusutut isigineqanngippat, Naalagaaffimmi Sinniisup anaanaasoq pisussaaffimmik taassuminnga pisussaajunnaartissinnaavaa.

Inatsimmi § 11, imm. 1, malillugu, angutip meeqqamut ataataassutsini, allattariarsornikkut, politiinut takkunnermigut imaluunniit najukkami eqqartuussisumut takkulluni oqaatiginninnermigut, ataataanini akuersissutigisinnavaa.

Ataataassuseq akuerineqanngippat, inatsimmik nalunaarut nr. 1581, 13. december 2016-imeersoq malillugu Kalaallit Nunaanni eqqartuussisarnermik inatsimmi, kingusinnerpaamik inatsisikkut nr. 1056-ikkut, 30. juni 2020-imeersukkut allanngortinneqartukkut, kapitali 26 malillugu politiit suliaq najukkami eqqartuussivimmur saqqummiutissavaat. Malittarisassat taakku pillugit imm. 2.2. innersuussutigineqarpoq.

Meeqqamut aappariinnerup avataani inunngorsimasumut, pissutsit angutip ataataaneranut nalornilersitsisut pineqartinnagut, meeqqiorsinnaanerup iluani anaanaasumik atoqateqarsimasoq ataataasutut isigineqassasoq, meeqqat pillugit Kalaallit Nunaannut inatsimmi § 6-imi takuneqarsinnaavoq.

Ataataassarsiuinerrik suliamik aallartitsisoqanngippat, anaanaasoq, meeraq imaluunniit tassunga angajoqqaatut akisussaatitaasoq imaluunniit inatsimmi § 12 malillugu pisortat, ataatassarsiuinerrik aallartitsisinnaapput.

Meeqqat pillugit Kalaallit Nunaannut inatsit anaanaaqataassuseq pillugu malittarisassanik imaqanngilaq. Arnat marluk, assersuutigalugu aappariit, ataatsimoorlutik meerartaarnissaq kissaatigigunkku, arnap meeqqamik inunngortitsisimanngitsup, meeqqamut inatsisitigut angajoqqaanngornissaa, inatsisip imarisaasa periarfissinngilaat. Arnaq taanna tassunga taarsiullugu, Qitornavissiartaarneq pillugu inatsisip allanngortinnissaa pillugu inatsisip aamma inatsisit assigiinngitsut allat Kalaallit Nunaannut atuutilersinnejqarnissaannut peqqussut nr. 410, 21. april 2010, peeqqussutikkut nr. 188-ikkut 9. februar 2021-imeersukkut allanngortinneqarsimasukkut, qitornassat qitornavissiarineqartarneri pillugit malittarisassat malillugit inatsisitigut angajoqqaanngorsinnaavoq.

2.1.1.2. Meeqqat pilersorneqarnerat

Meeqqat pillugit Kalaallit Nunaannut inatsimmi § 13, imm. 1 aamma 2, malillugit, angajoqqaat tamarmik immikkut meeqqamik pilersuinissartik pisussaaffigaat. Angajoqqaat inuunerminni atugaat meeqqamullu pitsaanerusussat eqqarsaatigalugit, meeraq pilersorneqartussaavoq, perorsarneqartussaavoq ilinniartinneqassallunilu. Meeqqamut pilersuisussaatitaaneq angajoqqaat arlaata naammassisinnaanngippagu, meeqqap pilersorneqarnissaanut angajoqqaaq taanna akilersuutinik akiliisussanngortinnejqarsinnaavoq.

Inatsimmi § 13, imm. 3 malillugu meerarivitamut akilersuutit aalajangersarnissaannut periaatsimut, aappariinneq aappariikkunnaarnerlu pillugit Kalaallit Nunaanni inatsimmi nr. 152, 11. maj 1954-imeersumi malittarisassani §§ 70, 71 aamma 77 a atuupput. Malittarisassat taakku malillugit eqqartuussiviit aamma "qullersatut oqartussaasut" akilersuisussaatitaanerit pillugit suliat suliassaraat. Ataatassarsiuermut atatillugu meeqqamut aappariinnerup avataani meerartaarineqarsimasumut akilersuutit aalajangerneqarnissaat kissaatigineqarpat, tamatuma peqatigisaanik tamanna pillugu apeqqut eqqartuussivimmur aalajangiiffigineqassaaq. Pisuni allani eqqartuussissutigitinniagaq eqqartuussivimmur akilersuutinik pisinnaatitaasup najugaqarfianiittumut, qinnuteqaat saqqummiunneqassaaq.

Meeqqat pillugit Kalaallit Nunaanni inatsimmi § 14, imm. 1 malillugu meeqqamut pitsaunerusussaq aamma angajoqqaat aningaasaqarnikkut inissisimanerat eqqarsaatigalugit akilersuut aalajangerneqassaaq. Angajoqqaat marluullutik tamarmik aningaasaateqanngippata, meeqqap najugaani akilersuutit nalinginnaasumik amerlassusilerneqarsimasut qaqgukkulluunniit atuuttut assinginut akilersuutit aalajangerneqassapput.

Aalajangersakkami imm. 2 malillugu, meeqqap 18-iliinerata kingorna akilersuisussaatitaaneq aallaaviatigut atorunnaarsinnejassaaq, aamma ilinniarnermut imaluunniit ilinniagaqarnermut akilersuutit meeqqap 24-inik ukioqalernissaata tungaanut akiligassanngortinnejassinaasut aalajangersakkami imm. 3-p malitsigaa.

Meeqqap kuisinneranut, apersortinneranut, napparsimaneranut aamma ilisaaneranut imaluunniit immikkut ittumik allamik pissuteqarluni, inatsimmi § 15 malillugu, immikkut ittumik akilersuut akileqquneqarsinnaavoq. Piffissaliussap qaangerneqarneranut naleqqutumik pissutissaqartoq qularnarunnaarsinnejanngippat, aningaasartuuteqarsimanerup kingorna qaammatit 3 iluanni qinnuteqaat saqqummiunnejarp, akilersuut taamaallaat aalajangerneqarsinnaavoq.

Tamanna pillugu tunngavilersukkamik qinnuteqaat takkuppat, inatsimmi § 16 malillugu akilersuut qaqgukkulluunniit allangortinnejassinaavoq. Taamaattoq akilersuut, qinnuteqaatip saqqummiunnejannginnerani akilerneqartussaasoq, immikkut illuinnartumik pisoqarsimatillugu taamaallaat allangortinnejassinaavoq. Aammattaaq, pissutsit immikkut ittut pissutissaqartippassuk, piffissamut, qinnuteqaatip saqqummiunnejarnera sioqqullugu, ukioq ataaseq sinnerlugu sivisutigisumut, akilersuut taamaallaat akiligassanngortinnejassinaavoq.

Inatsimmi § 17, imm. 1 malillugu, meerarivitamut meeqqamut akilersuutit pillugit isumaqtigiissutit pillugit, aappariinneq aappariikkunnaarnerlu pillugit Kalaallit Nunaanni inatsimmi nr. 152, 11. maj 1954-imeersumi § 71-imi malittarisassat atuupput. Meeqqamut pitsaunerusussaq tamatumta kingunerissappagu, § 71-imi malittarisassat malillugit meeqqamut akilersuutit allangortinnejassinaapput. Aammattaaq pissutsit pingaarutilimmik allangorsimappata, aamma pissutsit allat tamanna pisariaqartippassuk, isumaqtigiissut allangortinnejassinaavoq. Meeqqat pillugit Kalaallit Nunaanni inatsimmi § 17, imm. 2 malillugu meeqqamut aappariinnerup avataani meerartaarineqarsimasumut meeqqamut akilersuutit pillugit isumaqtigiissutit taamaallaat najukkami eqqartuussisumit akuerineqarunik atuussinnaapput. Taamatut akuersissuteqarnerup, pissutsit pingaarutilimmik allangorsimatillugit, kingusinnerusukut allamik aalajangiisoqarnissaa akornusersinnaanngilaa. Meeqqamut akilersuisussaatitaaneq pillugu allangortitassaanngitsumik ataasiarluni akiliinissaq pillugu isumaqtigiissutinik akuersineq, aalajangersakkami imm. 4 malillugu nunap eqqartuussisuuneranit nalunaarutigineqassaaq.

Meeqqamut akilersuut meeqqap pisassarigaa, meeqqat pillugit Kalaallit Nunaanni inatsimmi § 18-p malitsigaa. Meeqqap pilersorneqarneranut aningaasartuuteqartut akilersuutit aalajangersarneqarnissaannut aamma akilersuutit katersorneqarnissaannut pisinnaatitaapput.

Inatsimmi § 20 malillugu, erninermi aamma erninerup nalaani anaanaasup pilersorneqarneranut aningaasartuutinut ataataasoq imaluunniit akilersuinissamik pisussaatitaasoq akileeqquneqarsinnaavoq.

Naak inatsimmi § 6, imm. 1-imi meeqqamut ataataasutut isigineqarnissamut piumasaqaatit naammassineqarsimannngikkaluartut, inatsimmi § 6, imm. 2 malillugu angut meeqqamut akilersuisussaatitaasutut isigineqarsinnaavoq. Meeqqamut akilersuinissamut eqqartuussutip taamaallaat meeqqamut akilersuisussaatitaaneq kinguneraa. Angutinut, taamaallaat akilersuisussaatitaasutut isigineqartunut atatillugu, akilersuutit nalinginnaasumik amerlassusilerneqarsimasut qaqgukkulluunniit atuuttut akilersuutigineqassasut inatsimmi § 19-imi takuneqarsinnaavoq. Arlaqartut akilersuisussaatitaasutut isigineqarsinnaappata, tamarmik immikkut tamakkiisumik akilersuisussaanermik pisussaatitaapput. Tamatumta saniatigut inatsimmi § 14, imm. 2-mi 4-milu, § 16-imi, § 17, imm. 2-4-imi, aamma § 18, imm. 2-imi, malittarisassat assigisaanik atuupput. Arlaqartut akilersuisussaatitaasutut isigineqarsimappata, akilersuutit kommunip karsianut akilerneqassapput. Akilerneqarsimasut akilersuutinik pisussamut tunniunnejassapput, taamaattoq tunniunnejartup akilersuutip ataatsip nalinga qaangissanngilaa. Meeqqat inatsiseqartitaanerannik Kalaallit Nunaanni inatsisip aamma kingornussisarnermik Kalaallit Nunaanni inatsisip

allannngortinneqarnerat pillugu inatsimmi nr. 483, 21. maj 2014-imeersumi (Meeqqat inatsiseqartitaanerannik Kalaallit Nunaanni inatsisip il.il. atuutilersinneqarnera sioqqullugu meeqqanut aappariinnerup avataatigut inunngorsimasunut ataataassutsimik aalajangersaaneq) Kalaallit Nunaanni meeqqat inatsiseqartitaanerannik inatsimmi § 6, imm. 2 atorunnaarsinneneqarpoq, kisianni meeqqamut akilersuutinik akilersuisussaatitaanermi akiliisarneq pillugu aalajangersakkat atorunnaarsinneqanngillat.

Tamanna averuserneq imaluunniit avinnejq pillugu eqqartuussinermi pippat imaluunniit inooqatiginnerup atorunnaarsinneqarneranni kina angajooqqaatut akisussasaussanersoq pillugu aalajangiinermut atatillugu, Kalaallit Nunaanni eqqartuussisarnermik inatsimmi § 279 malillugu meeqqamut akilersuut eqqartuussivimmit aalajangerneqassaaq. Pisuni allani meeqqamut akilersuut najukkami eqqartuussisumit aalajangerneqassaaq. Akilersuutiginik pisinnaatitaasumit akilersuisussaatitaasumilluunniit qinnutiginninnikkut najukkami eqqartuussisup qaqugukkulluunniit akilersuut allannngortissinnaavaat.

Averuserneq aamma avinnejq eqqartuussutikkut imaluunniit akuersissuteqarnikkut tunniunneqassasooq, Kalaallit Nunaanni Aappariilerneq aappariikkunnaarnerlu pillugit inatsimmi, kunngip peqqussutaatigut nr. 307-imi 14. maj 1993-imeersukkut atuulersinneqartumi (aappariinneq pillugu peqqussummi), § 34, imm. 1-p malitsigaa. Aappariit akuersissuteqarnikkut averusernissamik imaluunniit avinnissamik kissaateqarneq isumaqtigisiutigippassuk aamma ilaatigut meeqqanut akilersuutit pillugit isumaqtigipiippata, imm. 2 malillugu akuersissut taamaallaat nalunaarutigineqarsinnaavoq. Meeqqanut akilersuussutit annertussusissaat pillugit apeqqutit, Naalagaaffiup Sinniisuanit aalajangerneqarnissaat aappariit innersuussutigisinnavaat.

Taamaalilluni meeqqanut akilersuutit pillugit suliat aalajangerneqarnissaanut piginnaasaqarneq Naalagaaffiup Sinniisuanit najukkanilu eqqartuussivinnit avinnejqarpoq.

2.1.1.3. Meeqqat kingornussisussaatitaanikkut inissisimanerat

Meeqqat pillugit inatsit Kalaallit Nunaannut atuutilermetat, Kalaallit Nunaanni kingornussisussaatitaaneq Kalaallit Nunaanni kingornussisarnermik inatsimmit nr. 190-imi, 7. juni 1958-imeersumit, Kalaallit Nunaanni kingornussisarnermik inatsimmit nr. 154-imi, 27. maj 1964-imeersumit taarserneqartumit, malittarisassiunneqarpoq.

Kingornussisarnermik inatsisinut taakkununnga ilassutitut, meeqqat kingornussisussaatitaanikkut inissisimanerat pillugu, Meeqqat pillugit inatsimmi kapitali 4-mi §§ 21 aamma 22 aalajangersakkanik imaqarpoq.

Inatsimmi § 21, imm. 1, malillugu meeraq angajoqqaami toquneranni pigisaannit siunissami meeqqanut akilersuutinik piumasaqaateqarsinnaanngilaq, kisianni angajoqqaaminit kingornussisinnaalluni. Angajoqqaaq toqukkut qimagaasoq, kingornussassat allannngortinnagit pigiinnarlugit toqoqqaartup meeraq najugaqtigippagu, angajoqqaaq qimagaasoq meeqqap pilorsorneqarnissaanut akilersuisussangortinneqarsinnaasoq, aalajangersakkap imm. 2-ani takuneqarsinnaavoq.

Inatsimmi § 22, imm. 1, oqaaseqatigiit siulliit malillugit angutip meeqqamut akilersuisussaatitaasup toqunermini pigisai, toqunermi pigisai akiliisinnaassuseqartillugit, siunissami meeqqanut akilersuutit matussuserneqanissaannut pisariaqartunik akilersiuussapput. Akilersuisussaatitaasumit meeraq kingornussisinnaappat, oqaaseqatigiit siulliit malillugit akilersuinissamik piumasaqaat, meeqqap kingornussaanit ilanngaqtigineqassasoq aalajangersakkami oqaaseqatigiit aappaata malitsigaa. Akilersuisussaatitaasoq toqusimappat uillarnermik imaluunniit qitorananik kingornussisinnaasunik qimataqarluni, oqaaseqatigiit siulliit malillugit, toqusoq meeqqamut ataataasutut isigineqarsimagaluarpat, meeqqap kingornutassalaruunit aningaasat amerlanerussanngitsut, aalajangersakkami oqaaseqatigiit pingajuata kinguneraa. Akilersuisussaatitaasoq uillarnermik qimataqarpat, uillarneratalu kingornussassat allannngortinnagit pigiinnarpagit, inatsimmi § 21, imm. 2 assigisaanik atutissasoq, aalajangersakkami imm. 2-p malitsigaa. Inatsimmi § 22, imm. 3 malillugu, toqusoq meeqqamut akilersuisussaatitaasoq eqqartuussiviup ilisimaleruniuk, pisassarisat atuutsinneqarnissaat isumagisassaraa.

Inatsimmi § 22 malillugu angut akilersuisussaatitaasoq angutaavoq meeqqamat ataataasutut isigineqarsinnaasimanngitsoq, kisianni inatsimmi § 6, imm. 2 malillugu meeqqamat akilersuisussasutut isigineqartoq. Akililersuisussaaneq pillugu eqqartuussut, kingornussusisussaatitaanermik kinguneqangnilaq. Meeqqat inatsiseqartitaanerannik Kalaallit Nunaanni inatsisip aamma kingornussisarnermik Kalaallit Nunaanni inatsisip allanngortinneqarnerat pillugu inatsisikkut nr. 483-ikkut, 21. maj 2014-imeersukkut (Meeqqat inatsiseqartitaanerannik Kalaallit Nunaanni inatsisip il.il. atuutilersinneqarnera sioqullugu meeqqanut aappariinnerup avataatigut inunngorsimasunut ataataassutsimik aalajangersaaneq) § 6, imm. 2 atorunnaarsinneqarpoq.

Kingornussisarnermik aamma toqusut pigisaasa agguarnerat pillugu inatsisit Kalaallit Nunaanni atuutilersinneqarnerannik peqqussutissatut missingiut Inatsisartut 2022-imi upernaakkut ataatsimiinnerminni akuersissutigimmassuk maluginiarneqassaaq. Peqqussutit taakku atuutilerpata, kingornussisarnermik-aamma toqusut pigisaasa agguarnerat pillugu inatsiseqartitsinermut atatillugu Kalaallit Nunaata Danmarkillu akornanni inatsisitigut ataatsimoorussisoqalissaqaq.

2.1.2. Isumaginninnermut- Utoqqarnullu Ministereqarfíup isumaliutersuutai aamma aaqqissuussineq siunnersuutiginerqartoq

Meeqqat pillugit Kalaallit Nunaannut inatsit atorunnaarsinneqassasoq siunnersuutigineqarpoq.

Inatsimmi kapitali 1-imi ataataassuseq pillugu aalajangersakkanut atatillugu, inatsimmik nalunaarut nr. 772, 7. august 2019-imeersoq malillugu, meeqqat pillugit Kalaallit Nunaannut inatsisip atorunnaarsinneqarnissaata atuutilersinneqarnissaatut siunnersuutigineqartoq kinguartinneqarpoq, taannami ataataassuseq pillugu malittarisassanik imaqarmat. Meeqqanut akilersuutit pillugit malittarisassanut atatillugu meeqqat pillugit Kalaallit Nunaannut inatsimmi kapitali 2-mi aamma 3-mi, inatsimmik nalunaarut nr. 773, 7. august 2019-imeersoq (Meeqqanut akilersuutit pillugit inatsit) malillugu, meeqqat pilorsorneqarnissaannut Kalaallit Nunaannut inatsisip atorunnaarsinneqarnissaata atuutilersinneqarnissaatut siunnersuutigineqartoq kinguartinneqarpoq, taannami meeqqanut akilersuutit pillugit malittarisassanik imaqarpoq.

Tamatuma peqatigisaanik, meeqqanut akilersuutit pillugit inatsisip atuutilersinneqarnera pissutigalugu, aapparilertarneq pillugu peqqusummi §§ 42-imi aamma 45-imi malittarisassat atorunnaarsinneqarnissaat, peqqusummi § 34, imm. 2-p allanngortinneqarnissaa, aamma eqqartuussiviit meeqqanut akilersuutinik suliaqartari pillugit Kalaallit Nunaanni eqqartuussisarnermik inatsimmi § 279 atorunnaarsinneqassasoq siunnersuutigineqarpoq.

Inatsisissatut siunnersuummi §§ 1 aamma 2 aamma § 4, nr. 3, aamma taakkununnga oqaaseqaatit kiisalu meeqqat pillugit inatsisip aamma meeqqanut akilersuutit pillugit inatsisip kunngip peqqutaasigut atuutilersinneqarnissaannut missingiutit (taama tullerillutik meeqqat pillugit inatsimmut peqqussut aamma meeqqanut akilersuutit pillugit peqqussut), taakkununngalu atasut eqikkaanerit, inatsisissatut siunnersummut matunnga ilaattillugit Inatsisartunut saqqummiunneqartussat innersuussutigineqarput.

Aammattaaq meeqqat pillugit Kalaallit Nunaannut inatsimmi kingornussisussaatitaaneq pillugu malittarisassat §§ 21-imi aamma 22-imiittut atorunnaarsinneqarnissaat siunnersuutigineqarpoq. Taama siunnersuuteqarnermut tulliuttut pissutaapput:

- § 21, imm. 1, meeqqap angajoqqaami toqukkut qimاغunneranni pigisaanit meeqqanut akilersuutinik piumasaqaammik nalunaarutginninera meeqqanut akilersuutit pillugit inatsimmut, Kalaallit Nunaannut atuutilersussatut siunnersuutigineqartutut, inatsisitigut inissisimanermut naapertuuppoq, taamaammat aalajangersagaq pisariaqarnavianiŋilaq. Meeqqanut akilersuutit pillugit peqqusummi § 14, imm. 4, oqaaseqatigiit aappaat innersuussutigineqarpoq, tamatuma kingorna piffissap akilersuiffiusussatut pineqartup ilaannaanilliunniit akilersuisussaajunnaarsitaaneq meeqqap toqunerata kingunerissanngila.
- § 21, imm. 2, apparisaasup toqukkut qimagaasup kingornussassanik allanngortinnagit piginniinnartup toqoqqaartup meeraanut akilersuisussaatitaanissaanut periarfissat Danmarkimut kingornussisussatitaaneq- akilersuisussaatitaanerlu pillugit inatsisini

- nassaareqqinneqarsinnaanngillat. Kingornussisarneq aamma meeqqat pilorsorneqarnissaat pillugit inatsiseqartitsineq pillugu Kalaallit Nunaata Danmarkillu akornanni inatsisitigut ataatsimoorussisoqarnissaa eqqarsaatigalugu, aalajangersakkat ingerlateeqqinneqartariaqanngillat.
- Meeqqamut angutip akilersuisussaatitaanissaanik pisussaafiliinissamik periarfissap atorunnaarsinnejnarerata malitsigisaanik, meeqqat pillugit Kalaallit Nunaannut inatsimmi § 22-p ingerlateeqqinneqarnissaa pisariaaruppoq.

Inatsisissatut siunnersummi § 1 aamma tassunga oqaaseqatit innersuussutigineqarput.

Inatsisinut taakkununnga pingasuusunut tamanut atatillugu, aammattaaq ikaarsaariarnermi malittarisassat inatsisissatut siunnersummi § 5 tassungalu oqaaseqatit innersuussutigineqarput.

Ataataassuseq pillugu meeqqat pillugit Kalaallit Nunaannut inatsimmut naleqqiullugu, meeqqat pillugit inatsimmut peqqussummi ingammik allannguutit sisamat, tulliuttuni allaaserineqartut imaritinneqassapput:

Siullertut ataataassuseq angajoqqaat aappariinnerat tunngavigalugu nalunaarsorneqassaaq. Angajoqqaat appaariinngippata, ataatsimoorlutik meeqqap isumassorneqarnissaa aamma akisussaaffiginissaa pillugu, angajoqqaat allakkatigut nalunaaruteqarnerisigut, ataataassuseq nalunaarsorneqassaaq. Meeqqap inuuusimaneranut atatillugu nalunaarsuinermi, palasimit atuagarsuarmi inuuusut, kuisittut, katittut, toqusut il.il. allataavianni allattuusumit nalunaarsuineq suliarineqassaaq.

Aappaattut ataattassarsiunermik suliat pillugit Naalagaaffiup Sinniisaa suliarinninnissamik piginnaanilerneqassaaq, matumani inatsisitigut inuttut sananeqaatit pillugit misissuinerit aallartinneqarnissaat ilanngullugit. Taamaattoq tamanna ataataassutsip nalunaarsorneqarneranik suliani, palasimit atuagarsuarmi inuuusut, kuisittut, katittut, toqusut il.il. allataavianni allattuusumit nalunaarsorneqartussani, kiisalu ataataassuseq pillugu isumaqtigiiingittoqartillugu suliani, aamma suli eqqartuussivinnit aalajangeqqaarneqartussani, tamanna atuutissanngilaq. Ataattassarsiunermik suliaq Naalagaaffiup Sinniisaata kisimi eqqartuussivimmut saqqummiussinnaavaa.

Pingajuattut meeqqap aappariinnerup iluani avataanilunniit inuuusimanera apeqqutaatinnagu, ataattassarsiuninerup suliareqqitassanngortinnejnarnera pillugu malittarisassat assigiilissapput. Ataattassarsiuneq pillugu suliareqqitassanngortitsinissamut piffissaliussaq, immikkut ittumik pisoqartinnagu, meeqqap inunngorneranit ukiut pingasunngornerannut aalajangerneqarpoq. Ataattassarsiunermik suliap suliareqqitassanngortinnejnqarnissaa pillugu aalajangiinermi, angajoqqaat meeraq ataatsimoorlutik meeqqamissut isigineraat ilaatigut pingartinneqassaaq.

Sisamaattut anaanaaqataassuseq pillugu malittarisassanik atulersitsisoqassaaq, tamatumuna arnat arluk ataatsimoorlutik meerartaarniarlutik isumaqtigiiissinnaallutik, taamaalluni meeqqamik inunngortitsisuunngitsoq meeqqamut anaanaaqataalissalluni. Anaanaaqataassuseq ataataassusertut inatsisitigut kinguneqassaaq.

Meeqqanut akilersuutit pillugit malittarisassanut tunngatillugu, meeqqat pillugit Kalaallit Nunaannut inatsimmi aamma aappariinneq pillugu peqqussummi, meeqqanut akilersuutit pillugit peqqussutip pingarnertut, meeqqamut pitsaanerusussat eqqarsaatigalugu aamma angajoqqaat aningaasatigut inissisimanerat eqqarsaatiginagit meeqqanut akilersuinissaq pillugu isumaqtigiiissut akuersissutigineqartarunnaarnissaat, kisianni isumaqtigiiissut akisualaartutut nalilernejnqarpat, pissutsit pingarutilimmik allangorsimappata, imaluunniit isumaqtigiiissutip meeqqamut pitsaanerusussanut akerliuppat, isumaqtigiiissutit atorunnaarsinnejnqarsinnaanerat kingunerissavaa, aamma meeqqanut akilersuutit pillugit suliat siunissami Naalagaaffiup Sinniisuanit taamaallaat suliarineqartalertussaanerat aammattaaq maluginiarneqassaaq.

2.2. Kalaallit Nunaanni eqqartuussisarnermik inatsimmi ataattassarsiunermik suliarinnittarneq pillugu malittarisassat

2.2.1. Inatsisit atuuttut

Ataataassarsiuineq pillugu suliat suliarineqartarnerat aamma meeqqanut akilersuutit aalajangersarneqarnerat pillugit malittarisassanik Kalaallit Nunaanni eqqartuussisarnermi inatsimmi kapitali 26 imaqarpoq.

Inatsimmi § 272 malillugu naalagaaffimmi maani ataatassarsiuinermik suliat ima pisoqartillugu suliassannngortinnejarsinnaapput:

- 1) Unnerluutigisaq maani najugaqarpat, imaluunniit unnerluutigisap toqunermini pigisai pillugit maani suliariinnitoqarpat imaluunniit maani suliariinnitoqarsimappat.
- 2) Anaanaasoq imaluunniit meeraq maani najugaqarpat.

Aalajangersakkami imm. 2 malillugu, naalagaaffimmik allamik isumaqatigiissuteqarnikkut tamanna avaqqunnejarsinnaavoq. Kisianni taamaattumik isumaqatigigiissusioroqarsimangilaq.

Inatsimmi § 273, imm. 1, malillugu, suliaq anaanaasup najugaani eqqartuussisoqarfimmi suliassannngortinnejassaaq. Anaanaasoq naalagaaffimmi maani najugaqanngippat, taamaammallu maani eqqartuussisoqarfimmut suliassannngortitsisoqarsinnaanngippat, aalajangersakkami imm. 2 malillugu unnerluutigisap najugaani suliaq suliassannngortinnejassaaq. Najukkami eqqartuussik suliassannngortitsiviusinnaasoq sumiinnersoq uppernarsarnejarsinnaanngippat, aalajangersakkami imm. 3 malillugu meeqqap najugaani eqqartuussivimmi suliaq suliassannngortinnejassaaq imaluunniit inatsiseqarnermut ministerip aalajangereratigut eqqartuussivimmi allami suliassannngortinnejassalluni. Peqataasut suli nassuaasimatinnagit, peqataasup aappaata eqqartuussisoqarfik qimappagu, aalajangersakkami imm. 4 malillugu suliaq eqqartuussivimmi tassani suliassanngorlugu innersunnejarsinnaavoq, taassanimi eqqartuussisoqarfik eqqortuussammat. Aammattaq Nunatsinni Eqqartuussivimmi eqqartuussisup, suliap suliarineqarnissaanut tamanna piuminarnerulersitsissappat imaluunniit pilertornerulersitsissappat, suliap eqqartuussivimmi allami suliarineqarnissaa innersuussutigisinnaavaa.

Ataataassusermik akuersineq inatsimmi § 274 malillugu, nammieq politiinut takkunnikkut tunniunnejartussamik allakkatigut nalunaaruteqarnikkut, imaluunniit najukkami eqqartuussisumut nammieq takkulluni oqaatiginninnikkut pisinnaavoq. Pisuni taakkunani marlunni akuersineq najukkami eqqartuussisup eqqartuussisut allattaavianut allassavaa. Pisuni allanni suliaq suliatut eqqartuussisutigoortutut nalinginnaasutut suliarineqassaaq.

§ 275 malillugu najukkami eqqartuussisoq suliami sassaqqusissummik suliaqassaaq, eqqartuussinerup qaqqugu pinissaa sumiinnsaalu aalajangissallugit aamma sassaqqusissutsip meeqqamut ataataasinnaasumut imaluunniit ataataasinnaasunut nalunaarutigineqarnissa isumagissallugu. Pineqartoq eqqartuussivimmit qaaqquneqarluni takkussimappat, sassaqqusissuteqarnissaq pinngitsoortinnejarsinnaavoq. Immikkut ittumik pissuteqartillugu, anaanaasumut unnerluussaasumulluunniit eqqartuussinermi peqataasussamik fuldmaægtigimik eqqartuussivik ivertsisinnaavoq.

Peqataasut ilisimannittullu inatsimmi § 276 malillugu takkuttussaatitaapput suliamullu immikkoortunut pingaaruteqartunut tamanut oqaaseqartussaatitaallutik. Ilisimannittunut pinngitsaaliissutit pillugit malittariassat taamatuttaaq atuupput. Aamattaq eqqartuussiviup naliliinera malillugu suliap paasisutissanik imaqartinnejarsinnaanut pingaaruteqarpat, peqataasut misissuiffigineqarnissaminnut pisussaatitaapput.

Inatsimmi § 277 malillugu ataatassarsiuinermik suliat eqqartuussisutigoortut matoqqasumik eqqartuussutigineqassapput.

Peqataasut ilaanni ataatsip paasisutissat eqqunngitsut tunngavigalugit eqqartuussisoqarsimanera ilimanarnerulersippagu, aamma paasisutissat nutaat aalajangiinermik allanngortitsisinnappata, inatsimmi § 278 malillugu suliap nutaamik suliarineqarnissa pillugu eqqartuussivik, kingulliulluni eqqartuussisummit eqqartuussimasoq, suliamik suliareqqitassanngortitsisinnavoq. Inummut ataataassusermik akuersisimasumut malittarisassaaq taanna taamatuttaaq atuuppoq. Ataataasumit imaluunniit akilersuisussaatitaasumit suliareqqitassanngortitsisinnamik qinnuteqaat, pineqartup qinnuteqaammi pissutsinik tunngavilersuutigisaminik ilisimasaqalernerata kingorna kingusinnerpaamik ukiup 1-p

qaangiunnerani saqqummiunneqassaaq, aamma kingusinnerpaamik meeqqap inooreernerata kingorna ukiut 5 qaangiutsinnagit pissalluni. Immikkut ittumik pissutsit pissutissaqartippassuk, aamma suliap nutaamik suliarineqarnerata meeqqamut pingaarutilimmik ajoquatasutut kinguneqannginnissaa ilimagineqarsinnaappat, Nunatta Eqqartuussisuuneqarfiani nunap eqqartuussisuunerata piffissaliussat siuliini taaneqareersut naareerneranni aalajangiinermik naammagittaalliuutigineqarsinnaanngikkaluamik naammagittaalliuutteqarneq imaluunniit suliassanngortitseqqinnej akuerisinnaavaa.

2.2.2. Aaqqissuussineq siunnersuutigineqartoq pillugu Isumaginninnermut- utoqqarnullu ministereqarfíup isumaliutiginninera

Meeqqat pillugit Kalaallit Nunaanut inatsisip atuutilersinneqarnerani, inatsimmik nalunaarut nr. 1284, 14. november 2018-imeersoq malillugu, taamaattoq Kalaallit Nunaanni pissutsit pissutigalugit allannguutaqarluni, qallunaat eqqartuussisarnermik inatsisaanni § 42 a-mi malittarisassat assigalugit, ataataassuseq anaanaaqataassuserlu pillugit eqqartuussiviit sulianik suliarinnitarnerat pillugit Kalaallit Nunaanni eqqartuussisarnermik inatsimmi kapitali 26-im i malittarisassat ilusilersorneqartariaqarput.

Kalaallit Nunaanni eqqartuussisarnermik inatsimmi kapitali 26, inatsimmik nalunaarut nr. 1284, 14. november 2018-imeersoq malillugu, qallunaat eqqartuussisarnermik inatsisaanni § 42 a-mi malittarisassat assigisai naapertorlugit ilusilersorneqassasoq, aamma Kalaallit Nunaanni eqqartuussiviit aamma anaanaaqataassutsimik sulianik suliarittartussanngornerisa malitsigisaanik, Kalaallit Nunaanni eqqartuussisarnermik inatsit allangortinneqassasoq, tamakku tunngavigalugit siunnersuutigineqarpoq.

Siunnersuutip erseqqinnerusumik allaaserineqarneranut inatsisissatut siunnersuummi § 4, nr. 1-3 aamma 6, taakkununngalu oqaaseqaatit innersuussutigineqarput.

3. Pisortanut aningaasaqarnikkut aamma atortuulersitsinermi sunniutaasussat

Ataatassarsiuinermik- aamma meeqqanut akilersuutit pillugit suliat amerlasuut Kalaallit Nunaanni eqqartuussivinniit Naalagaaffiup Sinniisoqarfianut nuunneqarnissaat, inatsisissatut siunnersuutip meeqqat pillugit inatsimmut peqqussut aamma meqqanut akilersuutit pillugit peqqussut peqatigalugit, kingunerissavaat. [Qallunaat oqartussaasuinut aningaasaqarnikkut sunniutissat erseqqissaavagineqaleruttorput].

Tamatuma saniatigut ataataassutsip nalunaarsorneqarnera, meeqqap inuusimaneranut atatillugu nalunaarsuinermi, palasimit atuagarsuarmi inuusut, kuisittut, katittut, toqusut il.il. allataavianni allattuisumit, nalunaarsuineq suliarineqassasoq meqqat pillugit inatsisip atuutilersinneqarnerata Kingunerissavaa. Taamaattoq atuutilersitsinerup Kalaallit Nunaanni oqartussaasunut aningaasaqarnikkut kingunissat annikitsuaraanerannut killiliussat qaangissanngikkaat nalilerneqarpoq.

Inatsisissatut siunnersuut aamma peqqussutit tassunga attuumassuteqartut, taamaallaat aaqqissuussinerit pioeresut aaqqinneqarnerannik imaqarmat, atortuulersitsineq eqqartuussivinnut pingaarutilinnik kinguneqarnaviangilaq, aamma meeqqanut akilersuutit pillugit inatsisip atuutilersinneqarnera atortuulersitsinermi pingaarutilimmik Naalagaaffiup Sinniisuanut kinguneqarnaviangilaq. Kisianni meeqqat pillugit inatsisip atuutilersinneqarnera Naalagaaffiup Sinniisuanut palasinullu atuagarsuarmi inuusut, kuisittut, katittut, toqusut il.il. allataaviannut allattuisunut atortuulersitsineq sunniuteqassaaq.

Inatsisiliornernut digitalinngortitsinissamut piareersimasunut tunngaviinnut atatillugu, inatsisissatut siunnersuutip erseqqissunik paasiuminartunillu malittarisassaqarnissamik tunngavik naammassissavaa, kisianni allanit suneqarani pissusissamisut imminik ingerlaannartumik suliamik suliannittarnissamik tunngavik inatsisissatut siunnersuutip naammassisanngila. Tamanna eqqartuussiviit sulianik ataasiakkaanik ataasiakkaarinillutik suliarinninnissaasa pisariaqartinneqarneranik pissuteqarpoq, taamaattoqarnerata sulianut tunngasumik nalilersuisoqarnissaa kinguneraa, taamaammallu aalajangiinermi tunngaviit kinaassusersiunngitsut tunngavigalugit sulianik suliarinnitoqarsinnaanngilaq. Inatsisiliornernut

digitalinngortitsinissamut piareersimasunut tunngaviit allat inatsisisstatut siunnersummut attuumassuteqanngillat.

4. Inuussutissarsiortunut il.il. aningaasaqarnikkut allaffissornikkullu sunniutaasussat
Inuussutissarsiortunut il.il. inatsisisstatut siunnersuut sunniuteqarnavianngilaq.

5. Allaffissornikkut innuttaasunut sunniutaasussat
Inatsisisstatut siunnersuut innuttaasunut allaffissornikkut sunniuteqarnavianngilaq.

6. Silap pissusaanut sunniutaasussat
Inatsisisstatut siunnersuut silap pissusaanut sunniuteqarnavianngilaq.

7. Avatangiisinut- pinngortitamullu sunniutaasussat
Inatsisisstatut siunnersuut avatangiisinut- pinngortitamullu sunniuteqarnavianngilaq.

8. EU-p eqqartuussivia pillugu
EU-mi inatsitigut isiginniffit pillugit inatsisisstatut siunnersuut imaqanngilaq.

9. Oqartussaasut suliniaqatigiiffillu il.il. tusarniaavigineqarsimasut.
Inatsisisstatut siunnersummut missingiut piffissami 5. april 2022-imiit ulloq 6. maj 2022 ilanngullugu tulliuttunut oqartussaasunut suliniaqatigiiffinnullu il.il. tusarniutigineqarpoq:

Advokatrådet, Advokatsamfonden, Amnesty International, Ankestyrelsen, Avannaata Kommunia, Barnets Tarv Nu, Kalaallit Nunaanni Bispekoppeqarfik, Børnerådet, Børnesagens Fællesråd, Kalaallit Nunaanni Meeqqaq Illersuisuat (MIO), Børns Vilkår, Dansk Kvindesamfund, Danske Advokater, Danske Arveretsadvokater, Danske Familieadvokater, Den Danske Dommerforening, Københavni Kalaallit Illuat, Odensimi Kalaallit Illuat, Aalborgimi Kalaallit Illuat, Århusimi Kalaallit Illuat, Digitaliseringsstyrelsen, Dommerfuldmægtigforeningen, Domstolenes Tjenestemandsforening, Domstolsstyrelsen, DJØF Advokat, Familiertshuset, Foreningen Far til Støtte for Børn og Forældre, Nunatta Eqqartuussisuuneqarfia, Kalaallit Nunaanni Politiet Peqatigiiffiat, Inuit Pisinnatitaaffii pillugit Siunnersuisoqatigiit, HK Landsklubben Danmarks Domstole, Institut for Menneskerettigheder, Kommune Kujalleq, Kommune Qeqertalik, Kommuneqarfik Sermersooq, Kredsdommerforeningen, Kvinderådet, Københavns Universitet (Det Juridiske Fakultet), Landsforeningen Børn og Samvær, LGBT+ Danmark, LGBT komiteen, Kalaallit Nunaanni Naligiisitaanermut Siunnersuisoqatigiit, Mødrehjælpen, Nunatsinni Advokatit, Kalaallit Nunaanni Politimesteri, Qeqqata Kommunia, Red Barnet, Retspolitisk Forening, Nunatsinni Eqqartuussivik, Kalaallit Nunaanni Naalagaaffiuip Sinnisoqarfia, Socialministeriet (Savalimmiuni), Syddansk Universitet (Juridisk Institut), (Kalaallit Nunaanni) Inuuusuttut Ilaqtariillu, Aalborg Universitet (Juridisk Institut) aamma Aarhus Universitet (Juridisk Institut).

Missingiut Meeqqanut, Inuuusuttunut Ilaqtariinnut Peqqissutsimullu Naalakkersuisoqarfimmik, kiisalu Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfimmik oqaloqatiginnissutigineqarsimavoq.

10. Eqikkaanermik immersugaq

	Sunniutit pitsaasut /aningaasartutikinneruneq (Aappiuppat, qanoq annertugineri allakkit/Naamiuppat, aallaguk »Soqanngilaq«)	Sunniutit ajortut /aningaasartuuteqarneruneq (Aappiuppat, qanoq annertugineri allakkit/Naamiuppat, aallaguk »Soqanngilaq«)
Aningaasaqarnikkut sunniutit aamma naalagaaffimmut, kommuninut nunallu immikkoortuinut atortuulersitsinnermi sunniutit	Soqanngilaq	[Erseqqissaavigineqaleruttorpoq]

Naalagaaffimmut, kommuninut nunallu immikkoortuinut allaffissornikkut sunniutit	Soqanngilaq	Soqanngilaq
Inuuussutissarsior tunut aningaasaqarnikkut sunniutit	Soqanngilaq	Soqanngilaq
Inuuussutissarsior tunut allaffissornikkut sunniutit	Soqanngilaq	Soqanngilaq
Innutasunut allaffissornikkut sunniutit	Soqanngilaq	Soqanngilaq
Silap pissusaanut sunniutit	Soqanngilaq	Soqanngilaq
Avatangiisiniut pinngortitamullu sunniutit	Soqanngilaq	Soqanngilaq
EU-mi eqqartuussivimmut atassuteqarneq	EU-mi inatsitigut isiginiffiit pillugit inatsisissatut siunnersuut imaqangnilaq.	
Inuuussutissarsiornermut sammititamik EU-p malittarisassiornerani tunngavinnut akerliuvoq / EU-p malittarisassiornerani minnerpaaffissatut piumasaqaatinik qaangiivoq (X-ileruk)	Aap	Naagga X

Inatsisissatut siunnersuummi aalajangersakkanut ataasiakkaanut oqaaseqaatit

§ 1-mut

Meeqqat pillugit Kalaallit Nunaannut inatsit ataataassuseq pillugu (kapitali 1), meeqqanut akilersuutit il.il. (kapitali 2 aamma 3) aamma meeqqat kingornussisussaatitaanikkut inissisimanerat (kapitali 4) pillugit malittarisassanik imaqarpoq. Aammattaaq inatsimmi kapitali 4 piginnaatitsinerit-, atuutilerfissa aamma ikaarsaariarneq pillugit malittarisassanik imaqarpoq. Inatsit atuuttoq pillugu erseqqinnerusumik allaaserinninneq pillugu nalinginnasumik oqaaseqatini imm. 2.1 innersuussutigineqarpoq.

Kalaallit Nunaanni Meeqqat inatsiseqartitaanerannik inatsisip atorunnaarsinnejarnissa siunnersuutigineqarpoq.

Meeqqat pillugit Kalaallit Nunaannut inatsisip atuutilersiffissaatut siunnersuutigineqartup, meeqqat pillugit Kalaallit Nunaannut inatsimmi kapitali 1-p atorunnaarsinnejarnissa pisariaqartilissagaa, aamma meeqqanut akilersuutit pillugit inatsisip Kalaallit Nunaannut atuutilersinnejarnissaanut siunnersuutip, meeqqat pillugit Kalaallit Nunaannut inatsimmi kapitali 2-p aamma 3-p atorunnaarsinnejarnissaat pisariaqartilissagaa, siunnersuummi tunngavilersuutigineqarpoq.

Meeqqat pillugit Kalaallit Nunaannut inatsimmi kapitali 4-mi §§ 21-p aamma 22-p atorunnaarsinnejarnissaannut pissutaavoq, siullertut § 21, imm. 1-imieeqqap angajoqqaami toqukkut qimاغunneratigut pigisaannit meeqqanut akilersuutinik piumasaqaammik nalunaarutiginninera, meeqqanut akilersuutit pillugit peqqussut malillugu meeqqap inatsitigut inissisimaneranut naapertuussaammat, taamaammallu aalajangersagaq pisariaaruttussaalluni. Meeqqanut akilersuutit pillugit inatsimmi § 14, imm. 4, oqaaseqatigiit aappaat innersuussutigineqarpoq, tamatumalu kingorna meeqqap toqunerani piffissami akilersuisussaaffimmik akilersuutip ilaaniq akilersuinnginnissaq kingunerissanngilaa. Aappaattut § 21, imm. 2-mi aapparisaasup toqukkut qimagaasup kingornussassanik allangortinnagat piginniinnartup toqoqqaartup meeraanut akilersuisussaatitaanissaanut periarfissat, Danmarkimut kingornussisussatitaaneq-akilersuisussaatitaanerlu pillugit inatsisini nassaareqqinnejarnissaanngillat, taamaammallu kingornussisarneq aamma meeqqat pilersorneqarnissaat pillugit inatsiseqartitsineq pillugu Kalaallit Nunaata Danmarkillu akornanni inatsisitigut ataatsimoorussisoqarnissa eqqarsaatigalugu, aalajangersakkat

ingerlateqqinnejartariaqanngillat. Pingajuattut meeqqamut angutip akiliusussaatitaanissaanik periarfissap atorunnaarsinneqarnerani, meeqqat pillugit Kalaallit Nunaannut inatsimmi § 22-p ingerlateqqinnejarnissaa pisariaaruppoq.

Aammattaaq nalinginnaasumik oqaaseqaatini imm. 2.1, kiisalu § 5-imi ikaarsaariarnermut aalajangersakkat taakkununngalu oqaaseqaatit innersuussutigineqarput.

§ 2-mut

Nr. 1-imut 2-mullu

Averuserneq avinnerlu eqqartuussinikkut imaluunniit akuersissuteqaranikkut tunniunneqartartoq, aappariinnej pillugu peqqussummi § 34, imm. 1-p malitsigaa. Aappariit averusernissamik imaluunniit avinnissamik kissaateqarneq isumaqatigiissutigippassuk aamma ilaatigut meeqqanut akilersuutit pillugit § 42-imi piumasaqaatit pillugit isumaqatigiippata, aalajangersakkami imm. 2 malillugu akuersissuteqarneq taamaallaat nalunaarutigineqarsinnaavoq. Peqqussummi § 42, imm. 2 malillugu meeqqanut akilersuussutit annertussusissaat pillugit apeqqutit, Naalagaaffiup Sinniisanit aalajangerneqarnissaat aappariit innersuussutigisinnaavaat.

Averusernermut avinnermulluunniit atatillugu, angajoqqaat meeqqaminntu pilersuisussaatitaanerisa taakku akornanni qanoq avinnejarnissaat pillugit aalajangersasoqassasoq, peqqussummi § 42, imm. 1-imi takuneqarsinnaavoq. Tamanna pillugu angajoqqaat isumaqatigiissuteqannngippata, najukkami eqqartuussivimmit aalajangiineq aalajangerneqassaaq, taamaattoq peqqussummi § 34, imm. 2 takuu. Apeqqulli aappariit najukkami eqqartuussisumit kingusinnerusukkut aalajangerneqarnissa innersuussutigisinnaavaat. Immi. 1 malillugu aalajangiinerit angajoqqaat aningaasaqarnikkut inissisimanerat, matumni inuussutissarsiorsinnaassusaat aamma allatigut inuunermanni atugaat eqqarsaatigalugit aalajangerneqassasut peqqussummi § 42, imm. 2-p malitsigaa.

Aappariinnej pillugu peqqussummi peqqussummi § 42-mi *§ 34, imm. 2, oqaaseqatigiinnut siullernut innersuussineq, peerneqassasoq, aamma peqqussummi § 42, imm. 2-mi peqqussummi § 34, imm. 2., oqaaseeqatigiit appaanut innersuussineq taamatuttaaq peerneqassasoq siunnersuutigineqarpoq.*

Kalaallit Nunaanni averusernermik- aamma avinnermik suliani meeqqanut akilersuutit pillugit isummertoqarnissaanik piumasaqaateqartoqarunnarnissaa allannguitissatut siunnersuutigineqartut kingunerissavaat.

Inatsisissatut siunnersuummi § 2, nr. 3 malillugu, aappariinnej pillugu peqqussumi § 42-p atorunnaarsinneqarnissaanut siunnersuummut atatillugu siunnersuut isigneqassaaq. Averusernermi avinnermilu meeqqanut akilersuutit pillugit isummertoqarnissaanik piumasaqaatip atorunnaarsinneqarnissa eqqarsaatigalugu, tamanna aamma Danmarkimi inatsisitigut inissisimanerummat maluginiarneqassaaq.

Uani aammattaaq nalinginnaasumik oqaaseqaatini imm. 2.1, tassungalu oqaaseqaatit innersuussutigineqarput.

Nr. 3-mut

Averusernermut imaluunniit avinnermut atatillugu, angajoqqaat meeqqaminntu pilersuisussaatitaanerat taakku akornanni qanoq avinnejassansoq pillugu aalajangiisoqassasoq, aappariinnej pillugu peqqussummi § 42, imm. 1-imi takuneqarsinnaavoq. Aparrit tamanna isumaqatigiissutiginngippassuk, aalajangiineq najukkami eqqartuussivimmit aalajangerneqassaaq, taamaattoq peqqussummi § 34, imm. 2 takuu. Apeqqulli aappariit najukkami eqqartuussisumit kingusinnerusukkut aalajangerneqarnissa innersuussutigisinnaavaat. Immi. 1 malillugu aalajangiinerit angajoqqaat aningaasaqarnikkut inissisimanerat, matumni inuussutissarsiorsinnaassusaat aamma allatigut inuunermanni atugaat eqqarsaatigalugit aalajangerneqassasut peqqussummi § 42, imm. 2-p malitsigaa.

Tamanna pillugu qinnuteqartoqartillugu, oqartussaasumit tamanna pillugu aalajangiisimasumit, meeqqanut akilersuutit pillugit aalajangiineq, peqqussummi § 45 malillugu allanngortinneqarsinnaavoq. Meeqqanut akilersuutit pillugit isumaqatigiissutit akisuallaartutut nalilerneqarpata, pissutsit pingaarutilimmik allanngorsimappata, imaluunniit isumaqatigiissutit meeqqamut pitsaanerusussanut akerliuppat, meeqqamut akilersuutit pillugit isumaqatigiissutit eqqartuussutikkut allanngortinneqarsinnaapput.

Aappariit pillugit peqqussummi *§§ 42 aamma 45* atorunnaarsinnejassasut siunnersuutigineqarpoq.

Meeqqanut akilersuutit pillugit sulianik suliarinnittarneq pillugu aalajangersakkanik aappariit pillugit peqqussut imaqrungaassasoq, siunnersuutip kingunerissavaa.

Meeqqanut akilersuusit pillugit inatsimmi, Kalaallit Nunaannut atuutilersinnejartussatut siunnersuutigineqartumi, meeqqanut akilersuutit aalajangersaavagineqartarnissaat allanngortinneqartarnissaallu pillugit tamakkiisumik malittarisassanik imaqtussaanaera siunnersuummut pissutaavoq, taamaattumik aalajangersakkat taakku marluk pineqartut attatiinnarneqarsinnaanngillat.

Uani aammattaaq nalinginnaasumik oqaaseqaatini imm. 2.1, tassungalu oqaaseqaatit innersuussutigineqarput.

§ 3-mut

Nr. 1-imut

Inatsit nr. 499, 6. juni 2007-imeersoq malillugu, angajoqqaat akisussaatitaanerat pillugu inatsisit Angajoqqaat akisussaatitaanerat pillugu inatsisip Kalaallit Nunaanni atuutilersinnejcarnera pillugu peqqussut nr. 680, 6. juni 2016-imeersoq aqqutigalugu Kalaallit Nunaanni atuutilersinnejarpooq. Angajoqqaat akisussaatitaanerat pillugu inatsimmi § 49 malillugu, inatsit Kalaallit Nunaannut atuutinngilaq, kisianni kunngip peqqussutaatigut tamakkiisumik ilaannakoortumilluunniit Kalaallit Nunannut, Kalaallit Nunaanni pissutsit immikkut ittut pissutigalugit allanngortitsinerit ilanngullugit, kunngip peqqussutaatigut tamakkiisumik ilaannakoortumilluunniit Kalaallit Nunaannut atortuulersinnejarsinnaapput.

Angajoqqaat akisussaatitaanerat pillugu inatsisip atuutilersinnejcarnerani, angajoqqaatut akisussusaasuuoneq pillugu aalajangersakkat marluk Kalaallit Nunaannut atuutilersinnejqanngillat. Siullertut § 6, imm. 2, nr. 2, angajoqqaat ilaatigut inatsimmi § 7, imm. 1 nr. 1 malillugu nalunaaruteqarsimatinnagut, taamaattoq § 7, imm. 2 takuuk, angajoqqaat averuseeqaneranni meeraq inunngorpat, anaanaasup angajoqqaatut akisussaatitaaneq ikisimiiluni tigummissagaa, taassumap kinguneraa. Aappaattut inatsimmi § 7, imm. 2 pineqarpoq, tamatuma kingorna aalajangersakkami imm. 1, nr. 1-imi angajoqqaatut katissimanngitsut, ataatsimoorlutik meeqqamut isumassuinissap akisussaaffeqarnissallu isumaginiarlugu nalunaarutaat, eqqartuussisarermik inatsimmi § 448 g-mi angajoqqaatut akisussaasuuoneq pillugu suliap nunami maani suliarineqarnissaanik piumasaqaatit naammassineqarsimatinnagut, ataatsimoorussamik angajoqqaatut akisussaatitaalernissaq kingunerissangila.

Ilaatigut meeqqat pillugit inatsimmi §§ 2 aamma 3 b malillugit, ataatsimoorlutik meeqqap isumassorneqarnissaa akisussaaffiginissaalu pillugit nalunaaruteqarsimagunik, angajoqqaat akisussaatitaanerat pillugu inatsimmi § 7, imm. 1 nr. 1 malillugu, angajoqqaat imminnut katissimanngitsut ataatsimoorussamik angajoqqaatut akisussaatitaasinnaapput. Arnamit katissimanngitsumit meeraq meerartaarineqarpat, angutip imaluunniit arnap, anaanaasoq peqatigalugu allakkatigut ataatsimoorlutik meeqqamut isumassuiniarlutik akisussaaniarlutilu nalunaaruteqarsimappata, angutit imaluunniit arnaq meeqqamut ataatatut anaanaaqataasutulluunniit isigineqassasut, meeqqat pillugit inatsimmi §§ 2-p aamma 3 b-p malitsigaa.

Angajoqqaat akisussaatitaanerat pillugu inatsimmi aalajangersagaq *§ 49, imm. 2-tut ilanngunnejassasq* siunnersuutigineqarpoq, tamatumalu kingorna §§ 6-p aamma 7-p ilai Kalaallit Nunaannut

atuutilersinneqarsimannitsut, kunngip peqqussutaatigut tamakkiisumik ilaannakoortumilluunniit Kalaallit Nunaannut atortuulersinneqarsinnaapput.

Angajoqqaat akisussaatitaanerat pillugu inatsimmi § 6, imm. 2, nr. 2-p aamma § 7, imm. 2-p, Kalaallit Nunaanni pissutsit pissutigalugit allanngortitsinerit ilangullugit, tamakkiisumik ilaannakoortumilluunniit Kalaallit Nunaannut atortuulersinneqarsinnaanerat siunnersuutip kingunerissavaa.

Meeqqat pillugit inatsisip Kalaallit Nunaannut atuutilersinneqarnissaanut, angajoqqaat akisussaatitaanerat pillugu inatsimmi § 6, imm. 2, nr. 2-p aamma § 7, imm. 2-p atuutilersinneqarnissaat pisariaqarpoq, aamma atuutilersitsinissamut periarfissaliissutip atorneqareersimanera pissutigalugu, aamma qallunaat inatsisaata kunngip peqqussutaatigut Kalaallit Nunaannut atuutilersinneqarnerani, periarfissaliissut taamaallaat ataasiaannarluni atorneqarsinnaanera pissutigalugu, aalajangersakkat taakku marluk Kalaallit Nunaannut atuutilersinneqarsinnaanginnerat siunnersummut tunngavilersuutaavoq. Aalajangersakkat taakku marluk Kalaallit Nunaannut atuutilersinneqarnissaannut periarfissaliissummik nutaamik taammaammatt pisariaqartitsisoqarpoq.

§ 4-mut

Nr. 1-imut aamma 2

Kalaallit Nunaanni eqqartuussisarnermik inatsimmi § 9, imm. 1, oqaaseqatigiit siullit nalillugit najukkani eqqartuussivinni aamma Kalaallit Nunaanni Eqqartuussivimmi allatsit ilaatigut ataatassarsiunermik suliassanik suliaqarsinnaanermik piginnaatinneqarput. Inatsimmi § 20, imm. 1 malillugu, najukkami eqqartuussisumut ikiortitut invertitsigallarneq Kalaallit Nunaanni Eqqartuussivimmi eqqartuussisumut nalunaarutigineqarsinnaavoq, aalajangersakkallu imm. 4, nr. 1-ia malillugu najukkami eqqartuussisunut ikiortit ilaatigut ataatassarsiunermik sulianik suliaqarsinnaangorlugit invertineqarsinnaapput.

Kalaallit Nunaanni eqqartuussiviit ataanni ilaatigut ataatassarsiunermik suliassat suliarineqartarnissaat inatsimmi § 54, nr. 5-p malitsigaa, aamma inatsimmi § 54, nr. 5 malillugu, § 55-ip malitsigisaanik najukkami eqqartuussiviit ilaatigut tassaapput ataatassarsiunerni siullermeerrifiusumik suliarinnifiusussat.

Kalaallit Nunaanni eqqartuussisaranermik inatsimmi *§ 9, imm. 1, oqaaseqatigiit siullerni, § 20, imm. 4-imi, nr. 1-imi, § 54, nr. 5-imi* aamma *§ 55-imi* ataatassarsiunermik suliat ataataassuseq anaanaaqataassuserlu pillugit sulianut allanngortinnejassasut siunnersuutigineqarpoq.

Aalajangersakkani taaneqartuni anaanaaqataassusermik suliat ilaalernissaat siunnersuutip kingunerissavaa.

Meeqqat pillugit inatsimmut peqqussut aqqutigalugu aamma anaanaaqataassuseq pillugu sulianik Kalaallit Nunaanni eqqartuussiviit suliaqartalersinnaanerat siunnersuutip malitsigaa.

Nr. 3-mut

Ataataassuseq pillugu suliat eqqartuussivinni suliarineqartarerat pillugu Kalaallit Nunaanni eqqartuussisarnermik inatsimmi kapitali 26 aalajangersakkaniq imaqlarpoq. Kapitali 26-imi imaritinnejartut erseqqinnerusumik allaaserineqarnerat pillugu nalinginnaasumik oqaaseqatini imm. 2.1. innersuussutigineqarpoq.

Imm. 2.1. malillugu meeqqat pillugit inatsisip Kalaallit Nunaannut atuuttussangortinnejarnissaatut siunnersuutigineqartup malitsigisaanik, Kalaallit Nunaanni eqqartuussisarnermik inatsimmi kapitali 26 allanngortittariaqarpoq, taamaalilluni eqqartuussiviit ataataassuseq aamma anaanaaqataassuseq pillugu suliarinnittarnerat pillugu kapitali malittarisassanik imaqlissalluni. Inatsimmik nalunaarut nr. 1284, 14. november 2018-imeersoq, inatsimmiilu nr. 227-imi 15. februar 2022-imi allanngortinnejarsimasoq malillugu, ataataassuseq anaanaaqataassuserlu pillugit eqqartuussiviit suliarinnittarnerat pillugu qallunaat

eqqartuussisarnermik inatsisaanni § 42 a-mi malittarisassat assigisai naapertorlugit, taamaattoq Kalaallit Nunaanni pissutsit pissutigalugit allanngortitsinerit ilanngullugit, malittarisassat taakku ilusilersorneqartariaqarput. §§ 272-imiit 279 ilanngullugu aalajangersagassatut siunnersuutigineqartut aamma aalajangersakkanut ataasiakkaanut oqaaseqaatit ataaniittut innersuussutigineqarput.

Inatsit nr. 460, 7. juni 2001-imeersoq malillugu meeqqat pillugit inatsit malillugu, qallunaat eqqartuussisarnermik inatsisaat inatsissilu allat allanngortinnejarnnerat pillugu inatsit nr. 461, 7. juni 2001-imeersukkut (Meeqqat pillugit inatsit il.il. malillugit allannguinerit), qallunaat eqqartuussisarnermik inatsisaanni kapitali 42 a nutaamik oqaasertalerneqarpoq. Eqqartuussisarnermik inatsimmi kapitali 42 a,

- Meeqqat pillugit inatsisip, qitornavissiartaarnermik inatsisip, eqqartuussisarnermik inatsisip aamma inatsisit assigiinnigitsut allat allanngortinnejarnnisaat pillugu Inatsit nr. 652, 12. juni 2013-imeersoq (Anaanaaqataassuseq il.il.)
- Katsorsaanermut, nappaatip suussusersiniarneranut ilisimatusarnermullu il.il. atortorissaarutit atorlugit mannimik kinguaassisitsisarnermut inatsimmik, timip ipiutaasartai pillugit inatsimmik, meeqqat pillugit inatsimmik, meeqqat pilersorneqartussaanerat pillugu inatsimmik aamma eqqartuussisarnermik inatsimmik allanngortitsinerit pillugit inatsit nr. 1313, 27. november 2013-imeersoq (Ikiorneqarluni kinguaassiornerup taaguutinngortinnejarnnera, manniit qanoq sivisutigisumik toqqorneqarsinnaanerat pillugit immikkut akuersissuteqarsinnaaneq, katsorsarneqarnissamut akuerseqqaartussaaneq kiisalu timip sananeqaataatut kingornuttakkatut ilusillit nappaatit il.il. pillugit ilungersunartumik kissaatigineqanngitsunillu pisut saniatigullu sunniutaasartut pillugit nalunaarutiginnittussaanermut akisissaatitaasut amerlineqarnerat.
- Qallunaat eqqartuussisarnermik inatsisaanni kapitali 42 a aamma angajoqqaat akisussaatitaanerat pillugit inatsisip, aappariilertarneq aappariikkunnaartarnerlu pillugit inatsisip inatsissilu allat inatsisikkut nr. 1711-kkut 27. december 2018-immersukkut allangortinnejarnnarp (Ilaqtariit inatsiseqartitaanerannut illu pillugu inatsit aamma angajoqqaat akisussaanerat pillugit inatsit malillugu suliani meeqqamik illersuinerup ukkatarineqarnerata sakkortusineqarnera). Ilaqtariit inatsiseqartitaanerannut illup pilersinneqarnera allannguutinik taakkuninnga kinguneqarpoq, taakkulu maannakkuugallartoq Kalaallit Nunaannut atuutilersinneqarnissaat siunnersuutigineqanngimmat, Kalaallit Nunaanni eqqartuussisarnermik inatsimmi kapitali 26-p nutaamik oqaasertalerneqarnerani, inatsisinut allannguutit taakkua eqqarsaatigineqarnissaat tunngavissaqanngilaq. Taamatuttaaq kapitali 42 a allanngortinnejarnnikuvvoq inatsit nr. 227, 15. februar 2022-imeersoq (Anaanaaqataassutsip nalunaarsorneqartarnerata eqaallisaavagineqarnera, transit angajoqqaassusaasa aalajangersarneqarnerat aamma transit atiminnik allanngortitsinnaanerat il.il.), malillugu, kisiannili taakku allannguutit suli Danmarkimi atuutilersinneqanngimmata, siunnersuutigineqarpoq massakkuugallartoq Kalaallit Nunaannut atuutilersinneqassanngitsut.

Eqqartuussassatut pasilligaasumut aggeqqusummik suliaqarnissaq pillugu Kalaallit Nunaanni eqqartuussisarnermik inatsimmi § 275, imm. 1, ingerlateqqinnejarnnigitoq siunnersuutigineqarmat maluginiarneqassaaq. Meeqqat pillugit inatsimmut peqqusummi § 15 malillugu, ataataassuseq aamma anaanaaqataassuseq pillugu suliat taamaallaat Naalagaaffiup Sinniusuanut tunniunnejarnnammata siunnersummut tassunga tunngaviuvoq. Folketingstidende 2000-01, ilassut A, qupperneq 90 malillugu eqqartuussisarnermik inatsimmi kapitali 42 a-mut oqaaseqaatini, suliaq pillugu eqqartuussassatut pasilligaasumut aggeqqusummik suliamik imaqartinninnagu suliaq nassiuunnejarnnasoq, kisianni suliaq eqqartuussivimmut suliassanngortinnejarnqartoq, aamma suliami upternarsaatit assilisaanngitsut piviusut ilanngunneqartut nalunaarutigineqassapput.

Aammattaaq aalajangiinernik suliareqqitassanngortitsinerit aamma ataataassutsimik akuersissuteqarnerit pillugit Kalaallit Nunaanni eqqartuussisarnermik inatsimmi § 278-ip ingerlateqqinnejarnnissaa siunnersuutigineqarpoq. Ataataassuseq anaanaaqataassuserlu pillugit suliat suliareqqitassanngortinnejarnnisaat pillugit aalajangersakkanik meeqqat pillugit inatsimmut peqqusummi kapitali 4 imaqartussaammat, siunnersummut tassunga pissutaavoq.

Naggataagut eqqartuussiviit meeqlanut akilersuutit pillugit sulianik suliarinnitarnerat pillugit Kalaallit Nunaanni eqqartuussisarnermik inatsimmi § 279-ip ingerlateqqinnejarnnginnissaa siunnersutigineqarpoq. Meeqlanut akilersuutit pillugit peqqussut malillugu meeqlanut akilersuutit pillugit suliat suliarineqartarnissaannut piginnaasaqarnerup Naalagaaffiup Sinniisuani inissinneqarnissaa siunnersuummut pissutaavoq.

Tulliuttuni qallunaat eqqartuussisarnermut inatsisaanni kapitali 42 a-mut (§§ 456 a-miit 456 o ilangullugu) innersuussusisoqartillugu, aalajangersakkat nalunaarummi nr. 1284, 14.november 2018-imeersumi taamaallutik oqaasertalerneqarsimasut innersuussutigineqarput. Taamaalilluni angajoqqaat akisussaatitaanerat pillugut inatsisip, aappariilertarneq aappariikkunnaartarnerlu pillugit inatsisip inatsisillu allat inatsisikkut tak. § 15 nr. 1711-kkut 27. december 2018-immersukkut allangortinnejarnnerat (Ilaqtariit inatsiseqartitaanerannut illu pillugu inatsit aamma angajoqqaat akisussaanerat pillugit inatsit malillugu suliani meeqlamik illersinerup ukkatarineqarnerata sakkortusineqarnera), aamma § 6 inatsimmi nr. 227-imi, 15. februar 2022-imeersumi (Anaanaaqataassutsip nalunaarsorneqartarnerata eqaallisaavigineqarnera, transit angajoqqaassusaasa aalajangersarneqarnerat aamma transit atiminnik allangortitsisinnaanerat il.il.), pingartinneqanngillat.

Tulliuttuni meeqlat pillugu inatsimmut innersuussisooqartillugu, inatsit, inatsimmik nalunaarummi nr. 1257-imi 7. november 2018-imeersumi oqaasertalerneqartoq, meeqlat pillugit inatsisip, atinut inatsisip aamma inatsisit allat allangortinnejarnnerat pillugu innersuussutigineqartarpoq. Taamaalilluni meeqlat pillugit inatsimmi § 6, nr. 1711 27.december 2018-imeersumi angajoqqaat akisussaatitaanerat pillugut inatsisip, aappariilertarneq aappariikkunnaartarnerlu pillugit inatsisip inatsisillu allat allangortinnejarnnerat (Ilaqtariit inatsiseqartitaanerannut illu pillugu inatsit aamma angajoqqaat akisussaanerat pillugit inatsit malillugu suliani meeqlamik illersinerup ukkatarineqarnerata sakkortusineqarnera), aamma § 1, inatsimmi inatsimmi nr. 227-imi, 15. februar 2022-imeersumi (Anaanaaqataassutsip nalunaarsorneqartarnerata eqaallisaavigineqarnera, transit angajoqqaassusaasa aalajangersarneqarnerat aamma transit atiminnik allangortitsisinnaanerat il.il.), pingartinneqanngillat.

Kalaallit Nunaanni eqqartuussisarnermik inatsimmi §§ 272-imiit 279 ilangullu aalajangersagassatut siunnersutigineqartuni meeqlat pillugit inatsimmut innersuussinerit, meeqlat pillugit inatsimmut Kalaallit Nunaannut atuutilersinneqartussatut siunnersutigineqartumut innersuussinerupput.

Aammattaaq nalinginnaasumik oqaaseqaatini imm. 2.1 aamma 2.2 innersuussutigineqarput.

Kapitali 26-imut taaguuummut

Kalaallit Nunaanni eqqartuussisarnermik inatsimmi kapitali 26 tulliuttumik taaguuteqarpoq: "Ataatassarsiuineq aamma meqlanut akilersuutissanik aalajangersasarneq pillugit suliassat".

Kalaallit Nunaanni eqqartuussisarnermik inatsimmi *kapitali 26-imut taagut* ima oqaasertalerneqassasoq siunnersutigineqarpoq: "Ataataassuseq anaanaassuserlu pillugit suliat".

Taaguutissatut siunnersuutigineqartup, inatsimmik nalunaarutip nr. 1284-ip, 14. november 2018-imeersup, qallunaat eqqartuussisarnermik inatsisaanni kapitali 42 a-mi taaguut assigilerpagu, ataataassuseq anaanaaqataassuserluunniit pillugit suliani kapitali 26-p atorneqarnissata aalajangerneqarnera siullertut siunnersuummut pissutaavoq. Meeqlat pillugit inatsimmut peqqussut malillugu meeqlanut akilersuutit pillugit suliani suliarinnineq Naalagaaffiup Sinniisaani inissinneqassamat, aappattut pissutaavoq, taamaalilluni eqqartuussiviit meeqlanut akilersuutit pillugit suliani suliarinnitarunnaassallutik.

§ 272-imut

Inatsimmik nalunaarut nr. 1284, 14. november 2018-imeersoq malillugu, qallunaat eqqartuussisarnermik inatsisaanni § 456 a malillugu, meeqlanut ataataassuseq anaanaaqataassuserlu suliat, inatsimmi kapitali 42 a-mi malittarissassat atorlugit suliarineqassapput, matumani suliani taamaattunik

suliareqqitassanngortitsinerit ilanngullugit. § 456 a-mi aalajangersakkap assinganik Kalaallit Nunaanni eqqartuussisarnermik inatsit imaqanngilaq.

Kalaallit Nunaanni eqqartuussisarnermik inatsimmi § 272-itut aalajangersakkamik ikkussisoqassasoq siunnersutigineqarpoq, tamatumalu kingorna meeqlanut ataataassuseq anaanaaqataassuserlu pillugit suliat kapitalimi matumani malittarisassat atorneqassapput, matumani sulianik taamaattunik suliareqqitassanngortitsinerit ilanngullugit. "Kapitalimi matumani" Kalaallit Nunaanni eqqartuussisarnermik inatsimmi kapitali 26 pineqarmat maluginiarneqassaaq.

Inatsimmik nalunaarut nr. 1284, 14. november 2018-imeersoq malillugu, qallunaat eqqartuussisarnermik inatsisaanni § 456-imik assingusussap aalajangersagassatut siunnersutigineqartup, ataataassusermik anaanaaqataassusermillu suliani kapitali 26-p atorneqarnissaa aalajangersassavaa. Taamaammat aalajangersagassatut siunnersutigineqartoq § 456 a-mut sulianut piareersaataasunut aamma tamanna pillugu eqqartuusseriaatsimut atuuttumut naapertuutumik nassuiardeqartussaassaq.

§ 273-imut

Kalaallit Nunaanni eqqartuussisarnermik inatsimmi § 272 ataataassuseq pillugu suliat suliarineqartarerannut nunat tamat akornanni piginnaatsinermik imaqarpoq. Oqaaseqaatini nalinginnaasuni imm. 2.1 innersuussutigineqarpoq.

Inatsimmik nalunaarut nr. 1284, 14. november 2018-imeersoq malillugu, qallunaat eqqartuussisarnermik inatsisaanni § 456 b, imm. 1 malillugu, ataataassuseq anaanaaqataanerluunniit pillugit suliaq nunami maani eqqartuussivimmut saqqumiunneqarsinnaavoq pisuni tulliuttuni:

- 1) Anaanaasoq imaluunniit meeraq maani najugaqarpat.
- 2) Inatsimmi § 456 e, imm. 1 nr. 3, malillugu inuk suliami peqataasoq maani najugaqarpat akunissimappalluunniit, imaluunniit inuup toqunermini pigisai maani suliarineqarpata suliarineqarsimappataluunniit.
- 3) Ataataassuseq anaanaaqataassuserluunniit meeqqat pillugit inatsimmi kapitali 1 imaluunniit 1 a malillugu nalunaarsorneqarsimappat, meeqqat pillugit inatsimmi §§ 14 aamma 19 malillugit akuersissutigineqarsimappat imaluunniit eqqartuussutikkut aalajangersarneqarsimappat.

Inatsimmik nalunaarut nr. 1284, 14. november 2018-imeersoq malillugu, qallunaat eqqartuussisarnermik inatsisaanni § 456 b, imm. 2 malillugu, inuk meeqqat pillugit inatsimmi § 6 imaluunniit § 6 a malillugu, qinnuteqarneq tunngavigalugu meeqlanut ataataanini imaluunniit anaanaaqataanini pillugu suliamik nunami maani eqqartuussivimmut saqqumiullugu misilitsisinhaatitaavoq, kisianni aatsaat anaanaasoq aamma meeraq maani najugaqarpata. § 456 b, imm. 3, malillugu, aalajangersakkap imm. 1-iani aamma 2-ani malittarisassat nunamik allamik isumaqatigiissuteqarnikkut avaqqunneqarsinnaapput.

Folketingstidende 2000-01 tapiliussaq A, qupperneq 89 malillugu, qallunaat eqqartuussisarnermik inatsisaanni § 456 b, imm. 3, nr. 3, pillugit oqaaseqaatit malillugit, ataataassuseq aamma anaanaaqataassuseq pillugu suliat, ataataassuseq imaluunniit anaanaaqataassuseq meeqqap inuuneranut atatillugu nalunaarsorneqarsimappat, imaluunniit meeqqat pillugit inatsimmi tamanna pillugu malittarisassat kapitali 1-imiittut imaluunniit 1 a imaluunniit §§ 14 aamma 19 malillugit akuerisaasimappat imaluunniit qallunaat eqqartuussiviannit eqqartuussutikkut eqqartuussutigineqarsimappat, ataataassuseq aamma anaanaassuseq pillugit suliat Danmarkimi suliarineqarsinnaapput. Assersutigalugu angut, meeqqat pillugit inatsimmi § 2 malillugu inooqatigisami meeraanut ataataasusut nalunaarsorneqarsimappat, meeqqat pillugit inatsimmi § 5 malillugu, naak nammieq, anaanaasoq meerarlu pisut akornanni Danmarki qimassimagaluarlugu meeqqap inunngorneranit qaammatit arfinillit iluanni ataataassuseq pillugu suliamik aallartitsisinhaassasoq tamatuma kinguneraa. Assigisaanik ataataassuseq pillugu, Danmarkimi nalunaarsuinikkut, akuersinikkut eqqartuussutikkulluunniit aalajangerneqarsimasumik suliareqqitassanngortitsineq, naak peqataasut piffissami suliareqqitassanngortitsinermi nunami allami najugaqarluarpatut, nunami maani eqqartuussivimmut saqqumiunneqarsinnaassaaq.

Aammattaaq suliani angutip meeqqat pillugit inatsimmi § 6 malillugu meeqqamut ataataanermi misilinnejarnissaanik pisinnaatitaataasup, pisinnaatitaanerminik atuiniarnerani, eqqartuussiviiit nunat tamat akornanni suliariinninnissamik piginnaasaqarnerat aalajangersakkap malittarisassiukkaa, § 456 b, imm. 2-mut oqaaseqaat malitsigaat. Suliani taamaattuni, aatsaat meeraq anaanaasorlu Danmarkimi najugaqarpata qallunaat eqqartuussivii suliariinninnissamik piginnaatitaapput. Angummit taamaattumit suliassanngortisinerit aalajangersakkami taamaallaat pineqarput. Taamaammat pisuni qallunaat eqqartuussivii ataataassuseq pillugu ingerlatsivoreersuni, taanna pingaaruteqannigilaq. Assersuutigalugu imaassinaavoq angut maani najugalik, nunami allamiup anaanaasup meeqqaminut ataataasoq nalunaarutigisimappagu, tamannalu tunngavigalugu ataataassuseq pillugu suliaq nunami maani suliassanngortinnejartoq.

Inatsimmik nalunaarut nr. 1284, 14. november 2018-imeersoq malillugu, qallunaat eqqartuussisarnermik inatsisaanni § 456 b, meeqqat pillugit inatsimmi § 15-imut atatillugu atuarneqassaaq, tamatumalu kingorna ataataassuseq anaanaaqataassuserlu pillugit suliat naalagaaffimmi ingerlatsivimmit eqqartuussivimmut saqqummiunneqarsinnaassallutik. Ataataassuseq anaanaaqataassuserlu pillugit nunat tamat akornanni suliariinninnissamik piginnaasaqarneq pillugu, meeqqat pillugit inatsit aalajangersakkanik imaqanngilaq, kisianni naalagaaffiup ingerlatsiviata ataataassuseq anaanaaqataassuserlu pillugit sulianik suliariinnittarnera pillugu nalunaarummi nr. 1861-imi, 23. december 2015-imeersumi § 20 malillugu, tamanna pillugu § 456 b-mi piumasaqaatit naammassineqarsimappata, naalagaaffiup ingerlatsiviata ataataassuseq anaanaaqataassuserluunniit pillugit suliat suliariinnaassavaat. Taamaammat suliap Danmarkimi suliarineqarsinnaaneranut, naalagaaffiup ingerlatsivianut saqqummiunneqarnerani pissutsit apeqqutaalluinnarnerat sulisaasiusimavoq. Aalajangersakkat taakku mallugit ataataassuseq anaanaaqataassuserlu pillugit naalagaaffiup ingerlatsivia suliamik suliariinnissinnaappat, aamma suliaq eqqartuussivimmut saqqummiunneqassappat, illoqarfimmi eqqartuussivik sorleq suliamik saqqummiussivissanersoq qallunaat eqqartuussisarnermik inatsisaanni § 456 c-p malitsigisimavaa. Kalaallit Nunaanni eqqartuussisarnermik inatsimmi § 273 a-tut siunnersuutigineqartumut oqaaseqaatit innersuussutigineqarput.

Inatsimmik nalunaarut nr. 1284, 14. november 2018-imeersoq malillugu qallunaat eqqartuussisarnermik inatsisaanni § 456 e, imm. 1, nr. 3 eqqarsaatigalugu, Kalaallit Nunaanni eqqartuussisarnermik inatsimmi § 274-itut siunnersuutigineqartumut oqaaseqaatit innersuussutigineqarput.

Inatsimmik nalunaarut nr. 1284, 14. november 2018-imeersoq malillugu qallunaat eqqartuussisarnermik inatsisaanni § 456 b, imm. 3-imi ilaatinneqartumik Danmarki isumaqatigiissusiorsimanngimmat maluginiarneqassaaq.

Meeraq arnamit katissimannngitsumit meerartaarineqarpat, angutip anaanaasullu meeqqamut isumassuiniarlutik akisussaaniarlutilu allakkatigut nalunaaruteqarpata, aamma ataataassutsip nalunaarsorneqarnera inuit allattorsimaffiannut allattuisup nalunaarsorpagu, angut ataataasusut isigineqassasoq, meeqqat pillugit inatsimmi § 2 malitsigaa. Aammattaaq ilaatigut inatsimmi § 2 malillugu ataataassuseq nalunaarsorneqarsimappat, meeqqap inuuneranit qaammatit 6 iluanni suliaq ilaatigut ataataasumit suliassanngortinnejarsinnaasoq, inatsimmi § 5-p malitsigaa.

Meeqqat pillugit inatsimmi § 6 malillugu, angutip, anaanaasup piffissami naartulerfiani, anaanaasumik kinguaassiutitigut atoqateqarsimasup, aallaaviatigut ataataanerluni misilitsissinnaavaa. Taamatuttaaq inatsimmi § 6 a malillugu, angut imaluunniit arnaq, anaanaasup kinguaassiornissaminut ikiorneqarnissaanut akuersissuteqarsimasoq, ataataassuseq anaanaaqataassuserluunniit pillugit suliamik aallartitsisinnaavoq.

Inatsimmik nalunaarut nr. 1284, 14. november 2018-imeersoq malillugu qallunaat eqqartuussisarnermik inatsisaanni § 456 b, imm. 1, 1 og 2. pkt. er skrevet med bogstaveroqaaseqatigiit siullerni aamma oqaaseqatigiit aappanni, aamma imm. 3-mi aalajangersakkat assigisaannik Kalaallit Nunaanni eqqartuussisarnermik inatsimmi § 272 aalajangersakkanik imaqarpoq, kisianni § 456 b-mi aalajangersakkat ilaasa assigisaannik Kalaallit Nunaanni eqqartuussisarnermik inatsit imaqanngilaq.

Kalaallit Nunaanni eqqartuussisarnermik inatsimmi § 273, *imm. 1*-tut aalajangersakkamik ilanngussisoqassasoq siunnersuutigineqarpoq, tamalumalu kingorna ataataassuseq imaluunniit anaanaaqataassuseq pillugu suliaq, ima pisoqartillugu Kalaallit Nunaanni najukkami eqqartuussivinnut saqqummiunneqarsinnaavoq, taamaattoq imm. 3 takuu:

- 1) Anaanaasoq meeraruunniit Kalaallit Nunaanni najugaqarpat.
- 2) Inuk, § 274, imm. 1, nr. 3 malillugu suliami peqataappat, Kalaallit Nunaanni najugaqarpat, imaluunniit inuup toqunermini pisatai pillugit Kalaallit Nunaanni suliariinnoqarpat suliariinnoqarsimappalluunniit.
- 3) Meeqat pillugit inatsimmi kapitali 1 imaluunniit 1 a malillugu ataataassuseq anaanaaqataassuserluunniit Kalaallit Nunaanni nalunaarsorneqarsimappat, meeqat pillugit inatsimmi §§ 14 aamma 19 malillugit akuersissutigineqarsimappat imaluunniit eqqartuussutikkut aalajangerneqarsimappat.

Kalaallit Nunaanni eqqartuussisarnermik inatsimmi § 273, *imm. 2* aqqutigalugu, aatsaat anaanaasoq meeraru Kalaallit Nunaanni najugaqarpata, pineqartup meeqqamut ataataanerluni imaluunniit anaanaaqataanerluni misiliisinnaasumit qinnuteqarnikut, meeqat pillugit inatsimmi § 6 imaluunniit § 6 a malillugu ataataassuseq anaanaaqataassuserlu taamaallaat Kalaallit Nunaanni najukkami eqqartuussivimmum saqqummiunneqarsinnaavoq, taamaattoq imm. 3 takuu. Naggataagut *imm. 3* aqqutigalugu, imm. 1-imi aamma 2-mi malittarisassat naalagaaffimmik allamik isumaqtigiissuteqarnikkut avaqqunneqarsinnaasut siunnersuutigineqarpoq.

Kalaallit Nunaanni eqqartuussiviit nunat tamat akornanni ataataassuseq anaanaaqataassuserlu pillugit sulianik suliariinissinnaanermut piginnaasaqarnerat aalajangersagassatut siunnersuutip aalajangersassavaa. Meeqat pillugit inatsimmut peqqussummi § 33 periarfissaliisutigalugu, Naalagaaffiup Sinniisuata ataataassuseq anaanaaqataassuserlu pillugit sulianik suliariinittarnissa pillugu nalunaarummik atulersitsisoqassaaq, taannalu tamanna pillugu Kalaallit Nunaannut eqqartussisarnermik inatsimmi § 273-imi piumasaqaatit naammassineqarsimappata, Naalagaaffiup Sinniisuata suliariinissinnaanera pillugu aalajangersakkamik imaqassaaq. Taasuma naalagaaffiup ingerlatsiviata ataataassuseq anaanaaqataassuserlu pillugit sulianik suliariinittarnera pillugu nalunaarummi nr. 1861-imi, 23. december 2015-imeersumi § 20 assigissavaa.

Meeqat pillugit inatsimmut peqqussummi kapitali 1 aamma 1 a, aamma meeqat pillugit inatsimmi §§ 2, 5, 6, 6 a, 14, 15 aamma 19, imarisamikkut allangortinneqaristik, Kalaallit Nunaannut atuutilersinneqassammata, aamma, § 273, imm. 3-tut aalajangersagassatut siunnersuutigineqartumut ilaasumik Kalaallit Nunaannut atatillugu isumaqtigiissusiortoqarsimanngimmat maluginiarneqassaaq.

Kalaallit Nunaanni eqqartuussisarnermik inatsimmi § 273-itut aalajangersagassatut siunnersuutigineqartoq, naleqqussaanerit ataasiakkaat naleqqussaatigalugit, inatsimmik nalunaarummi nr. 1284-imi, 14. november 2018-imeersumi qallunaat eqqartuussisarnermik inatsisaanni § 456 b assigissavaa, taamaammallu aalajangersakkamut tassunga suliamut piareersaataasut aamma tamanna pillugu eqqartuusseriaaseq atuttoq malillugit nassuiarneqarsinnaassalluni.

§ 273 a-mut

Kalaallit Nunaannut eqqartuussisarnermik inatsimmi § 273 ataataassuseq pillugu suliat, angerlarsimaffigisami eqqartuussivimmum suliassanngortitsisinnaaneq pillugu aalajangersakkanik imaqarpoq. Nalinginnaasumik oqaaseqaatini imm. 2.1 innersuussutigineqarpoq.

Inatsimmik nalunaarut nr. 1284, 14. november 2018-imeersoq malillugu qallunaat eqqartuussisarnermik inatsisaanni § 456 c malillugu, ataataassuseq anaanaaqataassuserluunniit pillugu suliaq, anaanaasup angerlarsimaffigisaani illoqarfimmi eqqartuussivimmum saqqummiunneqassaaq. Nunami maani angerlarsimaffigisami eqqartuussivimmum anaanaasoq saqqummiussisinnaanngippat, aalajangersakkami imm. 2 malillugu suliaq illoqarfimmi eqqartuussivimmum, inatsimmi § 456, imm. 1, nr. 3-p malitsigisaanik, inuup peqataasup najugaani eqqartuussivimmum suliassaq saqqummiunneqassaaq. Inatsimmi § 456 e, imm. 1, nr. 3-p malitsigisaanik suliap eqqartuussivmmut saqqummiunneqarnerani inuit arallit suliamti peqataappata, illoqarfimmi eqqartuussivik suliariinnermik piginnaasaqartoq sorleq sulimik saqqummiuffiussanersoq inatsiseqarnermut ministerip aalajangissavaa. Inatsimmi § 456 e, imm. 1 aamma 2

malillugit najukkami eqqartuussivik saqqummiussiviusussaq sumiinersoq upternarsarneqarsinnaannngippat, aalajangersakkami imm. 3 malillugu illoqarfimmi eqqartuussivimmii sorlermi suliap saqqummiunneqarnissaa inatsiseqarnermut ministerip aalajangissavaa. Suli nassuaasimatinnatik, peqataasut arlaata eqqartuussiveqarfik qimappagu, aalajangersakkami imm. 4 malillugu illoqarfimmi eqqartuussivimmii, maanna eqqortumik saqqummiussiviusussamik najukkami eqqartuussivinngortumi, suliarineqartussanngorlugu innersuussutigineqassaaq. Taamaaliornerup suliamik suliaminneq piuminarnerulersissagaa imaluunniit sukkanerulersissagaa naatsorsutigineqarpat, nunap eqqartuussisuuneqarfiani ullersap akuersissuteqarneratigut, nunap eqqartuussisuuneqarfiaa pineqartup illoqarfimmi eqqartuussivimmii allami suliarineqarnissaa innersuussutigisinnavaa.

Qallunaat eqqartuussisarnermik inatsisaanni § 456, imm. 1 aamma 2 eqqarsaatigalugit, Kalaallit Nunaanni eqqartuussisarnermik inatsimmi § 274-itut siunnersutigineqartumut oqaaseqaatit innersuussutigineqarput.

Inatsimmik nalunaarut nr. 1284, 14. november 2018-imeersoq malillugu qallunaat eqqartuussisarnermik inatsisaanni § 456 c-mi aalajangersakkat assinginik, Kalaallit Nunaanni eqqartuussisarnermik inatsimmi § 273 imaqpooq.

Kalaallit Nunaanni eqqartuussisarnermik inatsimmi § 273 a, imm. 1-imik taallugu aalajangersakkamik ilanngussisoqassasoq siunnersutigineqarpoq, tamatumalu kingorna, § 272 malillugu najukkami eqqartuussivimmuit, anaanaasup najukkami eqqartuussivimmii saqqummiussiffigisinnasaani, Naalagaaffiup Sinnisua suliamik saqqummiussissaq. Anaanaasoq Kalaallit Nunaanni najukkami eqqartuussivimmuit saqqummiussisinnaannngippat, § 274, imm. 1, nr. 3 malillugu suliamit peqataasup najukkami eqqartuussivimmii saqqummiussiffigisinnasaani, suliaq saqqummiunneqassaaq. Peqataasut arlaqarpata, najukkami eqqartuussivik sorleq suliamik saqqummiussiffigineqassanersoq Naalagaaffiup Sinnisuata aalajangissavaa. Peqataasut arlaannaalluunniit Kalaallit Nunaanni najukkami eqqartuussivimmuit saqqummiussisinnaatitaanngippata, najukkami eqqartuussivik sorleq, suliamik saqqummiussiffigineqassanersoq Naalagaaffiup Sinnisuata aalajangissavaa. Aammattaaq najukkami eqqartuussivik suliamik saqqummiussiffigineqarsimasoq, suliap tassani suliarineqarnissaa naleqqunnerpaappat, suliap najukkami eqqartuussivimmii allami suliarineqarnissaa innersuussutigisinnavaa. Kalaallit Nunaanni eqqartuussisarnermik inatsimmi § 273 a, imm. 2-ikkut siunnersutigineqarpoq.

Kalaallit nunaani najukkami eqqartuussivik sorleq Naalagaaffiup Sinnisuata ataatassutsimik anaanaaqataassutsimillu suliamik saqqummiussiffigisinnanera, aalajangersakkap siunnersutigineqartup aalajangersaavigissavaa. Aalajangersakkami naleqqussaanerit ataasiakkaat naleqqussaatigalugit, inatsimmik nalunaarummi nr. 1284-imi, 14. november 2018-imeersumi, qallunaat eqqartuussisarnermik inatsisaanni § 456 c assigissavaa, taamaammallu aalajangersakkamut tassunga suliamut piareersaataasut aamma tamanna pillugu eqqartuusseriaaseq atuttoq malillugit nassuarneqarsinnaassalluni.

§ 273 b-mut

Qaqugukkut ataataassuseq pillugu suliap eqqartuussivimmuit saqqummiunneqarsimasutut isigineqarsinnaanera pillugu, Kalaallit Nunaanni eqqartuussisarnermik inatsit aalajangersakkaniq imaqanngilaq. Nalinginnaasumik oqaaseqaatini imm. 2.1. innersuussutigineqarpoq.

Inatsimmik nalunaarut nr. 1284, 14. november 2018-imeersoq malillugu qallunaat eqqartuussisarnermik inatsisaanni § 456 d malillugu, eqqartuussiviup naalagaaffiup ingerlatsivianit ataataassuseq anaanaaqataassuserlu pillugit suliaq pillugu qinnuteqaammik eqqartuussiviup tigusineratigut, suliaq eqqartuussivimmuit saqqummiunneqartutut isigineqalissaaq.

Kalaallit Nunaanni eqqartuussisarnermik inatsimmi § 273 b-tut aalajangersakkamik ilanngussisoqassasoq siunnersutigineqarpoq, tamatumalu kingorna suliaq eqqartuussiviup Naalagaaffiup Sinnisuanit tiguppagu, suliaq najukkami eqqartuussivimmuit saqqummiunneqarsimasutut isigineqalissaaq.

Ataataassuseq anaanaaqataassuserlu pillugit suliat, eqqartuussiviup suliamik Naalagaaffiup Sinnisuanit tigusineranit, suliap najukkami eqqartuussivimmuit saqqummiunneqarneratut isigineqarnissaa,

aalajangersagassatut siunnersuutigineqartup aalajangersassavaa. Aalajangersakkami oqaatsitigut naleqqussaanerit naleqqussaatigalugit, inatsimmik nalunaarummi nr. 1284-imi, 14. november 2018-imeersumi, qallunaat eqqartuussisarnermik inatsisaanni § 456 d assigissavaa, taamaammallu aalajangersakkamut tassunga suliamut piareersaataasut aamma tamanna pillugu eqqartuusseriaaseq atuttoq malillugit nassuiarneqarsinnaassalluni.

§ 274-imut

Ataatassarsiinermi kikkut peqataasuunersut pillugit Kalaallit Nunaanni eqqartuussisarnermik inatsit aalajangersamik ataatsimilluunniit imaqanngilaq. Nalinginnaasumik oqaaseqaatini imm. 2.1 innersuussutigineqarpoq.

Inatsimmik nalunaarut nr. 1284, 14. november 2018-imeersoq malillugu qallunaat eqqartuussisarnermik inatsisaanni § 456 e malillugu, ataataassuseq anaanaaqataassuserlu pillugit suliani peqataasut tassaapput meeraq imaluunniit taassuma toqunermini pigisai (nr. 1), anaanaasoq, imaluunniit taassuma toqunermini pigisai (nr. 2), aamma inuk inuilluunniit imaluunniit toqusut pigisaat meeqqat pillugit inatsimmi § 17 malillugu eqqartuussivimmit ilanngunneqartussat (nr. 3).

Peqataasoq nammineersinnaassuseqanngippat, peqataasoq sinnerlugu angajoqqaatut akisussaatitaasoq suliami sassassasoq, § 456 e, imm. 2-p malitsigaa. Aammali angajoqqaatut akisussaatitaaneq eqqarsaatiginagu, peqataasut nammineerlutik sassarsinnaapput. Inatsimmik nalunaarut nr. 1122, 28. maj 2021-imeersoq malillugu angajoqqaatut akisussaatitaaneq pillugu inatsimmi §§ 47-miit 49 ilanngullugu malillugit peqataasumut immikkut ittumik angajoqqaatut akisussaasumik ivertitsisoqarnissaa eqqartuussiviup pisariaqartippagu, taanna eqqartuussivimmit ivertinneqarsinnaavoq.

§ 456 e, imm. 1-mut atatillugu, meeqqat pillugit inatsimmi § 17 malillugu, ataataassuseq anaanaaqataassuserlu pillugit suliami, meeqqat pillugit inatsimmi § 9-mi taaneqarsimasut angutit arnallu, aamma angutit arnallu paasissutissiisutigineqarsimasut malillugit meeqqamut, taama tulleriillutik, ataataasinnaasut anaanaaqataasinnaasulluunniit eqqartuussivimmit ilanngunneqassammata maluginiarneqassaaq. § 9 malillugu suliami peqataasut tassaapput meeraq imaluunniit taassuma toqunermini pigisai, anaanaasoq imaluunniit taassuma toqunermini pigisai, angut ataataasutut nalunaarsorneqarsimasoq imaluunniit ataataassutsimik akuersissuteqarsimasoq, imaluunniit taassuma toqunermini pigisai, angut anaanaasup paasissutissiineratigut ataataasoq imaluunniit meeqqamut ataataasinnaasoq, imaluunniit taassuma toqunermini pigisai, angut meeqqamik ataataassutsimi misilinnejarnissaannik pisinnaatitaasoq, imaluunniit taassuma toqunermini pigisai, arnaq anaanaaqataasutut nalunaarsorneqarsimasoq imaluunniit anaanaaqataassutut akuersissuteqarsimasoq, imaluunniit taassuma toqunermini pigisai, arnaq meeqqamik anaanaaqataassutsimi misilinnejarnissaannik pisinnaatitaasoq, imaluunniit taassuma toqunermini pigisai.

§ 456 e, imm. 2-mut atatillugu, angajoqqaatut akisussaatitaaneq pillugu inatsimmi § 1 malillugu, meeqqat inuuusuttullu 18 inorlugit ukiullit aallaaviatigut nammineersinnaassuseqanngillat, aamma inatsimmi §§ 5 aamma 6 malillugit inersimasunut angajoqqaatut akisussaassuseqartitsinermik aallartitsisoqarsinnaasoq, maluginiarneqassaaq. Angajoqqaatut akisussaatitaasoq angajoqqaatullu akisussaatitaasulerneqartoq, akerleriissunik soqtigisaqarsinnaappata, angajoqqaatut akisussaatitaasoq utaqqiisaagallartumik suliassaminik suliariinninnissaminut akornuserneqarsimappat, imaluunniit peqannginnini pissutigalugu utaqqiisaagallartumik suliassaminik isumaginninnissaminut akornuserneqarsimappat, angajoqqaatut akisussaatitaaneq pillugu inatsimmi §§ 47-miit 49 ilanngullugu immikkut ittumik angajoqqaatut akisussaatitaasumik ivertitsisoqarnissaa periarfissinneqarpoq.

Kalaallit Nunaanni eqqartuussisarnermik inatsimmi *§ 274, imm. 1-itut aalajangersakkamik* ilanngussisoqarnissaa siunnersuutigineqarpoq, tamatumalu kingorna suliami peqataasut tassaalissapput meeraq imaluunniit taassuma toqunermini pigisai (nr. 1), anaanaasoq, imaluunniit taassuma toqunermini pigisai (nr. 2), aamma inuk inuilluunniit imaluunniit toqusut pigisaat meeqqat pillugit inatsimmi § 17 malillugu eqqartuussivimmit ilanngunneqartussat (nr. 3). Aammattaaq aalajangersakkami *imm. 2-tut aalajangerrsakkamik* ilanngussisoqassasoq siunnersuutigineqarpoq, tassani peqataasoq 18 inorlugit

ukioqarpat, angajoqqaatut akisussaatitaasoq peqataasoq sinnerlugu suliami sassassasoq tamatuma malitsigissavaa. Aammattaaq nammineersinnaassusiagaasimaneq aamma angajoqqaattut akisussaatitaasumik isumasieeqqaarluni pisuussutit pillugit aalajangiisinjaaneq soqtiginagit, peqataasut nammineerlutik sassassapput. Namminersorsinnaanermik inatsimmi §§ 56 aamma 57 malillugit, peqataasup immikkut ittumik angajoqqaatut akisussaatitaasumik peqarnissaa najukkami eqqartuussiviup nalilerpagu, taanna angajoqqaatut akisussaatitaasunngortinnejarsinnaavoq.

Ataataassuseq anaanaaqataassuserlu pillugit suliat pillugit eqqartuussinerni kikkut peqataasutut taaneqarsinnaanersut, aamma nammineersinnaassuseqanngitsup imaluunniit nammineersinnaassusiagaasimasup qanoq annertutigisumik suliap ingerlanerani nammineerluni sassarluni peqataasinnaanera aalajangersagassatut siunnersuutigineqartup aalajangersassavaa.

§ 274, imm. 1-tut aalajangersagassatut siunnersuutigineqartumut atatillugu, meeqqat pillugit inatsimmut peqqussut aqqutigalugu meeqqat pillugit inatsimmi § 9 aamma 17 imai allanngortinnagit Kalaallit Nunaannut atuutilersinneqassasoq maluginiarneqassaaq.

§ 274, imm. 2-tut aalajangersagassatut siunnersuutigineqartumut atatillugu, angajoqqaatut akisussaatitaaneq pillugu inatsit Kalaallit Nunaannut atuutilersinneqarsimangimmat maluginiarneqassaaq. Kalaallit Nunaanni angajoqqaatut akisussaatitaaneq pillugu malittarisassat namminersorsinnaatitaanermik inatsimmi, kunngip peqqussutaatigut nr. 306, 14. maj 1993-imeersumi Kalaallit Nunaannut atuutilersinneqarsimapput. Peqqussummi §§ 1 aamma 2 malillugit, inuk 18 inorlugit ukiulik nammineersinnaassuseqanngilaq, aamma inuk 18-ileereersimasoq nammineersinnaajunnaarsitaasinnaavoq. Peqqussummi kapitali 6 malillugu inersimasoq angajoqqaattut akisussaatitaasumik isumasieeqqaarluni pisuussutit pillugit aalajangiisinjaatinneqalersinnaavoq. Soqtigisanik akerleriittoqartillugu il.il. immikkut ittumik angajoqqaatut akisussaatitaasumik iveritsisoqarnissaa, angajoqqaatut akisussaatitaaneq pillugu inatsimmi §§ 47-miit 49 ilanngullu malittarisassat assigisaannik, peqqussut §§ 56-im i aamma 57-im aalajangersakkaniq imaqarpoq.

Aalajangersakkami naleqqussaanerit ataasiakkaat naleqqussaatigalugit, inatsimmik nalunaarummi nr. 1284-imi, 14. november 2018-imeersumi, qallunaat eqqartuussisarnermk inatsisaanni § 456 e assigissavaa, taamaammallu aalajangersakkamut tassunga suliamut piareersaataasut aamma tamanna pillugu eqqartuusseriaaseq atuuttoq malillugit nassuiarneqarsinnaassalluni, tak. Kalaallit Nunaanni eqqartuussisarnermi inatsimmi § 274.

§ 274 a-mut

Ataatassarsiueq pillugu eqqartuussivimmut saqqummiussisoqarsimanera pillugu peqataasut ilisimatinneqarnissaat pillugu aalajangersakkamik ataasiinnermilluunniit Kalaallit Nunaanni eqqartuussisarnermk inatsimmi kapitali 26 imaqanngilaq.

Inatsimmik nalunaarut nr. 1284, 14. november 2018-imeersoq malillugu qallunaat eqqartuussisarnermk inatsisaanni § 456 f, imm. 1 malillugu, ataataassuseq anaanaaqataassuserlu pillugit suliat eqqartuussivimmut saqqummiunneqarsimanerat pillugu, eqqartuussiviup iliuuseqarneratigut peqataasunu nalunaarutigineqartarpooq. Suliap suliarineqarnerata nalaali inuk peqataasussatut ilanngunneqarpat, pineqartumut taamatuttaaq nalunaaruteqartoqassaaq. Peqataasoq toqusimappat, imm. 2 malillugu nalunaarut toqusup pigisaanut nalunaarutigineqassaaq.

Kalaallit Nunaanni eqqartuussisarnermk inatsimmi § 274 a, imm. 1-itut aalajangersakkamik ilanngussisoqarnissaa siunnersuutigineqarpoq, tamatumalu kingorna suliap najukkami eqqartuussivimmut saqqummiunneqarsimanera pillugu peqataasut eqqartuussiviup iliuuseqarneratigut nalunaarfingineqassapput. Suliap suliarineqarnerata nalaali inuk peqataasussatut ilanngunneqarpat, pineqartumut taamatuttaaq nalunaaruteqartoqassaaq. Aammattaaq aalajangersakkami imm. 2-tut aalajangersakkamik ilanngussisoqarnissaa siunnersuutigineqarpoq, tamatumalu kingorna peqataasoq toqusimappat, nalunaarut toqusup pigisaanut nalunaarutigineqassaaq.

Ataataassuseq anaanaaqataassuserlu pillugit sulianik eqqartuussivimmut saqqummiussisoqarsimanera pillugu, aalajangersagassatut siunnersuutigineqartup peqataasunut ilisimatitsinneqarnissaannik najukkami eqqartuussivik pisussaaffilissavaa. Aalajangersakkami oqaatsitigut naleqqussaanerit naleqqussaatigalugit, inatsimmik nalunaarummi nr. 1284-imi, 14. november 2018-imeersumi qallunaat eqqartuussisarnermik inatsisaanni § 456 f assigissavaa, taamaammallu aalajangersakkamut tassunga suliamut piareersaataasut aamma tamanna pillugu eqqartuusseriaaseq atuttoq malillugit nassuiardeqarsinnaassalluni.

§ 274 b-mut

Kalaallit Nunaanni eqqartuussisarnermik inatsimmi § 275, imm. 2, suliami peqataasunut peqataasoq sinnerlugu eqqartuussinermi peqataasussamik fuldmægtigimik ivertitsisoqarnissaa pillugu aalajangersakkamik imaqrpoq. Nalinginnaasumik oqaaseqaatini imm. 2.1 innersuussutigineqarpoq.

Inatsimmik nalunaarut nr. 1284, 14. november 2018-imeersoq malillugu qallunaat eqqartuussisarnermik inatsisaanni § 456 g, oqaaseqatigiit siullit malillugit, peqataasoq pisariaqartitsippat, eqqartuussivik peqataasumut eqqartuussissuserisumik ivertitsisinnaavoq. Statstidende-mi nalunaarutikkut qaaqqusineq malillugu imaluunniit pisuni, angajoqqaq nalunaarutigineqartoq toqusimappat, pineqartoq takutinngippat imaluunniit toqusut pigisaanit takkuttoqanngippat, aalajangersakkami oqaaseqaatit aappaat malillugu inummik ilangunneqartumik ivertitsineq pissaaq.

Kalaallit Nunaanni eqqartuussisarnermik inatsimmi § 275, imm. 2, § 456 g-mi, oqaaseqatigiit siullit assigaanik aalajangersakkamik imaqrpoq, kisianni § 456 g-mi oqaaseqatigiit aappaanni aalajangersakkap assigaanik Kalaallit Nunaanni eqqartuussisarnermik inatsimmi kapitali 26 imaqnngilaq.

Kalaallit Nunaanni eqqartuussisarnermik inatsimmi § 274 b, imm. 1-itut aalajangersakkamik ilangussisoqarnissaa siunnersuutigineqarpoq, tamatumalu kingorna peqataasumut pisariaqartitsisumut peqataasoq sinnerlugu eqqartuussinermi peqataasussamik fuldmægtigimik najukkami eqqartuussivik ivertitsisinnaavoq. Aalajangersakkami oqaaseqatigiit aappaat malillugu, §137, imm. 1-mi tamanut nalunaarutikkut qaaqqusineq malillugu imaluunniit pisuni, angajoqqaq nalunaarutigineqartoq toqusimappat, pineqartoq takutinngippat imaluunniit toqusut pigisaanit takkuttoqanngippat, aalajangersakkami oqaaseqaatit aappaat malillugu inummik ilangunneqartumik ivertitsineq pissaaq.

Siullertut peqataasumut taamatut pisariaqartitsisumut, eqqartuussiviup peqataasoq sinnerlugu eqqartuussinermi peqataasussamik fuldmægtigimik ivertitsinssamik eqqartuussivik periarfissaqalersissavaa. Aappaattut peqataasumut peqataasoq sinnerlugu eqqartuussinermi peqataasussamik fuldmægtigimik najukkami eqqartuussivik aalajangersakkap pisut ilaanni pisussaaffilissavaa.

Eqqartuussinermi peqataasunut Kalaallit Nunaani eqqartuussisarnermik inatsit malillugu nalinginnaasumik eqqartuussissuserisunek ivertitsisoqarneq ajormat kisianni peqataasoq sinnerlugu eqqartuussinermi peqataasussamik fuldmægtigimik ivertitsisoqartarmat, aamma inatsimmi § 137 malillugu tamanut ammasumik eqqartuussinssamut qaaqqusineq Statstidende-kkut nalunaaruteqarnerup saniatigut ilaatigut aamma Atuagagdliutit (AG/Grønlandsposten) aamma allattariarsornikkut tusagassiutit allat atorlugit pisinnaammat maluginiarneqassaaq.

Kalaallit Nunaanni eqqartuussisarnermik inatsimmi § 274 b-tut aalajangersagassatut siunnersuutigineqartoq, naleqqussaanerit qulaani taaneqartut naleqqussaatigalugit, inatsimmik nalunaarut nr. 1284, 14. november 2018-imeersoq, malillugu qallunaat eqqartuussisarnermik inatsisaanni § 456 g assigissavaa, taamaammallu aalajangersakkamut tassunga suliamut piareersaataasut aamma tamanna pillugu eqqartuusseriaaseq atuttoq malillugit nassuiardeqarsinnaassalluni.

§ 275-imut

Suliat paasissutissanik imaqtinnejartarnissaat pillugit Kalaallit Nunaanni eqqartuussisarnermik inatsit alajangersakkamik ataatsimilluunniit imaqnngilaq. Oqaaseqaatini nalinginnaasuni imm. 2.1

innersuussutigineqarpoq. Tamaana apeqquatainnagu ataatassarsiuinermik suliap paassisutissanik imaqtinnejarnissaata isumagineqarnissaa eqqartuussiviup pisussaaffigaa.

Inatsimmik nalunaarut nr. 1284, 14. november 2018-imeersoq malillugu qallunaat eqqartuussisarnermik inatsisaanni § 456 h, imm. 1, oqaaseqatigiit siullit malillugit, suliap paassisutissanik imaqtinnejarnissaat eqqartuussiviup isumagisassaraa. Aalajangersakkami imm. 2 malillugu peqataasut ilisimannittullu killisiorneqarnissaat pillugit aamma sulianik ilisimannittunit oqaaseqaatit pissarsiarineqarnissaat uppernarsaatillu allat pillugit eqqartuussivik nammineerluni aalajangiissaq. Peqataasut ilisimannittullu eqqartuussiviup nammineq aggeqqussavai. Aajalanersakkami imm. 3 malillugu suliap paassisutissanik imaqtinnissaanut politiit ikuutissapput, matumanit ataataasutut- anaanaaqataasutulluunniit perarfissaasinaasutut nalunaarutigineqartut ujarneqarnissaat ilanngullugit. Aalajangersakkami imm. 4 malillugu, inatsimmi peqataasumut takkutinngitsoornerup imaluunniit takkunnermi akerliliinnginnerup sunniutai, ataataassuseq anaanaaqataassuserluunniit pillugit suliani atuutinngillat.

Aalajangersakkami imm. 5 malillugu, peqataasut takkunnissaat suliamut pingaaruuteqanngitsunut eqqartuussiviup nalilerpagu, peqataasut ilisimannittunik imaluunniit peqataasunik allanik killisiuinermik isiginnaartuunissaannut qaaqquneqarnissaat pinngitsoortinneqarsinnaavoq. Taamaattoq aalajangersakkami imm. 6 nangaassutigalugu, eqqartuussinissap qaqgukkut pinissaa sumiinnissaalu, sumilu killisiuinermik pinissaa pillugit, peqataasut tamatigut nalunaarfigineqartassapput. Peqataasup pineqartup nammineq kissaatiginngikkuniuk, aggernissaa pisariaqanngitsoq nalunaarummi taaneqassaaq. Aalajangersakkami imm. 6 malillugu peqataasumik allamik eqqarsaatigineq imaluunniit suliamut paassisutissiineq pissutigalugit qaqutigoortumik tamanna pisariaqartinneqarpat, eqqartuussiviup peqataasoq qaaqqusinngitsoorsinnaavaa, imaluunniit peqataasup tamakkiisumik ilaannakoortumilluunniit eqqartuussinermik isiginnaartuunnginnissa aalajangersinnaallugu. Suliaq aalajangiiffigineqartinnagu, pineqartoq paassisutissat saqqummertut pillugit ilisimatinneqassaaq.

Aalajangersakkami imm. 7 malillugu, meeqqat pillugit inatsimmi § 18 malillugu dna pillugu misissuinissat naammassineqarnissaat pillugit najukkami eqqartuussivik aalajangersakkamik aalajangiissaq. Eqqartuussisarnermik inatsimmi § 178-mi aalajangersakkat taamatuttaaq atorneqassapput. Suliamut pingaaruuteqassappat, meeqqat pillugit inatsimmi § 18 malillugu suliami peqataasunit dna pillugu misissuinissat naammassineqarnissaat pillugit eqqartuussivik aalajangiissamat maluginiarneqassaaq. Aammattaaq ilisimannittunut takkutinngitsoortunut imaluunniit nassuaateqanngitsoortunut qallunaat eqqartuussisarnermik inatsisaanni § 178 qisuarialeqarnissanut perarfissiimmaat, assersuutigalugu akiliisitsissinerit imaluunniit politiinit aaneqarnerit pillugit perarfissiimmat maluginiarneqassaaq.

Inatsimmik nalunaarut nr. 1284, 14. november 2018-imeersoq malillugu qallunaat eqqartuussisarnermik inatsisaanni § 456 h, imm. 6-mut piareersaataasumik suliap malillugit, suliami peqataasut allat imaluunniit taakku arlaat ataaseq nassuaanermik isiginnaartuussappata, aamma pisuni, aalajangersimasumik naliliineq malillugu apeqqutit apeqqutigineqartut qanoq issusaasat apeqqutaatillugu naammattumik tamakkiisumillu nassuaasinnaanerup anguneqarsinnaannginneranik kinguneqarsinnaanera ilimagineqarsinnaatillugu, nassuaasoqarsinnaanerata qulakkeerneqarnissa aalajangersakkami siunertarineqarpoq. Oqaaseqaatit malillugit pingaarnertut pisuni peqataasut kinguaassiutitigut ataqtiginnerat pillugu nassuaatinik erseqqinnerusunik pissarsinissap anguneqarnissa pisariaqartillugu, aalajangersagaq ingammik naleqquppoq. Taamatut pisariaqartsineq erseqqissumik pisariaqartinneqartillugu aalajangersakkap taamaallaat atorneqarnissa piumasaqataavoq, matumanit taamaalluni suliami peqataasut ilaanni ataasiinnaap nassuaanermi isiginnaartuunissaanik itigartinneqarsinneqarsinnaanera ilanngullugu. Suliani, meeqqap meerarsianngortinneqarsimanerani, peqataasut kinaassusaasa isertuunneqarnissaasa qulakkeerneqarnissaat pillugu aalajangersakkap pisariaqartinneqartummik atorneqarnissa piumasaqataammat, matumanit aamma aalajangiinerni meerarsiartaartut il.il. atiisa taaneqarnissaannut inerteqquteqarneq pillugu inatsimmi § 456 m, imm. 4 takuuk, suliamut piareersaataasut aammattaaq malitsigaat. Naggataagut, § 456 h, imm. 6, oqaaseqatigiit aappaata malitsigisaanik pisuni, aalajangersakkami oqaaseqatigiit siullit malillugit peqataasut ilaata ataatsip ilaatitaanngitsoornera pisimatillugu, peqataasoq ilaatitaanngitsoorsimasoq imaluunniit peqataasut ilaatitaanngitsoorsimasut, paassisutissat takkussimasut pillugit ilisimatinneqassassut, suliamut piareersaataasuni erseqqissaatigineqarpoq. Taamaalilluni nassuaatit nassuaatigineqarsimasut imaasa peqataasunut tunniunneqannginnissaat inatsisitigut

periarfissaliissutigineqanngilaq. Folketingstidende 2000-01, ilangussaq A, qupperneq 90
innersuussutigineqarpoq.

Ataataassuseq anaanaaqataassuserlu pillugit eqqartuussinerit suliarineqarneranni, suliap naammattumik paasissutissanik imaqartinneqarnissaanut tunngavik atuuttoq, inatsimmi § 456 h-p erseqqissarpaa. Tamanna ilaatigut suliat paasisssutissinneqarnissaannik aamma angutit arnallu, meeqqamut angajoqqaasinnaasutut nalunaarutigineqarsimasut ilangunneqarnissaannik eqqartuussivik pisussaaffeqartoq tamatuma kinguneraa.

Kalaallit Nunaanni eqqartuussisarnermik inatsimmi § 275, *imm. 1*-itut aalajangersakkamik ilangussisoqassasoq siunnersutigineqarpoq, taassumalu najukkami eqqartuussiviup suliap paassisutissinneqarnissaata isumaginninnissaa aalajangersarpaa.

Aammattaaq aalajangersakkap *imm. 2*-atut aalajangersakkamik ilangussisoqarnissaa siunnersutigineqarpoq, tamatumalu kingorna peqataasut ilisimannittullu killisiorneqarnissaat pillugit aamma sulianik ilisimannittunit oqaaseqaatit pissarsiarineqarnissaat uppernarsaatillu allat pillugit eqqartuussivik nammineerluni aalajangiissaq. Peqataasut ilisimannittullu eqqartuussiviup nammineq aggeqqussavai. Tamatuma peqatigisaanik aalajangersakkamut *imm. 3*-tut aalajangersagaq ilangunneqassasoq siunnersutigineqarpoq, tamatumalu kingorna suliap paasisssutissanik imaqartinneqarnissaanut politiit ikuutissapput, matumanit ataataasutut- anaanaaqataasutulluunniit periarfissaasinnaasutut nalunaarutigineqartut ujarneqarnissaat ilangullugit.

Aammattaaq aalajangersakkap *imm. 4*-aatut aalajangersakkamik ilangussisoqarnissaa siunnersutigineqarpoq, tamatumalu kingorna peqataasup takkutinngitsoornerata imaluunniit akerliliinani takkunnerata kingunerisai pillugit inatsimmi aalajangersakkat, kapitali manna malillugu sulianut atuutissannillat. Tamatuma peqatigisaanik *imm. 5*-itut aalajangersakkamik ilangussisoqarnissaa siunnersutigineqarpoq, tamatumalu kingorna peqataasut takkutinngiqarnissaat suliamut pingaaruteqanngitsutut najukkami eqqartuussiviup nalilerpagu, ilisimannittut peqataasulluunniit allat killisiorneqarnissaannut peqataasut qaaqquneqarnissaat pinngitsoortinnejqarsinnaavoq. Eqqartuussinerup piffissami sumi pinissaa aamma sumiiffissaa, killisiunerup taamaattup qanoq ingerlanneqarnissaa, tamatigut peqataasunut nalunaarutigineqartassaaq, taamaatoq *imm. 6* takuuk. Peqataasoq, nammineq kissaatiginngikkuniuk aggertariaqanngitsoq, nalunaarummi oqaatigineqassaaq. Aalajangersakkap *imm. 6*-aatut aalajangersakkamik ilangussisoqarnissaa siunnersutigineqarpoq, tamatumalu kingorna peqataasup eqqartuussinerut qaaqquneqarnissaat najukkami eqqartuussiviup pinngitsoortissinnaavaa, imaluunniit peqataasumut allamut imaluunniit suliap paasisssutissanik ilaneqarnissaata eqqarsaatigineqarnerisa pisariaqartippassuk, peqataasup eqqartuussinermi tamakkiisumik ilaannakoortumilluunniit isiginnaartuunissaata itigartitsissuginissaa aalajangersinnaallugu. Suliaq aalajangiiffigineqartinnagu, pineqartoq paasisssutissat saqqummiunneqartut pillugit ilisimatinneqassaaq.

Naggataagut aalajangersakkap *imm. 7*-iatut aalajangersakkamik ilangussisoqarnissaa siunnersutigineqarpoq, tamatumalu kingorna meeqqat pillugit inatsimmi § 18 malillugu dna pillugu misissuinissat naammassineqarnissaat pillugit najukkami eqqartuussivik aalajangersakkamik aalajangiissaq. § 150-imu aalajangersakkat taamatuttaaq atuupput. § 150-imut innersuussinermi Kalaallit Nunaanni eqqartuussisarnermik inatsimmi § 150 innersuussutigineqarpoq.

Ataataassuseq anaanaaqataassuserlu pillugit suliani eqqartuussinerit suliarineqarneranni suliat naammattumik paasisssutissanik imaqartinneqarnissaat pillugu tunngavik attuuttoq, aamma taamaammat suliat paasisssutissanik imaqartinneqarnissaasaannut eqqartuussivik pisussaaffeqartoq aalajangersagassatut siunnersutigineqartup *imm. 1*-imi aalajangissavaa. Peqataasunik ilisimannittunillu killisiuinernut aamma uppernarsaatinik pissarsiarnernut atatillugu, matumanit politiit ikuunnerat ilangullugu, taakku *imm. 2*-miit 7 ilangullugu siunnersutigineqartuni itisiliiffigineqassapput.

Meeqqat pillugit inatsimmut peqqussut aqqutigalugu meeqqat pillugu inatsimmi § 18, imai allanngortinnagit Kalaallit Nunaannut atuutilersinneqassaaq, aamma qallunaat eqqartuussisarnermik inatsisaanni § 178-p assinganik Kalaallit Nunaanni eqqartuussisarnermik inatsimmi § 150 ilisimannittut pillugit aalajangersakkamik imaqartoq maluginiarneqassaaq.

Kalaallit Nunaanni eqqartuussisarnermik inatsimmi § 275-itut aalajangersagassatut siunnersuutigineqartoq, naleqqussaanerit ataasiakkaat naleqqussaatigalugit, inatsimmik nalunaarummi nr. 1284-imi, 14. november 2018-imeersumi, qallunaat eqqartuussisarnermik inatsisaanni § 456 h assigissavaa, taamaammallu aalajangersakkamut tassunga suliamut piareersaataasut aamma tamanna pillugu eqqartuusseriaaseq atuttoq malillugit nassuiardeqarsinnaassalluni.

§ 276-imut

Peqataasut ilisimannittullu suliap paasissutissanik imaqartinneqarnissaanut pisussaaffeqarnerat pillugu Kalaallit Nunaanni eqqartuussisarnermik inatsimmi § 276, imm. 1 imaqarpoq. Oqaaseqaatini nalinginnaasuni imm. 2.1 innersuussutigineqarpoq.

Inatsimmik nalunaarut nr. 1284, 14. november 2018-imeersoq, malillugu qallunaat eqqartuussisarnermik inatsisaanni § 456 i, imm. 1 malillugu, anaanaasoq, meeqqat pillugit inatsimmi § 16 malillugu meeqqamut kina ataataanersoq imaluunniit anaanaaqataanersoq pillugu eqqartuussivimmut takkulluni nassuaanissaminut pisussaaffeqarpoq. Qallunaat eqqartuussisarnermik inatsisaanni § 171, imm. 2, nr. 1, aamma §§ 177-imiit 180 ilanngullugu taamatuttaaq atuupput.

Taamatuttaaq inuk imaluunniit inuit inatsimmik nalunaarut nr. 1284, 14. november 2018-imeersoq, malillugu qallunaat eqqartuussisarnermik inatsisaanni § 456 e, imm. 1, nr. 3-p malitsigisaanik, inatsimmi § 456 i, imm. 2 malillugu peqataasut, anaanaasumut, piffissami pineqartumi naartulerfigisaani kinguaassiutitigut atoqateqarsimanerlutik, imaluunniit meeqqat pillugit inatsimmi §§ 27, 27 a imaluunniit 27 b malillugit ikiorneqarluni kinguaassiorissamut katsorsarneqarnermut imaluunniit assigisaanik katsorsarneqarnermik akuersissuteqarsimanerlutik, eqqartuussivimmut takkullutik nassuaanissinnut pisussaaffeqarput. Qallunaat eqqartuussisarnermik inatsisaanni § 171, imm. 2, nr. 1, aamma §§ 177-imiit 180 ilanngullugu taamatuttaaq atuupput.

§ 456 i, imm. 3 malillugu, inatsimmi § 188-imi malittarisassat malillugit peqataasoq angalanerminut akiliutiminik taarsiivigineqarsinnaavoq.

Qallunaat eqqartuussisarnermik inatsisaanni § 171, imm. 2, nr. 1, aamma §§ 177-imiit 180 ilanngullugu ilisimannittut pillugit malittarisassanik imaqarpoq, matumani eqqartuussinermi ilisimannittutut nassuaateqartussaatitaaneq pillugu aamma ilisimannittunut takkutinngitoortunut iliuuseqarnissamik periarfissat, assersuutigalugu akiliisitsinerit aamma politiinit aaneqarnerit ilanngullugit.

Meeqqat pillugit inatsimmi § 16 malillugu, meeqqamut kina ataataanersoq imaluunniit ataataasinnaanersoq pillugu, aamma ikiorneqarluni kinguaassiorissamut katsorsartissimanerup imaluunniit assigisaanik katsorsarneqarnerup kingunerisaanik meeraq pinngorsimanersoq pillugu, aamma taamaassimappat kina katsorsanermut taassumunnga akuersissuteqarsimanersoq pillugu eqqartuussivimmut takkulluni nassuaateqarnissamik anaanaasoq pisussaaffeqarpoq. Aalajangersagaq malillugu, anaanaasup paasissutissiinissamik pisussaaffiata avaqqunneqarsinnaanera pillugu inatsimmi § 8, imm. 2-miit 4 ilanngullugu taamatuttaaq atuutissapput. Inatsimmi § 16, imm. 2 malillugu ataataassutsip anaanaaqataassutsilluunniit akuersissutigineqarnerani paasissutissiisussaatitaaneq atuutinngilaq. Aammattaaq meeqqap inunngorneranut atatillugu ataataassuseq nalunaarsorneqarsimappat, imaluunniit inatsimmi § 14, imm. 1 malillugu ataataassuseq meeqqap inunngornerani akuersissutigineqarsimappat, angutip meeqqamut ataataasutut nalunaarsorneqarsimasup imaluunniit ataataassutsiminik akuersissuteqarsimasup, meeqqamut ataataannginnera aalajangerneqarsimappat imaluunniit malunnartumik qularnarunnaarsinneqarsimappat, paasissutissiisussaatitaaneq taamaallaat atuutissasoq, aalajangersakkami imm. 3-p malitsigaa, taamaattoq inatsimmi § 8, imm. 4 nangaassutigalugu. Anaanaasoq ikiorneqarluni kinguaassiorissaminut katsorsarneqarsimappat, aamma ataataassuseq anaanaaqataassuserluunniit meeqqap inunngornerata nalunaarsorneqarneranut atatillugu nalunaarsorneqarsimappat imaluunniit inatsimmi § 14, imm. 1 malillugu meeqqap inunngoreernerata kingorna akuersissutigineqarsimappat, meeqqap katsorsarneqarnerup taamaattup kingorna naartunngorsimasinnaanera malunnartumik

qularnarunnaarsinnejartutut isigineqarsinnaappat, paasissutissiisussaatitaaneq taamaallaat atuuttoq, aalajangersakkap taassuma kinguneraa.

Aammattaaq inatsimmi § 8, imm. 5, assigisaanik atorneqassasoq, meeqqat pillugit inatsimmi § 16-ip malitsigaa. Anaanaasoq kiap ataataasinnaanera imaluunniit anaanaaqataasinnaanera pillugu paasissutissanik tunniussinngippat, taamaaliornerup imminut meeqqamullu qanoq kinguneqarnissaa pillugu ilitsorsorneqassasoq, aalajangersakkap taassuma malitsigaa.

Peqqinissaqarfimmi sulisumit peqataasoqarneratigut ikiornearluni kinguaassiorneq tunngavigalugu, naartulersitsinermi, ataataassutsip anaanaaqataassutsillu pilersinnejarnera pillugu, meeqqat pillugit inatsimmi §§ 27, 27 a imaluunniit 27 b, malittarisassanik imaqrpoq.

Qallunaat eqqartuussisarnermik inatsisaanni § 188 malillugu, eqqartuussiviit pillugit aqutsisoqarfik ilisimannittut aningaasanik utertisivigineqarsinnaanerat pillugit malittarisassanik aalajangersaasinnaavoq.

Meeqqat pillugit inatsimmi § 16-imut innersuussinerup ilaagitut, ataatassarsiuneq pillugu suliamik aallartitsisoqarsimappat, meeqqap inunngorneranut atatillugu ataataassuseq nalunaarsorneqarsimappat, imaluunniit meeqqap inunngornerata kingorna ataataassuseq akuersissutigineqarsimappat, anaanaasup aallaaviatigut paasissutissiisussaannginnera, Folkettingstidende 2000-01-mi, ilanngussaq A-mi, quppernerit 90-imiit 91 ilanggullu oqaaseqaaseqaatini erseqqissarneqarpoq, tak. qallunaat eqqartuussisarnermik inatsisaanni § 456 i. Kisianni paasissutissiisussannginneq piumasaqaatitaqarpoq. Suliaq suliarineqarnerata nalaani tamanna aalajangerseqarpat, imaluunniit angut, ataataasutut nalunaarsorneqarsimasoq imaluunniit ataataasutut akuersissuteqarsimasoq, meeqqamut ataataanngitsoq, imaluunniit tamanna malunnartumik qularnarunnaarsinnejarpat, anaanaasoq paasissutissiisussaatitaavoq. Meeqqamut ataataasoq imaluunniit ataataasinnaasoq kinaanersoq anaanaasup oqaatigiumanngippagu, taamaaliornerup imminut meeqqamullu qanoq kinguneqarnissaa pillugu eqqartuussiviup anaanaasoq ilitsersussavaa.

Paasissutissiisussaatitaanerminik anaanaasoq suli naammassinnikkusunngippat, qallunaat eqqartuussisarnermik inatsisaanni § 178-imi ilisimannittut pinngitsaalineqarnissaannut atortut eqqartuussiviup atorsinnaavai. Peqataasut taamaaliornermikkut pillarneqarnissamik imminut navianartorsiortissappata imaluunniit atugarissaarnerminnik annaasaqassappata, peqataasut nassuaassanngitsut, qallunaat eqqartuussisarnermik inatsisaanni § 171, imm. 2, nr. 1-imut innersuussinerup kinguneraa. Pisuni taamaattuni pinngitsaalinnikkut nassuaanerit, naapertiilluartumik eqqartunneqarnissamik pisinnaatitaaffik pillugu Europamiut Inuit pisinnaatitaaffii pillugit isumaqatigiissutaanni artikili 6-imut akilerliusutut isigisariaqarput. Inatsimmik nalunaarut nr. 1851, 20. september 2021-imeersooq malillugu pillaasarnermik inatsimmi § 210 malillugu meeraq qanigivallaakkamik atoqateqarnikkut naartugilerneqarsimappat, imaluunniit pillaasarnermik inatsimmi § 222 malillugu anaanaasoq nukappiaqqamik 15-t inorlugit ukiulimmik atoqateqarsimatillugu, aassersuutigalugu § 178-imi aajalangersagaq atorneqarsinnaassaaq.

Kalaallit Nunaanni eqqartuussisarnermik inatsimmi § 276, imm. 1-itut aalajangersakkamik ilanngussisoqarnissaa siunnersuutigineqarpoq, tamatumalu kingorna, anaanaasoq, meeqqat pillugit inatsimmi § 16 malillugu meeqqamut ataataasup imaluunniit ataataasinnaasup imaluunniit aanaanaaqataasup kinaanera pillugu najukkami eqqartuussivimmut takkuttussaatitaavoq nassuaasussaatitaallunilu. § 144, imm. 2, nr. 1-imi, aamma §§ 150-imiit 152 ilanggullu malittarisassat assigisaanik atuupput.

§ 144, imm. 2, nr. 1, aamma §§ 150-imiit 152 ilanggullu innersuussinerit, Kalaallit Nunaanni eqqartuussisarnermik inatsimmut innersuussinerupput.

Aalajangersakkam iimm. 2 aqqutigalugu, inuk imaluunniit inuit, Kalaallit Nunaanni eqqartuussisarnermik inatsimmi § 274, imm. 1, nr. 3-tut siunnersuutigineqartumi suliami peqataasut, piffissamilu pineqartup naartulerfiata nalaani anaanaasumik kinguaassiutitigut atoqateqarsimanerlutik, imaluunniit meeqqat pillugit inatsimmi §§ 27, 27 a, imaluunniit 27 b malillugit ikiornearluni kinguaassiorsinnaanissamut katsorsartinnermut assigisaanilluunniit katsorsartinnermut akuersissuteqarsimanerlutik, najukkami eqqartuussivimmut takkuttussaatitaapput nassuaasussaatitaallutilu. Aalajangersagaq malillugu Kalaallit

Nunaanni eqqartuussisarnermik inatsimmi § 144, imm. 2, nr. 1, aamma §§ 150-imiit 152 ilanngullugu assigisaannik atuupput.

Naggataagut Kalaallit Nunaanni eqqartuussisarnermik inatsimmi § 276, imm. 3 aqqutigalugu, inatsimmi § 160 malittarisassat malillugit angalanermi aningaasartuutinut peqataasoq taarsiivigineqarsinnaasoq siunnersutigineqarpoq.

Ataataassuseq anaanaaqataassuserlu pillugit suliani peqataasut ilisimannittullu aallaviatigut, ataataassutsip anaanaaqataassutsilluunniit aalajangersarneqarnissaanut pingaaruteqartut pingaaruteqarsinnaasulluunniit pillugit najukkami eqqartuussivimmut takkuttussaatitaapput paassisutissiisussaatitaallutillu, aamma inatsimmi ilisimannittut pillugit nalinginnaasumik malittarisassat ataataassuseq anaanaaqataassuserlu pillugit suliani atorneqassapput. Aammattaaq ilisimannittunut taarsiissutit pillugit malittarisassat nalinginnaasut malillugit, najukkami eqqartuussiviup peqataasumut angalanernut aningaasartuutinik taarsiiviginissinnaanera aalajangersakkap periarfississavaa.

Meeqcat pillugit inatsimmut peqqussut aqqutigalugu, meeqcat pillugit inatsimmi §§ 8, 16, 27, 27 a aamma 27 b, imarisamikkut allanngortinneqaratik Kalaallit Nunaannut atuutilersinnejassammata maluniarneqassaaq. Kalaallit Nunaanni eqqartuussisarnermik inatsimmi § 144, imm. 2, nr. 1, aamma §§ 150-imiit 152 ilanngullugu ilisimannittut pillugit nalinginnaasunik aalajangersakkamik imaqarmat, taakkulu qallunaat eqqartuussisarnermik inatsisaanni § 171, imm. 2, nr. 1, aamma §§ 177-imiit 180 ilanngullugu malittarisassat assigimmatigut, qallunaat eqqartuussisarnermik inatsisaanni § 188-p assigisaanik Kalaallit Nunaanni eqqartuussisarnermik inatsimmi § 160 ilisimannittut taarsiivigineqarnissaat pillugit aalajangersakkamik nalinginnaasumik imaqarpat, aamma inatsimmik nalunaarut nr. 1045, 7. september 2017-imeersoq malillugu, pillaasarnermik inatsimmi §§ 210-p aamma 222-p assigisaanik, Kalaallit Nunaanni pinerluttulerinermi inatsimmi §§ 74 aamma 79 imaqarmat maluniarneqassaartaaq.

Naleqqussaanerit taaneqartut ilanngullugit, Kalaallit Nunaanni pillaasarnermik inatsimmi § 276-itut aalajangersagassatut siunnersutigineqartoq, inatsimmik nalunaarut nr. 1284, 14. november 2018-imeersoq malillugu qallunaat eqqartuussisarnermik inatsisaanni § 456 i assigissavaa, taamaammallu aalajangersakkamut tassunga suliamut piareersaataasut aamma tamanna pillugu eqqartuusseriaaseq atuttooq malillugit nassuiarneqarsinnaassalluni.

§ 277-imut

Kalaallit Nunaanni eqqartuussisarnermik inatsimmi § 274 ataataassutsip akuersissutigineqarnera pillugu aalajangersakkamik imaqarpoq. Oqaaseqaatini nalinginnaasuni imm. 2.1 innersuussutigineqarpoq.

Inatsimmik nalunaarut nr. 1284, 14. november 2018-imeersoq malillugu qallunaat eqqartuussisarnermik inatsisaanni § 456 j malillugu, ataataassutsip anaanaaqataassutsillu akuersissutigineqarnerat eqqartuussisut allattaaviannut saaqqummiunneqartarput.

Folketingstidende 2000-01-mi, ilanngussaq A, qupperneq 91 malillugu, ataataassutsimik akuersissuteqarneq, meeqcat pillugit inatsimmi § 33, imm. 2 malillugu tamatigut immersugassami akuerisaasumi pissasodq, aalajangersakkamut oqaaseqaatini takuneqarsinnaavoq. Taamaalluni eqqartuussisut allattuiffiannut oqaasiinnartigut akuersissuteqarnermik saqqummiussisoqarsinnaanngilaq, kisianni ataataassuseq pillugu immersugassaq atsiorneqarsimasoq eqqartuussisut allattuiffiannut saqqummiuneqassaaq.

Meeqcat pillugit inatsimmi § 33, imm. 2 malillugu, ataataassutsimik anaanaaqataassutsimillu akuersissuteqarnermut immersugassat atorneqartussat Ankestyrelsen-imit akuerineqartussaapput.

Kalaallit Nunaanni eqqartuussisarnermik inatsimmi § 277-imi aalajangersakkamik ilanngussisoqarnissaai siunnersutigineqarpoq, tamatumalu kingorna najukkami eqqartuussivinni akuersissuteqarnerit eqqartuussisut allattuiffiannut saqqummiuneqartassapput.

Ataataassutsimik anaanaaqataassutsimillu najukkami eqqartuussivimmi akuersissuteqarnerit pillugit sulisaaseq aalajangersagassatut siunnersuutip aalajangersaavigissavaa. Meeqqat pillugit inatsimmur peqquussut aqqutigalugu, meeqqat pillugit inatasimmi § 33, imm. 2 imaqarnermigut allanngortinneqarnani Kalaallit Nunaannut atuutilersinnejassaaq, taamaattoq ataataassutsimik anaanaaqataassutsimillu akuersissuteqarnermut immersugassat atorneqartussat isumaginninnermut- utoqqarnullu ministerimit akuersissutigineqartussaassallutik.

Kalaallit Nunaannut eqqartuussisarnermik inatsimmi § 277-itut siunnersuutigineqartoq, oqaatsitigut naleqqussaanerit naleqqussaatigalugit, qallunaat eqqartuussisarnermik inatsisaanni § 456 j-p assigissavaa, taamaammallu aalajangersakkamut tassunga suliamut piareersaataasut aamma tamanna pillugu eqqartuusseriaaseq atuuttoq malillugit nassuiarneqarsinnaassalluni.

§ 278-imut

Peqataasut piumasaqaataasa, ataattassarsiunerimi peqataasutut pisussajunnaarsitaanissap aamma qaqgukkut ataattassarsiunerup unitsinnejarsinnaanerata pingaarutaat pillugit, Kalaallit Nunaanni eqqartuussisarnermik inatsimmi kapitali 26 aalajangersakkanik imaqanngilaq. Oqaaseqaatinini nalinginnaasuni imm. 2.1 innersuussutigineqarpoq.

Inatsimmik nalunaarut nr. 1284, 14. november 2018-imeersoq malillugu qallunaat eqqartuussisarnermik inatsisaanni § 456 k, imm. 1 malillugu, peqataasut piumasaqaataat pisimasullu pillugit oqaatigisaat eqqarsaatiginagit najukkami eqqartuussivik aalajangiissaq. Aalajangersakkami imm. 2 malillugu, inuup suliami peqataasutut ilaatinnejarunnaarnissaa najukkami eqqartuussiviup kisimi aalangangiiffigisinnavaa. Ataataassuseq anaanaassuserlu meeqqat pillugit inatsimmi § 19 malillugu akuersissutigineqarsimanerani, inatsimmik nalunaarut nr. 1284, 14. november 2018-imeersoq malillugu, qallunaat eqqartuussisarnermik inatsisaanni § 456 e, imm. 1, nr. 3 malitsigisaanik inuit pineqartut arlaannaalluunniit suliami peqataasuunngippata, ataataasutut anaanaaqataassutulluunniit eqqartuunneqarpata, meeqqat pillugit inatsimmi § 7, imm. 2 atorneqartinnagu meeraq toqusimappat, imaluunniit ataataasinnaasutut anaanaaqataasinnaasutulluunniit periarfissat paasississutissiuttigineqarsimanngippata, kinaassusersineqarsinnaanngippata imaluunniit nassaarineqarsinnaanngippata, ataataassuseq anaanaaqataassuserlu pillugit suliaq unitsinnejassasoq aalajangersakkami imm. 3-p malitsigaa.

Meeqqat pillugit inatsimmi § 19 malillugu, ataataassuseq anaanaaqataassuserlu, inatsimmi § 14 malillugu eqqartuussivimmi akuersissutigineqarsinnaavoq, tassani angut arnarlu meeqqamut ataataasutsip imaluunniit anaanaaqataassutsip akuersissutiginissaanut periarfissinnejqarp. Aalajangersakkami imm. 2 atorneqartinnagu, ataataassuseq imaluunniit anaanaassuseq meeqqap inunngorneranut atatillugu nalunaarsorneqarsimanngippat, allanillu suliasiissutigineqarsimanngippat, pisortat suliamik aallartitsissasut, inatsimmi § 7, imm. 1-p malitsigaa. Meeraq toquppat, anaanaasup kialluunniillu allap eqqartuussisutigoortitsinssamik soqutigisaqartup qinnuteqarneratigut ataataassuseq imaluunniit anaanaaqataassuseq taamaallaat aalajangersarniarneqarsinnaasoq, aalajangersakkap massuma malitsigaa.

Inatsimmik nalunaarut nr. 1284, 14. november 2018-imeersoq malillugu qallunaat eqqartuussisarnermik inatsisaanni § 456 e, imm. 1, nr. 3 eqqarsaatigalugu, Kalaallit Nunaanni eqqartuussisarnermik inatsimmi § 273-itut siunnersuutigineqartumut oqaaseqaatit innersuussutigineqarput.

Peqataasoq nammineerluni ataaatassarsiunermit tunuarsinnaanngitsoq, qallunaat eqqartuussisarnermik inatsisaanni § 456 k-mut oqaaseqaatit malillugit aalajangersakkami imm. 2-p malitsigaa. Dna pillugu misissuinerit imaluunniit pissutsit allat pissutigalugit peqataasup ataataassusia qularnartutut isigineqalerpat, taanna suliamit tunuarsinnaasoq, eqqartuussiviup aalajanersinnaavaa. Tamanna pillugu aalajangiineq pisariaqartillugu, qallunaat eqqartuussisarnermik inatsisaanni § 253, imm. 2-imi tunngavik malillugu eqqartuussutsip ilaautat aalajangerneqarsinnaavoq. Folketingstidende 2000-01-mi, ilanngussaq A, upperneq 91 innersuussutigineqarpoq.

Kalaallit Nunaanni eqqartuussisarnermik inatsimmi *§ 278, imm. 1*-itut aalajangersagaq ilanngunneqassasoq siunnersuutigineqarpoq, tamatumalu kingorna peqataasut piumasaqaataat pisimasullu pillugit oqaatigisaat

eqqarsaatiginagit najukkami eqqartuussivik aalajangiissaq. Aammattaaq *imm. 2* aqqutigalugu, inuup suliami peqataasutut ilaatinneqarunnaarnissaa najukkami eqqartuussiviup kisimi aalajangiiffigisinnaagaa siunnersuutigineqarpoq.

Naggataagut najukkami eqqartuussiviup suliaq pisuni sisamaasuni suliaq unitsissinnaagaa aalajangersakkami *imm. 3* aqqutigalugu siunnersuutigineqarpoq. Siullertut meeqqat pillugit inatsimmi § 19 malillugu ataataassuseq anaanaaqataassuserluunniit akuersissutigineqarsimmassaaq. Pisut aappanni § 274, imm. 1, nr. 3 malillugu suliami peqataasut arlaannaalluunniit ataataasutut anaanaaqataasutulluunniit eqqartuunneqanngilaq. Pisut pingajuanni, meeqqat pillugit inatsimmi § 7, imm. 2 atorneqartinnagu, meeraq toqusimavoq. Pisut sisamaanni, ataataasinnaasutut anaanaaqataasinnaasutulluunniit periarfissat paasisssutissiisutigineqarsimanngillat, kinaassusersineqarsinnaanngillat imaluunniit nassaarineqarsinnaanngillat.

Ataataassuseq anaanaaqataassuserlu pillugit suliani najukkami eqqartuussivik aalajangiitllui, peqataasut piumasaqaataat pisullu pillugit oqaaseqaataat eqqarsaatigineqassanngisut, aalajangersagassatut siunnersuumi imm. 1 aqqutigalugu aalajangersarneqassaaq. Tamatuma peqatigisaanik inuup suliami peqataasutut ilaatinneqarunnaarnissaa najukkami eqqartuussiviup kisimi aalajangiiffigisinnaagaa imm. 2-mi aalajangersarneqassaaq. Imm. 1-im aamma 2-mi aalajangersagassatut siunnersuutigineqartut Kalaallit Nunaanni eqqartuussisarnermik inatsimmi § 275 aalajangersakkat aaqqiissutissavai, ingammik aalajanersakkami imm. 1-p, tamatumami kingorna najukkami eqqartuussivik tassaassaaq suliap paasisssutissanik imaqrnissaanik isumaginnittussaq. Naggataagut § 278, imm. 3-tut siunnersuutigineqartup ataatassarsiuineq aamma anaanaaqataassuseq pillugu suliap qaqugukkut unitsinneqarnissaa najukkami eqqartuussiviup unitsissinnaaneraa, aalajangersagassatut siunnersuutigineqartup aalajangersassavaa.

Meeqqat pillugit inatsimmut peqqussut aqqutigalugu, meeqqat pillugit inatsimmi §§ 7, 14 aamma 19 imarisamigut allannguiteqarani Kalaallit Nunaannut atuutilersinnejqassamat maluginiarneqassaaq. Qallunaat eqqartuussisarnermik inatsisaanni § 253, imm. 2-p assinganik Kalaallit Nunaannut eqqartuussisarnermik inatsimmi § 191, imm. 2 aalajangersakkamik imaqrmat maluginiarneqassaartaaq.

Kalaallit Nunaanni eqqartuussisarnermik inatsimmi § 278-itut aalajangersagassatut siunnersuutigineqartup, oqaatsitigut naleqqussaanerit naleqqussaatigalugit, inatsimmik nalunaarut nr. 1284, 14. november 2018-imeersoq malillugu, qallunaat eqqartuussisarnermik inatsisaanni § 456 k assigissavaa, taamaammallu aalajangersakkamut tassunga suliamut piareersaataasut aamma tamanna pillugu eqqartuusseriaaseq atuuttoq malillugit nassuiardeqarsinnaassalluni.

§ 278 a-mut

Ataatassarsiuinermi suliat uppernarsaasoqarneranut atatillugu aningaasartuutit akilerneqarnissaat pillugit Kalaallit Nunaanni eqqartuussisarnermik inatsit aalajangersakkanik imaqqanngilaq. Oqaaseqaatini nalinginnaasuni imm. 2.1 innersuussutigineqarpoq.

Inatsimmik nalunaarut nr. 1284, 14. november 2018-imeersoq malillugu qallunaat eqqartuussisarnermik inatsisaanni § 456 l, oqaaseqatigiit siullit malillugit, inatsimmi § 456 h malillugu uppernarsaasoqarneranut atatillugu aningaasartuutit naalagaaffiup karsianit akilerneqartarpot. Aalajangersakkami oqaaseqatigiit aappat malillugit, peqataasoq suliamut aningaasartuutinik allatigut akiliisussanngortitaappat, aningaasartuutinut taakkununng matussutissanik tamakkiisumik ilaannakoortumilluunniit eqqartuussiviup peqataasoq akileeqqusinnaavaa. Inatsimmi § 456 h malillugu, suliap paasisssutissanik imaqrartinneqarnissaa eqqartuussiviup isumagisussaavaa, matumani peqataasut ilisimannittullu killisorneqarnerat aamma sulianit ilisimannittunit oqaaseqaatit uppernarsaatillu allat pissarsiarineqarnerat ilanngullugit.

§ 456 l, oqaaseqatigiit aappaannut atatillugu, inatsimmi § 312, imm. 7 malillugu ataataassuseq anaanaaqataassuserluunniit pillugit peqataasut arlaannaalluunniit suliamut aningaasartuutinut peqataassumut allamut akiliissanngillat. Tamaattoq, tunngaviit immikut ittut pissutissaqartippassuk, suliamut aningaasartuutit akilerneqarnissaat eqqartuussiviup peqataasumit piumasarisinnaavaa.

Inatsimmi § 456 h eqqarsaatigalugu, Kalaallit Nunaanni eqqartuussisarnermik inatsimmi § 275-itut aalajangersagassatut siunnersuutigineqartoq innersuussutigineqarpoq.

Kalaallit Nunaanni eqqartuussisarnermik inatsimmi § 278 a, *oqaaseqatigiit siullertut*, aalajangersakkamik ilanngussisoqassasoq siunnersuutigineqarpoq, tamatumalu kingorna § 275 naapertorlugu aningaasartuutit naalagaaffiup karsianit akilerneqartassapput. Aammattaaq, tunngaviit immikut ittut pissutissaqartippassuk, suliamut aningaasartuutit akilerneqarnissaat najukkami eqqartuussiviup peqataasumit piumasarisinnaavaa aalajangersakkami *oqaaseqatigiit aappaanni* siunnersuutigineqarpoq.

Najukkami eqqartuussiviup ataataassuseq anaanaaqataassuserlu pillugit suliariinninneranut atatillugu aningaasartuutit aallaaviatigut naalagaaffiup karsianit akilerneqartarnissaat, § 278 a-tut siunnersuutigineqartumi oqaaseqatigiit siullit aalajangissavaa, kisianni aalajangersakkami oqaaseqatigiit aappat malillugu, tunngaviit immikut ittut pissutissaqartippassuk, aningaasartuutit taakku tamakkisumik ilaannakoortumilluunnit peqataasumit taarserneqarnissaat najukkami eqqartuussivik akileeqqusisinnavaoq.

§ 278 a-tut, oqaaseqatiigiinni siullerni aalajangersagassatut siunnersuut, oqaatsitigut naleqqussaanerit naleqqussaatigalugit inatsimmik nalunaarummi nr. 1284-imi, 14. november 2018-imeersumi, qallunaat eqqartuussisarnermik inatsisaanni § 456 l, oqaaseqatigiit siullit assigissavaa, taamaammallu aalajangersakkamut tassunga suliamut piareersaataasut aamma tamanna pillugu eqqartuusseriaaseq atuuttoq malillugit nassuiarneqarsinnaassalluni. Inatsimmik nalunaarummi nr. 1284-imi, 14. november 2018-imeersumi, qallunaat eqqartuussisarnermik inatsisaanni § 456 h-p assigisaanik Kalaallit Nunaanni eqqartuussisarnermik inatsimmi § 275-itut aalajangersakkamik ilanngussisoqarnissaat siunnersuutigineqarmat maluginiarneqassaaq.

Inatsimmik nalunaarut nr. 1284, 14. november 2018-imeersoq malillugu, qallunaat eqqartuussisarnermik inatsisaanni inatsimmi § 456 l, oqaaseqatigiit aappaani oqaasertarineqartut, inatsiseqataanut § 312, imm. 7-imut ataatsimoortillugu, aalajangersagassatut § 278 a-mi, oqaaseqatigiit aappaattut siunnersuutigineqartup - oqaatsitigut naqqiunneqartut naqqiutigalugit - assigisagai siunertarineqarpoq. Kalaallit Nunaanni eqqartuussisarnemik inatsit § 312, imm. 7-p assinganik aalajangersakkamik imaqanngimmat, § 275 malillugu pissutsit immikut ittut tunngavissaqartippassuk, najukkami eqqartuussiviup peqataasoq uppernarsaasiornermi aningaasartuutit taarserneqarnissaat najukkami eqqartuussiviup peqataasoq oqaaseqatigiit aappaanni takuneqarsinnaassasoq siunnersuutigineqarpoq. Oqariartaaseq "pissutsit immikkut ittut" § 317, imm. 7-itut, tassungalu sulisaaseq malillugu paasineqarsinnaassaassaaq nassuiarneqarsinnaassallunillu.

§ 278 b-mut

Ataatassarsiunernik suliat pillugit eqqartuussinerit matut matullugit ingerlanneqartarnissaat pillugu Kalaallit Nunaanni eqqartuussisarnermik inatsimmi § 277 imaqarpoq, kisianni eqqartuussutit tamanut ingerlateqqineqartarnissaat pillugit inerteqqutinik inatsimmi kapitali 26 imaqanngilaq, matumani pinerluttulerinermi inatsit malillugu inerteqqutigineqartut unioqqutinneqarneranni pillaatissiineq ilanngullugu, aamma angajoqqaarsianngortoqarpal angajoqqaarsianngortut atiisa ingerlateqqinnejarnissaasannut inerteqquteqarneq pillugu kapitali 26 imaqanngilaq. Oqaaseqaatini nalinginnaasuni imm. 2.1 innersuussutigineqarpoq. Taamaattoq aamma Kalaallit Nunaanni ilisarisimanngisamik qitornavissiartaartoqartillugu kinaassutsip isertuunneqarnissaata illorsorneqarnissaat nalinginnaasumik tunngaviuvoq.

Inatsimmik nalunaarut nr. 1284, 14. november 2018-imeersoq malillugu, qallunaat eqqartuussisarnermik inatsisaanni inatsimmi § 456 m, imm. 1 malillugu, ataataassuseq anaanaaqataassuserlu pillugit suliat pillugit eqqartuussinerit matut matullugit pisarput. Anaanaasumit kissaateqarneq malillugu, kommunimit sulisoq anaanaasoq ilagalugu takkussinnaavoq. Aalajangersakkap imm. 2-a malillugu, eqqartuussutinik tamamut ingerlatitseqqittoqartillugu, eqqartuussumi taaneqartumi inuit atii, atorfii imaluunniit najugaat tamanut saqqummiunneqartussaanngillat, imaluunniit arlaatigut pineqartut kinaassusaat tamanut saqqummiuteqqusaanngillat. Inerteqqutigineqartoq unioqqutinneqarpat, akiliisitsinermik pillaatissiisoqassaaq

imaluunniit pissutsit inatsisnik unioqqutitsineruppata iliuutsilluunniit ileqqorluttuliorneruppata, qaammatit 6 tikillugit parnaarussaanermik pilaatissiisoqarsinnaavoq. Inatsimmi § 159 malillugu suliami suliakkiissutigineqartut aggeeqqusinerillu pillugit kiisalu eqqartuussutit pillugit nalunaarummik nalunaarutiginninermi, tamanna pillugu eqqartuussivik qaqutigoorluinnartumik aalajangiippat, anaanaasup meeqqallu aqqi taamaallaat Statstidende-mi nalunaaruteqarnermi ilanngunneqassapput. Meeraq qitornavissianngortinnejarsimappat, angajoqqaasullu angajoqqaarsianngortut atii naluppassuk, inatsimmi § 456 m, imm. 4 malillugu, angajoqqaarsianngortut, peqataasut ilisimannittullu atii eqqartuussisut allataaviinit imaluunniit eqqartuussiviup aalajangiinerinit takussutissiani ilaatinneqassanngillat.

Qallunaat eqqartuussisarnermik inatsisaanni § 456 m, imm. 4-mut oqaaseqaatit malillugit, meeraq qitornavissianngortinnejarsimappat, peqataasut kinaassusaasa isertuunneqarnissaasa qulakkeerneqarnissaat siunertarineqarpoq. Pisuni taamaattuni, kikkut meeraq qitornavissiartaarisimaneraat pillugu meeqqap angajoqqaavi paasitinneqassanngillat, aamma meeqqap aallaqqaataanit kikkut angajoqqaarisimanerai pillugit qitornavissiartaartut paasitinneqassanngillat. Qitornavissiartaartut, peqataasut ilisimannittoqarpallu ilisimannittut atii taamaammat eqqartuussisut allattuiffinit imaluunniit eqqartuussiviup aalajangiinerinit takussutissiani ilaatinneqassanngillat. Pisuni taamaattuni suliap suliarineqarnera eqqartuussiviup ima pilersaarusiussavaa, kinaassutsimik isertuussineq pigiinnarneqassalluni. Taamaalilluni peqataasut atiisa allagaatini, eqqartuussivimi saqqummiunneqartuni, matumanu dna pillugu misissuinerit pillugit nalunaarutit ilanngullugit, ilannginnissaat eqqartuussiviup ilaatigut qulakkiessavaa. Tamatuma saniatigut ilaatigut inatsimmi § 456 g malillugu peqataasut eqqartuussisuserilernersigut kinaassutsimik isertuussineq qulakkeerneqarsinnaavoq. Aammattaaq inatsimmi § 456 h, imm. 6 malillugu qitornavissiartaartut, anaanaasup ataataasup ataataasinnaasulluunniit nassuaaneranik iginnaartitaassanngillat, soorlu aamma anaanaasoq ataataasorluunniit imaluunniit ataataasinnaasut, qaqutigorujussuaq qitornavissiartaartut meeqqalluunniit nassuaatinneqassappata ilaatinneqassanngitsut. Folketingstidende 2000-01-mi, ilanngussaq A, qupperneq 91 innersuussutigineqarpoq.

Qitornavissiartaarneq kinaassutsimik isertuussilluni pippat, imaappoq inatsimmik nalunaarut nr. 775, 7. august 2019-imeersoq malillugu qitornavissiartaarneq pillugu inatsimmi § 4 a, imm. 1 malillugu ilisimasarinngisamik qitornavissiartaarnermik taaneqartartoq, aamma aalajangersakkami imm. 2 malillugu ilaqtarisamik qitornavissiartaarnerunngitsoq pineqarpata, qulaaniittut taamaallaat atuummata maluginiarneqassaaq.

Qallunaat eqqartuussisarnermik inatsisaanni § 159 malillugu nalunaarutiginninneq Statstidende aqqutigalugu pissaaq, ingammik pineqartup nunami maani najugaa imaluunniit sumiiffia imaluunniit suliffia paassisutissiissutigineqarsinnaanngippat.

Kalaallit Nunaanni eqqartuussisarnermik inatsimmi § 278 b, imm. 1, *oqaaseqatigiit siullertut* aalajangersakkamik ilanngussisoqassasoq siunnersuutigineqarpoq, tamatumalu kingorna eqqartuussinerit matoqqasumik pissapput. Aalajangersakkami *oqaaseqatigiit appaat* aqqutigalugu anaanaasup kissateqarneratigut, kommunimi sulisoq anaanaasoq peqatigalugu takkussinnaavoq. Eqqartuussutit tamanut ingerlateqqinnejcarnerinni, eqqartuussummi inuit pineqartut arlaannaasaluunniit atii, atorfii imaluunniit najugarisaat, imaluunniit pineqartut kinaassusaasa tamanut saqqummiunneqarnissaat pissangitsoq, aalajangersagassatut siunnersuutigineqartumi *imm. 2*-mi siunnersuutigineqarpoq. Inuk taamatut inerteqquteqarnermik unioqqutitsisoq, pinerluttulerinermi inatsit malillugu pineqaatissinneqassaaq. Najukkami eqqartuussivimmur suliap suliassanngortinnejcarnera pillugu nalunaarutiginninnermi, § 137 malillugu aggeeqqusineri aamma eqqartuussutit pillugit nalunaarummik nalunaarutiginninnermi, tamanna pillugu eqqartuussivik qaqutigoorluinnartumik aalajangiippat, anaanaasup meeqqallu aqqi taamaallaat § 137, imm. 1 malillugu tamanut nalunaaruteqarnermi ilanngunneqassapput, tak. Imm. 3. Meeraq qitornavissianngortinnejarsimappat, angajoqqaallu qitornavissiartaartut atii naluppassuk, aalajangersagassatut siunnersuutigineqartumi *imm. 4* malillugu qitornavissiartaartut, peqataasut ilisimannittullu atii eqqartuussisut allattuiffinit imaluunniit eqqartuussiviup aalajangiinerinit takussutissiani ilaatinneqassanngillat.

§ 278 b, imm. 1, *oqaaseqatigiit siullerni* aalajangersagassatut siunnersuutigineqartup, Kalaallit Nunaanni eqqartuussisarnermik inatsimmi § 277-mi assigisaanik aalajangersagaq, taarsissavaa. Oqaaseqatigiit

aappaattut siunnersuutigineqartukkut, oqaaseqatigiit siulliit siunnersuutigineqartut avaqqunneqarsinnaanerat ilanngunneqassaaq, tassami anaanaasoq ilagalugu kommunimi sulisoq eqqartuussinerni ilaasinjaanngortussaammat. Aalajangersakkap sulisup eqqartuussinermi peqataanissaanik kommunit pisussaaffilissanngimmagit maluginiarneqassaaq.

§ 278 b, imm. 2-mi aalajangersagassatut siunnersuutigineqartoq aqqutigalugu, ataataassuseq anaanaassuserlu pillugit eqqartuussutit tamanut ingerlateqqinnejnarneranni, inuit pillugit paasissutissat tamanut saqqummiunneqartarnissaat inerteequtaalissaq, aamma inerteequteqarnermik unioqqutitsineq pillaatissiissutaassaaq. Tamatuma peqatigisaanik, najukkami eqqartuussiviup suliap suliassanngortinnejnarnera pillugu nalunaarutiginninnermini, § 137 malillugu aggeeqqusinerni aamma eqqartuussutit pillugit nalunaarummik nalunaarutiginninnermut atatillugu, anaanaasup meeqqallu aqqi tamanut saqqummiutissanngimmagu, imm. 3-tut aalajangersagassatut siunnersuutigineqartup kingunerissavaa. § 278 b, imm. 4-mi aalajangersagassatut siunnersuutigineqartup, ataatsimut isigalugu ilisarisimanngisamik qitornavissiartaartoqartillugu kinaassutsip isertuunneqarnissaata illorsorneqartarnera atuuttoq, inatsisitigut aalajangersaaffigissavaa.

Kalaallit Nunaanni eqqartuussisarnermik inatsimmi § 137-im i aalajangersagaq, qaallunaat eqqartuussisarnermik inatsisaanni § 159-ip assinganik imaqarmat maluginiarneqassaaq, taamaattoq § 137 malillugu nalunaarutiginninneq Statstidende-kkut nalunaaruteqarnerup saniatigut ilaatigut aamma Atuagagdliutit (AG/Grønlandsposten) aamma allattariarsornikkut tusagassiutit allat atorlugit pisinnaammat maluginiarneqassaaq. Aammattaaq Kalaallit Nunaanni eqqartuussisarnermik inatsimmi §§ 274 b-tut aamma 275-itut aalajangersagassatut siunnersuutigineqartut aqqutigalugit, inatsimmi aalajangersakkanik, inatsimmik nalunaarut nr. 1284, 14. november 2018-imeersoq malillugu, qallunaat eqqartuussisarnermik inatsisaanni inatsimmi §§ 456 g-p aamma 456 h-p assigisai ilanngunneqassammata maluginiarneqassaaq. Naggataagut peqqussut nr. 410, 21. april 2010-meersumi qitornavissiartaarneq pillugu inatsimmi § 4 a Kalaallit Nunaannut atuutilersinnejqarmat maluginiarneqassaaq.

§ 278 b-tut aalajangersagassatut siunnersuut, naleqqussaanerit qulaani taaneqartut naleqqussaatigalugit, inatsimmik nalunaarut nr. 1284, 14. november 2018-imeersoq malillugu, qallunaat eqqartuussisarnermik inatsisaanni inatsimmi § 456 m assigissavaa, taamaammallu aalajangersakkamut tassunga suliamut piareersaataasut aamma tamanna pillugu eqqartuusseriaaseq atuuttoq malillugit nassuiarneqarsinnaassalluni.

§ 278 c-mut

Ataataassuseq pillugu aalajangiisoqartillugu, oqartussaasut allat ilisimatinneqartarnissaat pillugu Kalaallit Nunaanni eqqartuussisarnermik inatsit aalajangersakkamik imaqanngilaq. Oqaaseqatini nalinginnaasuni imm. 2.1 innersuussutigineqarpoq.

Ataataassuseq anaanaaqataassuserluunniit aalajangerneqarpat, imaluunniit suliaq unitsinnejqarsimappat, tamanna pillugu naalagaaffimmi ingerlatsivimmut eqqartuussivik sukkanerpaamik nalunaaruteqassasoq, inatsimmik nalunaarut nr. 1284, 14. november 2018-imeersoq malillugu, qallunaat eqqartuussisarnermik inatsisaanni inatsimmi § 456 n, imm. 1-p malitsigaa. Eqqartuussisut aallattaaviannut akuersissuteqarnerup saqqummiunneqarsimasup assilineranik imaluunniit eqqartuussutip assilineranik, eqqartuussisut allattuiffiisa assilinerannik aamma suliami uppernarsaatnik inummut tunngasunik nalunaarut ilaqtinnejqassaaq. Aalajangersakkamimm. 2 malillugu eqqartuussiviup eqqartuussummik nalunaarutiginninnissaq isumagissavaa.

Kalaallit Nunaanni eqqartuussisarnermik inatsimmi § 278 c, imm. 2-tut aalajangersagaq ilanngunneqassasoq siunnersuutigineqarpoq, tamatumalu kingorna ataataassuseq anaanaaqataassuserluunniit aalajangerneqartillugu, imaluunnit suliaq unitsinnejqarsimatillugu, taava najukkami eqqartuussivik sukkanerpaamik tamanna pillugu Naalagaaffiup Sinniisuanut nalunaaruteqassaaq. Eqqartuussisut allattaaviannut akuersissuteqarnerup saqqummiunneqarsimasup assilineranik imaluunniit eqqartuussutip assilineranik, eqqartuussisut allattuiffiisa assilinerannik aamma suliami uppernarsaatnik inummut

tunngasunik nalunaarut ilaqaqtinnejqassaaq. Aalajangersakkami *imm. 2* malillugu najukkami eqqartuussiviup eqqartuussummik nalunaarutiginninnissaq isumagissavaa.

Kalaallit Nunaanni eqqartuussisarnermik inatsimmi § 278, imm. 3-mi aalajangersagassatut siunnersutigineqartoq malillugu, ataataassutsip anaanaaqataassutsillu aalajangerneqarnerani, imaluunniit unitsinnejqarnerani, ataataassutsimik anaanaaqataassutsimillu suliat pillugit najukkami eqqartuussiviup suliariinnittarnissaa aalajangersagassatut siunnersutigineqartup malittarisassiussavaa. Pisuni taamaattuni najukkami eqqartuussiviup Naalagaaffiup Sinniisaa ilisimatittussaassavaa aamma eqqartuussutip peqataasunut nalunaarutigineqarnissaa isumagisussaassallugu. Kalaallit Nunaanni eqqartuussisarnermik inatsimmi kapitali 11-im i malittarisassat malillugit nalunaarutiginninneq pisussaassaaq.

Aalajangersagassatut siunnersutigineqartoq, oqaatsitigut naleqqussaanerit naleqqussaatigalugit inatsimmik nalunaarut nr. 1284, 14. november 2018-imeersoq malillugu, qallunaat eqqartuussisarnermik inatsisaanni inatsimmi § 456 n assigissavaa, taamaammallu aalajangersakkamut tassunga sorianut piareersaataasunut aamma tamanna pillugu eqqartuusseriaatsimut atuuttumut naapertuuttumik nassuiardeqartussaassaaq.

§ 279-imut

Ataataassuseq pillugu eqqartuussutit naammagittaalliuutigineqarnissaannut aamma naammagittaalliuutit taamaattut Nunatta Eqqartuussisuuneqarfianit suliariineqartarnissaat pillugit Kalaallit Nunaanni eqqartuussisarnermik inatsimmi kapitali 26 aalajangersakkamik imaqanngilaq. Oqaaseqaatini nalinginnaasuni imm. 2.1 innersuussutigineqarpoq. Inatsimmi § 497 malillugu, Nunatta Eqqartuussisuuneqarfianut naammagittaalliuutip assilineqarneranik allakkamik ilallugu, naammagittaalliorisinnaanermut piffissaliussaq naatinngu, naammagittaalliuummik suliassangortitsinkut, naammagittaalliuuteqarneq nalinginnaasumik pisarpoq.

Inatsimmik nalunaarut nr. 1284, 14. november 2018-imeersoq malillugu, qallunaat eqqartuussisarnermik inatsisaanni inatsimmi § 456 o, imm. 1, oqaaseqatigiit siullit malillugit, illoqarfimmi eqqartuussivimmut nalunaaruteqarnikkut naammagittaalliorneq pisarpoq. Aalajangersakkami oqaaseqatigiit aappaat malillugit, nalunaaruteqarneq eqqartuussisut allattaaviannut oqaatsit atorlugit pisinnaavoq. Aalajangersakkami oqaaseqatigiit pingajuat malillugu, nalunaarut, imaluunniit oqaaseqatigiit aappaanni pisuni taaneqartut, eqqartuussisut allattaaviata assilinera aamma suliami allagaatit nunap eqqartuussisuuneqarfianut eqqartuussiviup nassutiissavai. Naammagittaalliorqartillugu aalajangersakkami imm. 2 aamma 3 malillugit inatsimmi kapitali 42 a-mi malittarisassat, pisariaqartinneqartumik sakkukillillugit, atorneqassapput, aamma naammagittaalliuuteqarsinnaanermut piffissaliussat eqqarsaatiginagit, nunap eqqartuussisuuneqarfia naammagittaalliuutip suliariineqarnerata nalaani, illoqarfimmi eqqartuussivimmi peqataasutut ilaasimasut kikkulluunniit ilanngutitissinnaavai. Inuit allat ilanngunneqarnissaat pillugit apeqqummik saqqummertoqarp, suliaq illoqarfimmi eqqartuussivimmi suliareeqtitassanngorlugu utertinnejqassaaq.

Kalaallit Nunaanni eqqartuussisarnermik inatsimmi *§ 279, imm. 1, oqaaseqatigiit siullertut* aalajangersakkamik ilanngussisoqarnissaa siunnersutigineqarpoq, tamatumalu kingorna naammagittaalliuuteqarneq najukkami eqqartuussivikkut nalunaaruteqarnikkut pissaaq. Aalajangersagassatut siunnersutigineqartumi *oqaaseqatigiit aappaat* malillugu, nalunaaruteqarneq eqqartuussisut allattaaviannut oqaatsit atorlugit pisinnaavoq, aamma aalajangersakkami *oqaaseqatigiit pingajuat malillugu*, nalunaarut eqqartuussisut allattaaviata assilinera aamma suliami allagaatit Nunatta Eqqartuussisuuneqarfianut najukkami eqqartuussiviup nassutiissavai. Kapitalimi matumanit malittarisassat, sakkukilliliinerit pisariaqartinneqartut ilanngullugit, aalajangersakkami *imm. 2* aqqutigalugu naammagittaalliuuteqarnermi atorneqassasut siunnersutigineqarpoq. Aammattaaq aalajangersakkami *imm. 3* aqqutigalugu naammagittaalliuuteqarsinnaanermut piffissaliussat eqqarsaatiginagit, Nunatta Eqqartuussisuuneqarfia naammagittaalliuutip suliariineqarnerata nalaani, najukkami eqqartuussivimmi peqataasutut ilaasimasut kikkulluunniit ilanngutitissinnaavai. Inuit allat ilanngunneqarnissaat pillugit apeqqummik saqqummertoqarp, suliaq najukkami eqqartuussivimmi suliareeqtitassanngorlugu utertinnejqassaaq.

Ataataassuseq anaanaaqataassuserlu pillugit eqqartuussutip naammagittaalliuutigineqarnerani sulisaaseq aalajangersagassatut siunnersuutigineqartup malittarisassiussavaa. Aammattaaq ataataassuseq anaanaaqataassuserlu pillugit eqqartuussutip naammagittaalliuutigineqarnerani, aallaaviatigut Kalaallit Nunaanni eqqartuussisarnermik inatsimmi kapitali 26-im i alajangersakkat siunnersuutigineqartut Nunatta Eqqartuussisuuneqarfiata suliarinninnermini atussagai, aalajangersakkap kingunerissavaa. Naggataagut Nunatta Eqqartuussisuuneqarfiata naammagittaalliuutip suliarineqarnerata nalaani, najukkami eqqartuussivimmi peqataasutut ilaasimasut kikkulluunniit ilanngutitissinnaagai, aamma inuit allat ilanngunneqarnissaat pillugit apeqqummik saqqummertoqarpat, suliaq najukkami eqqartuussivimmi suliareqqitassanngorlugu utertissinnaassagaa, aalajangersakkap kingunerissavaa.

Aalajangersagassatut siunnersuutigineqartoq, oqaatsitigut naleqqussaanerit naleqqussaatigalugit inatsimmik nalunaarut nr. 1284, 14. november 2018-imeersoq malillugu, qallunaat eqqartuussisarnermik inatsisaanni inatsimmi § 456 o assigissavaa, taamaammallu aalajangersakkamut tassunga sulianut piareersaataasunut aamma tamanna pillugu eqqartuusseriaatsimut atuuttumut naapertuutumik nassuiardeqartussaassaaq.

Nr. 4-mut aamma 5-imut

Kalaallit Nunaanni eqqartuussisarnermik inatsimmi § 283, imm. 1, malillugu, appariinneq pillugu suliaq naalagaaffimmi maani (Danmarkimi Kalaallit Nunaannilu) eqqartuussisunut suliakkiissutigineqarsinnaanersoq, qallunaat eqqartuussisarnermik inatsisaanni § 448 c malillugu aalajangerneqassaaq. Kalaallit Nunaanni eqqartuussisarnermik inatsimmi § 283, imm. 2 malillugu, angajoqqaatut akisussaaneq pillugu, meeqqap najugaa pillugu, katerismaarsinnaaneq pillugu, allatut attaveqarsinnaaneq pillugu imaluunniit nunanut allanut angalanissat pillugit akuerineqarnissaq pillugit, naalagaaffimmi maani (Danmarkimi Kalaallit Nunaannilu) eqqartuussisunut suliakkiissutigineqarsinnaanersut, qallunaat eqqartuussisarnermik inatsisaanni § 448 f malillugu aalajangerneqassaaq. Inatsimmik nalunaarut nr. 1284, 14. november 2018-imeersoq malillugu Danmarkimut eqqartuussisarnermik inatsimmi siusinnerusukkut atuuttumi §§ 448 c-mi aamma 448 f-imti taakkununnga oqaasertaliussat innersuussutigineqarput.

Kalaallit Nunaanni eqqartuussisarnermik inatsimmi § 283, imm. 1-im i qallunaat eqqartuussisarnermik inatsisaanni § 448 c-mut innersuussineq allanngortinneqassasoq, taarsiullugulu qallunaat eqqartuussisarnermik inatsisaanni § 448 f-imut innersuussisoqassasoq siunnersuutigineqarpoq. Tamatuma peqatigisaanik Kalaallit Nunaanni eqqartuussisarnermik inatsimmi § 283, imm. 2-im i qallunaat eqqartuussisarnermik inatsisaanni § 448 f-imut innersuussineq allanngortinneqassasoq, taarsiullugulu qallunaat eqqartuussisarnermik inatsisaanni § 448 g-imut innersuussisoqassasoq siunnersuutigineqarpoq.

Angajoqqaat akisussaatitaanerat pillugit inatsisip, appariilertarneq appariikkunnaartarnerlu pillugit inatsisip inatsisillu allat inatsimmi nr. 1711-mi 27. december 2018-immersumi (Ilaqtariit inatsiseqartitaanerannut illu pillugu inatsit aamma angajoqqaat akisussaanerat pillugit inatsit malillugu suliani meeqqamik illersuinerup ukkatarineqarnerata sakkortusineqarnera) § 15, nr. 15-ikkut qallunaat eqqartuussisarnermik inatsisaanni §§ 448 c aamma 448 f atorunnaarsinnejnarnerat aamma aalajangersakkat taakku marluk ataatsikkut, imai allanngortinnagit, qallunaat eqqartuussisarnermik inatsisaanni, taama tulleriillutik, § 448 f-itut aamma § 448 g-tut ingerlateqqinnejnarnerisa kingunerisaannik, siunnersuut manna siunnersuutigineqarpoq.

Nr. 6-imut

Kalaallit Nunaanni eqqartuussisarnermik inatsimmi § 708 malillugu, innuttaasut eqqartuussivikkut suliassiissutaannut siullermeerrifiisunut akitsuut 500 kr. akilerneqartarpoq. Ataatassarsiueq pillugu suliat akitsuutitaqannngitsut, inatsimmi § 716, nr. 4-p malitsigaa.

Kalaallit Nunaanni eqqartuussisarnermik inatsimmi § 716, nr. 4-im "ataatassarsiueq"-rup kingorna "anaanaaqataassuseq" ilanngunneqassasoq siunnersuutigineqarpoq.

Aalajangersakkami anaanaaqataassutsimut suliat aamma ilaatinnejnernissaat siunnersuutip kingunerissavaa.

Meeqqat pillugit inatsimmut peqqussut aqqutigalugu Kalaallit Nunaanni eqqartuussivit aammattaaq anaanaaqataassuseq pillugu sulianik suliariinnittussanngortussaanerisa malitsigissaannik siunnersuut siunnersuutigineqarpoq.

§ 5-imut

Imm. 1-ikkut inatsit [dato] atuutilissasoq siunnersuutigineqarpoq. Meeqqat pillugit inatsimmut aamma meeqqanut akilersuutit pillugit inatsimmut peqqussutit Kalaallit Nunaannut atuutilersinneqarnissaat tamassuma peqatigisaannik atortuulersinneqassapput.

Kalaallit Nunaannut meeqqat pillugit inatsimmi ataataassuseq, meeqqanut akilersuutit aamma kingornussassat pillugit aalajangersakkat atuuttut, meeqqanut inatsisip atuutilinnginnerani inunngorsimasunut atuukkunnaarnissaat, aamma Kalaallit nunaanni eqqartuussisarnermik inatsimmi allannguutissatut siunnersuutigineqartut ataatassarsiuinermik- aamma akilersuutit pillugit sulianut ingerlasunut aamma atuunnissaat imm. 1-imi aalajangersagassatut siunnersuutigineqartup ilaatigut kingunerissavaa.

Meeqqanut akilersuutit pillugit aalajangersakkat atorunnaarsinneqarnissaannut allanngortinneqarnissaannullu tunngatillugu tamanna ajornartorsiuitaqarnaviangilaq, tassami meeqqanut akilersuutit pillugit inatsisit, Kalaallit Nunaannut atortuulersinneqarnissaatut siunnersuutigineqartoq, inatsisitigut inissisimanermi atuuttumi tunngaviusumik allannguutinik imaqartussaanngilaq, taamaattoq imm. 5-imi ikaarsaariarnermi malittarisassaq, ataani allaaserineqartoq takuuk.

Kisianni ikaarsaariarnermi malittarisassat imm. 2-miit 4 ilanngullugu aammaa 6-imiittut malillugit ataataassuseq, meeqqanut akilersuutit aamma meeqqat kingornussisussaatitaanermut inatsisitigut inissisimanerat pillugu malittarisassanut atatillugu ikaarsaariarnermi malittarisassanik pisariaqartitsisoqassaaq.

Meeqqat pillugit Kalaallit Nunaannut inatsimmi ataataassuseq pillugu kapitali 1-imi aamma Kalaallit Nunaanni eqqartuussisarnermik inatsimmi kapitali 26-imi aalajangersakkat atuuttut, inatsisissatut siunnersummi §§ 1 aamma 4 apeqqutaatinngit, meeqqanut inatsisip atuutilinnginnerani inuuusimasunut suli atuunnissaat *imm. 2-mi ikaarsaariarnermi malittarisassatut siunnersuutigineqartup malitsigaa, taamaattoq imm. 3, ataani allaaserineqartoq takuuk. Ikaarsaariarnermi malittarisassatut siunnersuutigineqartup, meeqqat pillugit inatsit Danmarkimi atortuulersinneqarmat ikaarsaariarnermi malittarisassanut naapertuuttup, meeraq inatsisip atuutilinnginneranni inunngorsimappat, meeqqat pillugit Kalaallit Nunaannut inatsimmi aamma Kalaallit Nunaanni eqqartuussisarnermi inatsimmi ataataassuseq pillugu aamma ataatassarsiuinermik sulianik suliariinninnerit pillugit malittarisassat maannamut atuuttut suli atuunnissaat, ikaarsaariarnermi malittarisassatut siunnersuutigineqartup kingunerissavaa. Ataatassarsiuinermik suliani ingerlasuni aamma atortuulersitsineq sioqqullugu ataatassarsiuinermik suliat suliareqqitassanngortinneqarneranni tamanna atuutissaaq.*

Aammattaaq inatsisissatut siunnersummi § 1 apeqqutaatinngagu, meeqqat pillugit Kalaallit Nunaannut inatsit suli meeqqanut inatsisip atortuulersinneqarnera sioqqullugu inuuusimasunut suli atuutissasoq, imm. 2-mi ikaarsaariarnermi malittarisassatut siunnersuutigineqartup malitsigaa. Meeqqat pillugit Kalaallit Nunaannut inatsimmi § 23 a malillugu, meeraq Kalaallit Nunaata kitaani imaluunniit Kalaallit Nunaata Avannaani-Kangianiluunniit 1. juni 1963 sioqqullugu appariinnerup avataani inunngorsimasoq, ataataassuseq pillugu suliamik suliassanngortitsisinnaavoq, aamma massa inatsimmi § 26-imi aallaqqataani ikaarsaariarnermi malittarisassaaq malillugu ataamatik kinaassusaata aalajangersarneqarnissaanut akornuserneqaraluarlutik. Meeqqat pillugit Kalaallit Nunaannut inatsimmi § 23 a-mut naleeqqullugu, meeqqat pineqartut, "inatsisitigut ataataqanngitsut"-tut taaneqartartut, suli ataataassuseq pillugu suliassanngortitsisinnaanerat, aamma suliat taamaattut meeqqat pillugit Kalaallit Nunaannut inatsimmi kiisalu Kalaallit Nunaani eqqartuussisarnermik inatsimmi ataataassuseq pillugu maannamut malittarisassat atuuttut malillugit suliarineqartussaassammata, ikaarsaariarnermi malittarisassatut siunnersuutip kingunerissavaa.

Imm. 2-mi ikaarsaariarnermi malittarisassatut siunnersuutigineqartoq apeqqutaatinngagu, meeqqamut inatsisip atuutilersinneqarnera sioqqullugu inuusimasumut ataattassarsiuiermik suliamut, inatsisip atortuulersinneqarnerata kingorna, meeqqat pillugit inatsimmut peqqussummi § 22 malillugu suliareqqitassanngortinnejartussatut qinnutigineqartumut, meeqqat pillugit Kalaallit Nunaannut inatsimmi kapitali 1 atuutissanngitsoq, *imm. 3*-mi ikaarsaariarnermi malittarisassatut siunnersuutip malitsigaa.

Tamanna pillugu peqataasut tamarmik isumaqtigippata, ataataassutsip aalajangersaavigineqarnissaanik suliap suliareqqitassanngortinnejarnissaa, meeqqat pillugit inatsimmi § 22-mi pineqarpoq. Meeqqat pillugit inatsimmut peqqussut aqqutigalugu, meeqqat pillugit inatsimmi § 22, imaanik allangortitsinani, Kalaallit Nunaannut atortuulersinneqassaaq. Meeqqat pillugit inatsimmut peqqussummi § 22 malillugu ataataassuseq pillugu suliaq suliareqqitassanngortinniarneqarpal, inatsisissatut siunnersummi § 4, nr. 3 malillugu suliap peqqussut aamma Kalaallit Nunaanni eqqartuussisarnermik inatsimmi kapitali 26 malillugit suliaq suliarineqartussaassasoq ikaarsaariarnermi malittarisassatut siunnersuutigineqartup kingunerissavaa.

Imm. 4-mi ikaarsaariarnermi malittarisassatut siunnersuutigineqartoq malillugu, inatsisip atortuulersinneqarnera sioqqullugu toqusoqarsimappat, meeqqat kingornussisarnermi inatsisitigut inissisimanerat pillugu meeqqat pillugit Kalaallit Nunaannut inatsimmi §§ 21 aamma 22 atuutissapput. Taamaattoq inatsisip atortuulersinneqannginnerani kingornussassat allangortinnagit pigiinnarneqarnissaat pillugit aalajangiisoqarsimappat, meeqqat pillugit Kalaallit Nunaannut inatsimmi § 21, *imm. 2* aamma § 22, *imm. 2* suli atuutissapput. Meeqqat pillugit Kalaallit Nunaannut inatsisit atorunnaarsinneqaraluartoq, meeqqat pineqartut kingornussisarneq pillugu inatsisitigut inissisimanerat allangortinnejassanngitsoq, ikaarsaariarnermi malittarisassap siunnersuutigineqartup kingunerissavaa. §§ 21 aamma 22 pillugit, nalinginnaasumik oqaaseqaatini *imm. 2.1.1.3* innersuussutigineqarpoq.

Inatsisissatut siunnersummi §§ 1 aamma 2 apeqqutaatinngagit, meeqqanut akilersuutinik aalajangersaanissamik imaluunniit allangortitsinissamik, inatsisip atortuulersinneqannginnerani tunniunneqarsimasumik, qinnuteqarnermi meeqqat pillugit Kalaallit Nunaanut inatsimmi kapitali 2-mi aamma 3-mi, aamma aappariinneq pillugu peqqussummi §§ 42-mi 45-milu malittarisassat atuutissasut, *imm. 5*-imi ikaarsaariarnermi malittarisassatut siunnersuutigineqartup malitsigaa. Meeqqanut akilersuutit pillugit qinnuteqaatit inatsisip atortuulersinneqarnerani suliarineqartut, malittarisassat maannamut atuuttut malillugit naammassillugit suliarineqartussaanerat ikaarsaariarnermi malittarisassatut siunnersuutigineqartup malitsigaa.

Naggataagut meeqqat pillugit Kalaallit Nunaannut inatsimmi kapitali 2 aamma 3, inatsisissatut siunnersummi § 1 apeqqutaatinngagu, aammattaaq meeqqanut akilersuutit pillugit suliani atuutissammat, tassani Kalaallit Nunaanni meeqqat inatsiseqartitaanerannik inatsimmi § 6, *imm. 2*-mi siusinnerusukkut aalajangersakkat malillugit angut akilersuisussaatitaasutut isigineqarluni, aamma meeqqanut akilersuutit allangortinnejarnissaat pillugit qinnuteqaat inatsisip atortuulersinneqarnerata kingorna tunniunneqarsimalluni, aamma qinnuteqaatit taamaattut Kalaallit Nunaanni Naalagaaffiup Sinniisanit suliarineqartassasut, *imm. 6*-imi ikaarsaariarnermik malittarisassatut siunnersuutigineqartup malitsigaa. Meeqqat pillugit Kalaallit Nunaannut inatsimmi § 6, *imm. 2* malillugu angut akilersuisussaatut isigineqartillugu, meeqqamut akilersuutit pillugit suliaq taamatuttaaq malittarisassat maannamut atuuttut malillugit suliarineqartussaassasoq, taamaattoq suliat Naalagaaffiup Sinniisaanit suliarineqassasut, ikaarsaariarnermi malittarisassatut siunnersuutigineqartup kingunerissavaa. Meeqqat pillugit Kalaallit Nunaannut inatsimmi § 6, *imm. 2* pillugu nalinginnaasumik oqaaseqaatini *imm. 2.1.1.2* innersuussutigineqarpoq.

§ 6-imut

Angajoqqaat akisussaatitaanerannik inatsisip allangortinnejarnissaanut inatsisissasut siunnersummi § 3-mi siunnersuutigineqartup, Savalimmiunut Kalaallit Nunaannullu atuutinginnissaa siunnersuutigineqarpoq.

Kalaallit Nunaannut tunngatillugu, angajoqqaat akisussaatitaanerannut inatsimmi aalajangersakkanik arlalinnik ilanngussisoqarnissaa siunertaralugu peqqussummi periarfissaliissuteqarsinnaaneq, taamaallaat Danmarkimi atorneqartussaasoq pineqarmat tamatumunnga pissutaavoq. Savalimmiunut tunngatillugu, inuit-, ilaqtariit- aamma kingornussisussaatitaaneq pillugit sulianut suliassaqarfitt savalimmiuni oqartussaasut tigusimammatigit tamatumunnga pissutaavoq, matumani angajoqqaatut akisussaatitaaneq pillugu inatsisiliorneq ilanngullugu.